

JO: BRUNATII
CHARTARUM
CŒNOBII S. JUSTINÆ

EXPLICATIO.



PATAVII MDCCLXIII.

EX TYPOGRAPHIA CONZATTI.

SUPERIORUM PERMISSU.



ALICE A. ROSE

P. 4. 125

(I)



AD JOANNEM
AUGUSTINUM GRADONICUM
PONTIFICEM CLUJENSEM

PRÆFATIO.



Olunt Cassinenses tui, Praesul ornatissime, dissertationes meas edi; volunt eas inscribi tuo nomine: tui monachi jubent me Brunatium tuum venire cum scriptis ad te meis in defensionem chartarum suarum factis: id optabans

in

in primis ii, quos diu noveras tibi devotos, qui te non semel hic hospitantem consueverant adcuratius aliis habere; te comitari, vetustatem loci vetustateque tecum tractabant, ab ore tuo pendebant; ii simul ex hac familia Divæ Justinæ: quos quidem scis atque amas; ut amant ii te maxime coluntque præ ceteris hominibus. Ego magis iis omnibus id etiam volo, Te Gradonicum spectatorem laboribus ac studiis adesse meis: id enim solebas. Ac mihi præsentior olim testis & inspector adstitisti: cum dies integros apud te Venetiis instituerem: tuque me quotidie recipiebas in ædes, non dico Gradonicas; hoc enim tui majores a multis annis faciunt; at in eas ad Georgii Majoris, in conclave tuum prorsus; apertis autem thesauris tuis bibliotheca, museo, tabulario, cum reliquis hujusmodi bonis. Ergo meas antiquitates, immo nostras, ibi tractabam, describens de pergamenis, observans, intendens: iique dies mihi accurrebant unus impransus & alius, ~~at post~~, alique, denique mensis; ut curiosius adnotasti; jocus ob hoc inter amicos: ex quibus & Savorgnanus id adrisit mihi, vir Senator, antiquæ nummarie parens, adfinis tuus. Hæc ego videbar ante tres annos ita pertractans apud te tuosque, Gradonice pontifex. Ceterum sic mihi pro more meo vita traducitur: hæc operis assiduitas in hos annos, in alios erat: dum se diligentie meæ prodidit immensitas instrumentorum, quæ non ab ignavissimis attendebatur: iique moram scilicet meam pro

(III)

Soliditate quadam sua contemnunt. Nam simili modo studioque descripsi per eos menses archivum Castellannum, quod mihi post suum reseraveras: industriamque meam simul experiebaris ab hac quoque parte. Tam soles, ut dixi, praefens laboribus ac studiis meis adesse. Quingentas utroque de tabulario membranas exscripsi quinque mensibus, omnes antiquioris aevi, seculo notatas undecimo duodecimoque, plerasque de suis originalibus. Id quantum sit, aestimant homines artis: aestimas tu praesertim sciens cam. Nec dubium, quin id ingens incrementum fuerit antiquitatum Patavinarum: quod tibi debebimus. Ex eo me recepi Patavinum, proximus huic bibliotheca vestrae Cassinasi: nam sine ea parum processissent mihi res consuetudineque meae pro domesticis eruditionibus. Hic eas agito necum; debuique tractare; nec ad arbitrium meum, sed ut instrumentorum conditio voluit; multoque minus ut placeam vanis: ac publicum bonum privatorumque de vetustatis investigatione consecrando. Nunc habebis aliquod experimentum propositi mei. Nam suos apud monachos amicos meos haec saepe commemorans, adjiciensque maxime de caenobii sui documentis, ut ea prorsus ab injuria vendicaverim, sensi paulatim cupere eos de toto corpore mea tractationis has sibi partes accipere, quas aliquando praecipue inculcarent. Ita fecerunt ut ederem. Atque aere mihi demum fuit exagitari diutius innocentiam chartarum falsis

sis accusationibus atque adeo ludibriis a quolibet hominum genere, doctis indoctis, honestis inhonestis. Ea vero gloria magnificæ domus ac religionis honorificentiorum de suæ vetustatis instrumentis opinionem sibi deposcebat apud mortales. Hic itaque finis erit diuturnis quæstionibus: habebimusque nostræ definitionis auctorem te Gradonicum: qui similibus argumentis eras exercisatus; idem talium disputationum scriptor & iudex. Opera prostant tua partim rei nummariæ, partim diplomaticæ; simul aliqua alia comparas in utramque facultatem: nec in iis minus es probus ac solers ut in omni vita moribusque tuis. Hic aliquid adderem de me, nisi videretur arrogantia, benignitatem alterius in laudem suam vertere. Dissimularem de te, nisi quædam putaretur improbitas, amicorum beneficia non, in tempore loquere, saltem commemorare. Tu scriptis in iis tuis vulgatis vulgandisque me nimium, Gradonice prædicas. At ex te viro tanto vide ~~quid~~ mihi bonum sit hoc apud bonos. Unum ex iis operibus in publicum proferens id mihi dedicasti; tu, mihi: præstiteras id officium tu mihi, quod alio quidem iure debitoque meo nunc impendo tibi. De quo tuo opere nunquam cessabam vel admirari vel dicere; quod præsertim tam pulchre faceret historiæ meæ: quæ causa fuit quoque cur mihi dedicares. Ob eandemque causam, cum debuisssem paulo post id inferere scriptum tuum fastis Patavinis, in id præfabar huiusmodi verbis meis, ut

huc

(V)

huc transfero. Inventum, inquam, prorsus admirabile proditur Augultini Gradonici. Vulgavit is libellum præteritis mensibus; inscripsit & mihi: seu benevolentia quadam sua fecerit, aut argumenti nostratis opportunitate, vel utraque res animum ejus ad meum decus incenderit. In quo libro sic instruit præclarus autor, idem fuisse Veicetinorum comitum, quod in hanc ætatem viget, Patavinorumque, præterea Candianorum ducum Venetorum genus. Hoc invenit asseruitque de monumentis egregius autor; & hoc inventum professores antiquitatis admirandum semper habebunt. Hæc ibi pro te meritoque tuo commentabar. Ac nostris erit semper is artibus bonus, eas a te diligenter excoli, multumque promoveri. Nunc ades omnino. Tu diu monachus exercitationes monasticas, tu Patavinis meis illustrator illustrationes Patavinas accipies in hoc libro meo quem damus: accipies eo autem animo, quo nos damus.

Hæc &, magis ut placeant tibi, nonnumquam decoravimus; aliis aliisque locis eos adposuimus ornatus & argumento quemque suo consonos, aut ex eruditione tua; nonnullas ædificiorum species, alibi sanctorum præclaras imagines, etiam lapidem cum sua inscriptione, moneras alibi, denique bullas plumbeas: ita varium fecimus opus hac quoque distributione, quod in suis aliis erat partibus: hoc enim legendo comprobabis.

Ad primum libri caput appositus est domestici templi conspectus, ut ex architecto fuit olim suo: nam ceteri post immutarunt. Audiebam saepe mirantes homines, adem Justinæ tanto consensu præcipuis intus in partibus, extra dissolvere se per omnes angulos: omnino via eundem videri machinatorem vel interioris, aut exterioris apparatus; alio singulis architectura legibus, alio fere nullis. At ii viderint, inquam, homines, ut ea res fuit. Unus erat quidem tractator interius exteriisque: sed invaserunt utrimque novatores; intra nonnihil attigerant, foris omnia turbaverunt. At ex his typis apparet, ut hac haberetur olim basilicæ facies. Ejus exemplar edidi, quod apud me superest ex charactæro quodam codice; præter alia quæ minus efficiunt, etsi prostant.

Alterum ex iis quæ ponimus adificiis expectabas ultimum libri caput. Huc pertinet explicatio de Patavino quondam theatro, quod Zairum cithra vocabatur. Hac id apud Patavinos ædificium scilicet ingens ait fuisse, quod in ruinas evaserit: ex quibus ingentes etiam superesse dicebat reliquias; ut ex murorum fragmentis adhuc nostri pontifices effoderent quosdam lapides, alibi magnis, ut asserunt, debitis persolvendis. Hac eo modo scriptum publicum referebat ex tabulario sanctæ Justinæ. Tum venerat ad manus aliquid huic descriptioni simile de tabulis Eugubini quondam theatri: quas etiam videbatur in hoc tempore Sattius ac-

(VII)

commodavisse meis usibus. Eas igitur huc transuli. Nam proferunt destructum seculis antiquissimis opus : ac reliqua vix membra manent aliqua tamquam vasti quondam corporis : ut Patavinum quoque nostrum scriptio- nes undecimi seculi repræsentaverant.

Ad quintum libri caput ad chartas memorabiles Opilionis appositus est lapis Opilionis. Hoc nomen eo perripit, in historiam quoque S. Prosdocimi, quæ de summis affectat antiquitatibus : adeo se temerarios aliquando scriptores habent. Id audent ii nunc : erat, inquiunt, in hac civitate Patavii quidam patricius nomine Opilio vir christianissimus, qui revelatione ammonitus construxit ecclesiam in honore sanctæ Justinæ. Et prope eam de lapidibus preciosis & opere misoleo fecit oratorium in honore sanctæ Mariæ. Quam ecclesiam simul cum oratorio Sanctus Prosdoci- mus consecravit : & ibi plurimas sanctimoniales fœ- minas deo servientes ordinavit. Hæc apud scriptorem vel exscriptorem Visæ S. Prosdocimi. Quas ego farra- gines habui tamen ex codice sex etiam sæculis. Aliæ sunt scriptiões historiæ sancti Danielis. Huc enim processit Opilio cum titulis iis, ut Vir Clarissimus & Illustis Præfectus Pretorii atque Patricius. Harum quo- que scriptiõnum conditores ultra sexcentos annos, ex- scriptores æstimant se quadringentis. Ac lapis Opilio- nis omnes eos titulos jalabat. Eos autem existimo, vel ex lapide transductos in codices : aut qui falsarios

(VIII)

hæc comminiscatur, cum codices ac lapidem simul imponere. Postquam chartas Opilionis ea fide probatas, ac tempore ceterisque notis in hoc libro certas habuerimus, excidunt alia quæ non eo conveniunt; etsi multam vetustatem ferant: at minorem chartis iis auctoritatem ferunt. Huc ergo lapidem quoque designabam pro monumento quodam studiosis: at ut monerem, post bonas tabulas id esse. Dedi tamen accuratius aliis editoribus. Habetur alius ad murum qui nobilissimo, quod ait Cavacius, ambulacro veterem ecclesiam novo templo conjunxit.

Alio sunt genere meritoque figuræ duæ, quas ex marmoreis transtulimus in hos typos, alteram principio libri, alteram fine, Divos duos Justinam, Prosdociumque cum suis oculis, ac litteris: ex quibus & sumpsimus indicium præsertim temporis. Examinatis enim similibus alibi sculpturis ac notis, ita nostræ videbantur appetere sæculo duodecimo. ~~Nec alia forma se dabant litteræ plures ex iis quæ prostant~~ Ecclesiarum Veronensium libris primo alteroque, pro duabus inscriptionibus, alia MCXLIX. alia circiter anno MCXLI. Nobis autem Patavinis hæc Justina coronato capite Reginam se prodit: ac pomum dextera sua ferr, id etiam pro regio decore. Nam Godefridus eo sæculo Viterbiensis interrogat: quid significet globus aureus, qui regum manibus gestatur? iisque versibus responder: aureus ille globus pomum vel palla vocatur; Quando

coro-

(IX)

coronatur, palla ferenda datur. *Apud Heinemannum capite nono, sigillum Mariæ describitur* Ottonis quarti conjugis exhibetque Augustam coronatam; dextra lili-um, sinistra globum sine cruce pomumque tenet: nam tenent Augusti globum pomumque cum cruce. Nostrum Justinæ tamquam Reginae caret cruce. Stat loculo Prosdocimus alio cum suis pontificalibus, adhibens eam capiti mitram, tenetque manu ferulam, quod aiebant, utramque plenas eruditionibus. In primis un-
cus is pastoralis, ut serpens, ita est, qualis eburneus a me datus historicis Camaldulensibus, insculptus & iis notis anno Domini M.C. quem toties ad D. Mi-
chaëlis inspectaveris, Augustine Præsul. Hi vero Cas-
sinenses habent in suis ædibus imagines, quas dico, marmoreas duas, aliasque simul uno quidem loco, simul alias alio: nec eo de genere tantum prætenditur alibi religionis aut antiquitatis apud nostrates.

Ac mihi Justinæ alias addere placuit ex vetustatis-
bus aliis, ut ex nummis duobus, utroque Carrigeris, quos hic ad ornatum præfationis appono. Quippe de monumentis admodum raris habebantur officinæ Patavi-
næ. Prorsus ego numquam prodita Collectoribus buc edo. Crux iis media est, quam sculptam serunt, eam signum præclarissimum tuæ dignitatis, Augustine Pon-
tifex. Etiam bullas ex plumbo duas in hoc ordine dis-
posui, pares ætate nummis iis duobus. Hic enim te prohibere non oportebat aut decora familie tuæ, Pa-

raunosque fastos. Ita qui duos ego nummos habeo, eodidem quoque possideo similis antiquitatis, adpictis extra Carrigeris insignibus; intus eo titulo modoque se profert: Liber omnium inquisitionum, denunciacionum &c. coram iudice & assessore spectabilis & egregii militis Domini Jacobi Gradanico de Veneciis, civitatis Padue honorabilis potestatis, anno D. N. J. C. millesimo trecentesimo nonagesimo secundo, indictione quintadecima. Rursus ab exteriori parte fila pendens medio latere duo, cum bullis iis ex plumbo, signis pratoris urbis. Earum faciem priorem crux Patavina civitatis habebat, ut edimus; alteram capis stemma Gradanicum. Quæ duo rara simul erant sigilla, velut nummi duo; qualia nusquam viderimus hactenus ex Patavinis Venetisque Vestris. Igitur æquas antiquitates in unum collocabam, vel eas Justinae, quo numine liber hic asseritur, aliasque Gradonicas, quo nomine vulgaratur.

((XI))

Legendum.

Pag. 23. lin. 17.	ceperat
45. 7.	tantummodo
47. 23.	quem-ad-modum
48. 10.	ditionibus
79. 27.	presbyter &c.
94. 3.	fatis
95. 20.	Mathiæ
113. 2.	earum

Addendum.

Pag. 142. lin. 23.

Est calendarium Patavinum principio seculi duodecimi tenens ad eam diem III. nonas Januarias hanc notam *Sancti Danielis Martiris* : ut dat hic apud nostrates archivum Domus Dei.

Notandum.

Quod fit in hoc studio nostro, dum veteres edifiererem chartas, aliquando retinui falsas earum latinitates: nec has tamen ego semper alio charactere distinxī, quod in hoc etiam studio nostro solet. Nam volui nonnumquam credere lectorum vel peritiæ qui sine distinctione mea scirent distinguere; vel benevolentię, qui barbaries alięnas mihi non imputabunt.

(XII)

NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del P. Fr. Filippo Rosa Lanzi Inquisitor General del Santo Officio di Venezia, nel Libro intitolato Manoscritto. *Joannis Brunatii Censurarum Cænobii S. Justinæ Explicatio*; non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi concediamo Licenza a *Francesco Conzatti* Stampator di Padova, che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 12. Luglio 1763.

(*Sebastian Justinian. Rif.*

(*Polo Renier Rif.*

(*Alvise Vallareffo Rif.*

Registrato in Libro a Car. 173. al Num. 934.

Davidde Marchesini Seg.

CAP.



CAPUT I.

VENANTII FORTUNATI
 SI PATAVINA TIBI PATEAT VIA
 PERGIS AD VRBEM ET SACRA
 IVSTINÆ ROGO LAMBE SEPUL-
 CHRA BEATÆ CVIVS HABET PA-
 RIES MARTINI GESTA FIGURIS

LIE. IV. VIT. S. MARTIN.

A 2

CA-

Ildebrandi Regis Italiae.

DE cœnobio Sanctæ Justinæ testimonium est Langobardis temporibus. Hæc enim vetustas æstimatur ex præcipuis in hoc ordine. Quæ per Italiam quoque claustrorum fœminarumque nobiliora manent, ea vix aliud ævi spatium sibi vendicare solent. Ac de paucis aliis alia consideratio tenebat. Habemus igitur in archivo Sanctæ Justinæ chartam sic enunciantem de rebus, & possessionibus, ac terris, ait, *quantas cumque Flavius Ildebrandus excellentissimus rex a jure ipsius monasterii desinuit sub pensionis nomine*. Millenos, & alios amplius annos ea Regis Ildebrandi cum cœnobio Sanctæ Justinæ tractatio est. In qua primum reputabitur, hæc opum vis omnis & æstimatio regem decere; tanto scilicet ambitu soli terrarumque de monasterii ditionibus ac rationibus. Aut oportebat advertere, quæ conditio belli foret Ildebrando, nomine pensionis. An, ut nostris temporibus, Ildebrandus opes ac jura monasterii, quæ veteris institutionis erant, ad se transferret in hoc tempore, pacto pensionis. An Ildebrandus, eorum temporum more, totas eas arborum latitudines instrumento quodam donationis adsignaverat huic Patavino monasterio, quas alio tamen instrumento mona-

sterii volebat sibi permitti, dum pensionem posthac annuam solveret. Utroque modo cœnobium Sanctæ Justinæ præclarum fiebat: eo priore vetustas amplitudinis asseritur; hoc altero majestas donatoris gloriam conciliabat.



C A P U T III.

Gregorii Papæ IV.

I. **D**Ebetur autem fides Ildebrandi monumento, quod obtrahit bonos autores: etsi dubitationes aliquas adversus eos excitaverat imprudentia sæculi. Prostat id scriptum, quod apud nos bulla Gregorii quarti nomen obtinebat; in archivo quoque Sanctæ Justinæ manens: agitata diu studiis hominum per Italiam Germaniamque: nec habemus id autographum: sed ex eo pergamenz sunt duæ; quæ multum præsentī negotio faciunt. Utraque Gregorium pontificem præferunt; ex indiciiis quartum scilicet: utraque confirmationem possessionum Sanctæ Justinæ continent: utraque demum componebant intolerandos errores. Hoc tamen, quid genus omne sit, expedio.

II. Chartæ, quas dixi, duæ Gregorium sic inducunt, ut confirmantem jura Monasterii possessionef-

que

que. Sed hæc jura, sed eas possessiones apparebat obvenire monasterio post Gregorii tempora. Pontifex itaque traducitur ut confirmans & approbans ea quæ suo tempore non erant. Deinde scriptorum, quas dixi, duarum quædam sæculo duodecimo pertinet, alia terdecimo: prima notas earum possessionum fert ad suos usque annos, altera ad suos usque; volens utraque confirmatas eas a Gregorio notas, ac possessiones. Ergo Pontifex anno post octingentesimo sedens erit in his tabulis etiam præfens anno millesimo centesimo post; & anno quoque millesimo ducentesimo post aderit, ætatum confirmans earum possessiones. Hi sunt errores utriusque scriptoris intolerabiles. Ab alia parte sunt earundem scriptorum bona; quæ dicebam causæ præfenti multum facere. Nam de notis iis ac possessionibus in summam constabat, eas ad monasterium pertinuisse. Comparabam singula singulis: hinc geminas chartas; alio membranas alias in archivo positas: etiam nonnullas earum vulgaverant ad hanc diem Cavacius, Pezius, Muratorius. At scriptores eos nostrates duos in ceteris esse diligentes ac fidos examinando comperiebar. Hæc opum facultatumque monasterii capita legitimis ex principiis venire: qui libellos eos duos ita composuerant, nolle præsertim fallere tamquam de fide aliqua proponentes aut desumentes. Id inquam de scriptoris utriusque partibus interim designo: quas, ut dixi, video plerumque firmari sanctioribus instrumen-

tis.

tis. Quibus aliqua si pars vacabat, hæc habet testimonium tamen ex aliis ibi partibus, ut probis, ac probatis. Constat enim perire demum tabulas publicas. Quarum sæpe restant memoriæ minoris autoritatis, at historia fideque satis credibiles. Hujus ordinis in iis duabus erat chartulis monumentum regis Ildebrandi; quod proposueramus ante.

III. Nunc earum magis explicatio chartarum nos urget. Diximus in suis eas partibus esse bonas: in totum reputavimus eas ineptissimas. Ideo bonas in singulis partibus eas diximus, quia partes ingenio sunt bono; quamquam ceteris additæ non bene: quod in operibus aliis accidit, ubi colores, æra, marmora, quæ sibi valent, in tabulam, statuam, domum parum consentiunt. Hoc etiam diximus, autores chartarum duarum talibus induci moribus, ut de falso non inveherent: ea tantum quæ constabant, quæ præsto fuerunt, in unum componentes: etsi malas admodum subtractiones fecerint. At non effinxerint mendacio donationes, emptiones, libellos aut alia quæ sine seculi noni, quæ principio decimi; quæ seculis aliis undecimo, duodecimoque; demum seculo terdecimo tenuit archivum Sanctæ Justinæ: vel etiam tenet. Quæ malis aliis temporibus artifex iterum scdare potest importunis additionibus, ambiguis inductionibus: etsi de novo nec ea fingeret; aut alias monasterio possessiones & opes mentiretur; aut aliqua mortalium vocabula, terrarum, loco-

rum

rum falso construeret. Hæc enim consideratio tota mihi est indicium pro Gregorii IV. bulla quam vocamus.

IV. Eam si purgamus ab his, ut diximus, additamentis, habebimus epistolam Romani Pontificis, in quam, præter amanuentium culpas, ut hoc etiam solet, alia vix accusationum probra conjicias. Ex ea quidem scripturarum duarum farragine videbar hujusmodi sententias excerpere. *Gregorius servus servorum Dei episcopus Miloni reverentissimo abbati monasterii Sancte Justine Virginis & Martiris Christi, & Sancti Prosdocimi Christi confessoris; situm foris civitate Patavi; in quo ipsorum & aliorum plurimorum sanctorum corpora requiescunt; cuiusque successoribus in perpetuum. Quia jussu & rationabiliter vestra humilitas nostro apostolatus humiliter postulastis, quarinus pro dei amore animeque nostre remedio, per presentis nostri privilegii auctoritatem, quamque per auctoritatem dompni Lotbarii Imperatoris Augusti, spiritalis in Christo dilectissimi filii nostri, concederemus & confirmaremus scilicet omnes res & proprietates predicti monasterii. Ideoque per presens privilegium apostolice auctoritatis confirmamus & corroboramus, & ipsum monasterium cum omnibus rebus sibi pertinentibus tam inrus civitate Patavi consistentibus, quamque foris. Qui vero pio intuitu custos & observator in omnibus existeris, benedictionis gratiam, vitamque æternam cum omnibus*

san-

sanctis sine fine mereatur habere in secula seculorum. Amen. Scripta per manum Gregorii protoſcriniarii patriarchio Lateranenſi. Datum Romæ XII. Kal julias anno ejus ſedis primo, & dompno Lothario ſecundo, indictione VIII. Benevalete.

V. Sic ego revocabam ſcripturas duas ad eas formulas, alia demum reſecans quæ magis ab aliena manu ſuſpectabantur: etſi vellent hic excindi quædam quæ reſervabam, vellent eorum, quæ reſecui, quædam reſervari. Tamen hoc in ſummam tractandum fuit, non per partes: cum nimis ex conjecturis omnia ſint. Id enim præſtabat agnoſcere non ea nobis indole ſcriptores eſſe duos, ut ingerent de ſuo prorfus abbatem Sanctæ Juſtinæ Milonem, vel eum Gregorium Pontificem, ſimul imperatorem Lotharium, vel ex nihilo conſtruerent argumentum pontificiæ ſcriptionis, aut chartæ: niſi quædam præſto fuiſſent ex antiquitate parandis partibus his etiam bonis, ut aliæ erant; ex quibus omnibus haberetur hoc totum, quod æſtimavimus minus bonum.

CAPUT IV.

Rorigi Patavini præfulis .

I. **A** Liter a præcedentibus est indicium Rorigi . Nam superioribus instrumentis in dubio manebat apud nonnullos Ildebrandi Gregorique fides, etsi verba patebant utriusque: nunc, in edicto Rorigi, certa fides; incertæ locutiones aliquibus videbantur: eas infra ponimus . Hoc etiam scriptum cisalpinis obtinet editionibus, ac transalpinis: habebatque diu nomen ex historicis domesticis eo modo, *Testamentum Rorigi*; sic a nostris appellabatur: anno prorsus octingentesimo septuagesimo quarto; nam dubitatum fuerat hoc quoque: clausulas autem eas ad extremum ferens; *actum in cœnobio Sanctæ Justine, indictione superscripta; feliciter*. In his ergo verbis homines aliqui nondum reputaverant satis, adstruendo quidem cœnobio Sanctæ Justinæ. Sed, ut nimium fidere cum chartæ desint, ita diffidere cum tantum opis ex iis adsit, æque decet imperitos. Hic omittimus ex Rorigi testamento vel instrumento multas partes, immo eas fere omnes, etiam splendidiore; aliis argumentis aliisque reservatas. Id enim potius huc inceslerat, antiquitatem cœnobii proponere, non historiam tamen aggredi.

II. Post Ildebrandum regem, post Gregorium Pontificem, Rorius est igitur admonens de cœnobio San-

tæ Justinæ seculis omnium vetustissimis. In instrumen-
 to Gregorii notatus Abbas erit Milo Sanctæ Justinæ.
 Scriptus & Abbas alius in Rorigi tabulis nomine Chri-
 stianus. Instituerat hoc anno Rorius hospitem dom-
 um; quod est argumentum presentis instrumenti.
 Describitur id *Senodochium prope Ecclesiam Virginis Ju-
 stinæ in qua Sanctissimum ejus corpus humatum quie-
 scit; ubi Christianus Præbyter, Abbas præest. Ac fra-
 tres in ipso Senodochio Religiose vivere degunt; hi si-
 mul in eo Venerabili deservire loco debent. In hunc
 modum præscriperat institutor ædis Rorius. Idem vult
 atque ea mandat, ut tu Christianus Abbas vel succes-
 sores tui ab hac præsentis die; quod est sexto nonas ma-
 dii pro ipsa offerfione vel traditione, quam ego hodie
 facio, per omni die pro me pascere debeatis pauperes
 numero tres, dum ego qui supra Rorius advinero: sive
 post meum decessum: & in annuale meo pro remedio
 anime meæ pascere debeatis inter Sacerdotes & levitas
 numero quadraginta. In alio vero die post annuale meum
 volo reficiantur in predicto loco pauperes numero cen-
 tum &c. Quæ Rorius antistes Patavinus Xenodochii
 fundator pacta composuit in cenobio Sanctæ Justine.
 Quibus explicandis opportunissimum est, ut est vulga-
 tissimum factum Abbatis Anselmi Nonantulani; cap. v.
 Hic hospitria atque Xenodochia constituere atque ea di-
 rare curavit: quorum unum prope monasterium fere qua-
 tuor milliaria stans, ubi oraculum Sancti Ambrosii,*

da suscipiendos debiles & sœminas, qui ad Monasterium venire non poterant, constituit: cui in omnibus tanta concessit bona necessitatibus, ut nihil deesset ibi servientibus hospitibus. Aut aliud statuit Xenodochium in finibus Vincentiæ, ubi constituit oratoria Sanctæ Mariæ, & Sancti Petri, & Monachos ibi Deo servientes, ac pauperes & debiles per plures exinde quotidie viventes; ex illius quoque beneficio pauperes ducentos per omnes Kalendas pascebantur. Aut aliud etiam constituit Xenodochium in loco qui dicitur Sufonia, ubi fieri iussit oraculum Sanctæ Justinae Martyris, in quo Monachos semper adesse voluit Deo servientes & sine sollicitudine viventes. Ibi pauperes quotidie alebantur, & omnes advenientes hospitio atque victu inde reficiebantur, sed & per singulas Kalendas pauperes ducenti inde satiabantur: missæ vero pro salute vivorum & mortuorum per singulum annum trecentæ celebrabantur. Habuit hic dei famulus sub suo regimine Monachos regulares MCXLIV. Eo modo Xenodochium vel Sufonium, vel Veicetinum, vel Mutinense Nonantulanus abbas fundabat, ut Patavinum Rorigus præsul excitavit. Cetera nunc comparo. Cum de cœnobio Sanctæ Justinæ scriptum Rorigi manifestum sit, eodemque scripto de Xenodochio Sanctæ Justinæ propositum sit, more temporum sic explicabitur, & sedes eas esse duas, & alteri suppositam alteram. Qua specie Nonantulanus abbas etiam præerat Xenodochiis, ut Sufoniensi, Muti-

nen-

nenſi, Veicetino, ſibi ſubjectis, aliſque locis ac religioſis hominibus ultra millenos centenos, ea Patavinus abbas inſpectabat Xenodochium quoque cœnobio proximum. Sic duplex id in inſtrumento vocabulum diſtinguitur. Utraque ſedes habet ejuſdem religionis viros, monachos. Hoſpitio quidem Patavino cum tribus aliis, quæ dixeramus, admodum convenit, ut relegendum conſtabit. Cœnobium vero monumentis aſſertur aliis Rorigi, quæ diu ſervabantur. In primis admonet Alexander Tertius, ævo ſuo, quod erat poſt trecentos annos, adhuc obtinere chartam Rorigi donationis adverſus monaſterium Sanctæ Juſtinæ, deque ea referebat in litteras ſuas. Hæc habet *Alexander abbas Monafterii Sanctæ Juſtinæ*, inquit, *ex conſeſſione Rorii Episcopii; curtem Sancti Vigili cum omnibus que ad eam pertinent, Eccleſiam Beati Martini, cum caſis, campis, pratis, ſilvis, que in circuitu ejus ſunt; curtem Sancti Zenonis cum omnibus que ad eam pertinent; curtem Sancti Georgii cum ſuis pertinentiis. Centenaria, & Iubones cum ſuis pertinentiis; Brumbido cum ſuis pertinentiis; & ea que acquiſiſit in Adeſte; & in Pronumias; & curtes ſuas quas comparavit. Sicut in autentico ſcripto ejus eninde factò continetur. Id hætenus ineditum pro vetuſtate monaſterii documentum profero.*

„ In

DCCCLXXIV.

„ In nomine domini. Imperante domno nostro Hlo-
„ dovico imperatore Hlotharii filius postquam impe-
„ riare cepit anno vicelimo quinto sexto nonas ma-
„ dii indictione septima feliciter. Offerionem vel tra-
„ dicionem quæ facere visus sum. Ego in dei nomi-
„ ne Rorius Sancte Patavine ecclesie episcopus una
„ per consensum & voluntate avvocato meo nomine
„ Hercomario in ecclesia Sancte & Venerabilis Justi-
„ ne vel senædochium quo ego ipse a fundamentis
„ pro remedium anime meæ ædificare precepi. Quæ
„ sita est prope ecclesia ejusdem venerabilis virginis
„ Justine in qua ejus sanctissimum corpus humatum
„ requiescere videtur ubi vir venerabilis Cristianus pres-
„ biter & a nobis electum & ordinatum abba preeffe
„ cernitur. Idæoque ego qui supra Rorius nunc pon-
„ tifex considerante me dei omnipotentis misericordia
„ & remedium anime meæ; offero adque trado ego
„ Rorius episcopus secundum legem Salicam ad pre-
„ senti die omnes res meas quas abere & possidere
„ videor in Montensilicis, sive in finibus Patavense
„ vel comitatu Vicentino offero & trado ad supradi-
„ ctum almificum locum & tibi Cristiano abbati vel
„ ad fratres qui in ipso senodochium religiose vivere
„ degunt; ut habeatis exinde alimonia sive vestimen-
„ tum ad usui vestro ut pro me indigno peccatore

„ pre-

„ preces omnipotenti deo fundere incensanter digne-
„ tis; vel in ipsum venerabilem locum deservire va-
„ leatis. Id est in primis offero adque trado ego Ro-
„ rius humilis episcopus curte mea que nuncupatur
„ Maferada cum capella que in honore Beati Marti-
„ ni confessoris ego ipse a fundamentis ædificavi vel
„ consecravi; cum casales & omnia quantum ad ipsam
„ curtem pertinere dinoscitur. Similiter trado & offe-
„ ro curte mea infra civitatem Patavi cum oratorio
„ suo, quod in onore beati Petri principis apostolo-
„ rum dedicata est cum omnia que ad ipsam præsa-
„ tam curtem vel oratorium pertinere videtur. Nec
„ non & curtem meam in Cervarises cum oratorio
„ suo quod in honore Sanctæ Crucis est consecratus
„ que sita est in comitatu Vicentino trado offero cum
„ omnia adiacencia vel pertinenencia sua. Has preno-
„ minatas curtes ex integrum quantum ad manus mea
„ hodie abere vel possidere visus sum trado & offero
„ ad presenti die in jam prenominata ecclesia Beatæ
„ Justine Virginis vel in Senedochium; cum omnibus
„ edificiis earum & casalibus. aplectaneis. ortis. arcif-
„ vineis. campis. pratis. silvis. saleclis. pascuis. ac
„ stelareis. pomiferis. arboribus. paludibus. usus aqua-
„ rum. rivis. rubinis. monte. plano. omnia in inte-
„ grum. cultum & incultum. quantum ad me perti-
„ net vel pertinere vel possidere visus sum: & offero
„ atque trado in predicto venerabili loco similiter a

„ die

„ die presenti & hora servis & ancillis meis pro ani-
 „ ma mea eorum nomina sunt Lupolus, & Justelus
 „ cum filio suo item Justolo. Rodulfus. Luvari. P&trus.
 „ Vidolus. Adam. Bessanias cum uxore sua nomine
 „ Eta. Felicitas cum filia sua. Gallidolus cum uxore
 „ sua & duos filios suos. Riculfus. Regisilda. &
 „ filia ejus Rotruda. Vuilli. Iuba. Rotruda. Altemanno
 „ cum uxore sua Gaudencia. & filia sua Ansperga.
 „ Liutecarda, & filia ejus Helmedruda. Radperga.
 „ Vuilli. Liuba cum filias suas. Egena. &
 „ Videlinda. & Liucinda. Et Gifemperga. Justola.
 „ Regingunda. Agneola. cum filias suas. Orsolane. &
 „ Senatre. Unica. Fuscole. Gifemperga. Gifemperga.
 „ & quanti nati vel procreati fuerint postquam in potestate
 „ mea deventerunt. Istas suprascripse res vel
 „ mancipiis quorum nomina vel loca super leguntur
 „ & ubicumque proprietario nomine a me possessum
 „ vel devolutum est & hodie a manus meas teneo
 „ per lib& rationem & emcionem sive per donationem,
 „ nec non & commutationem, vel blandimentum
 „ secundum legem meam Salica possessum abeo.
 „ Offero adque trado ego Rorius episcopus ad presenti
 „ in jam prenominatum locum pro remedium anime
 „ mee. & exinde nihil mihi reservavi. professus
 „ sum. In tali vero timore offero & trado supra memoratas
 „ res sive familias, ut si ego Rorius episcopus,
 „ quod fieri minime credo vel aliquis ex succes-

„ fori-

„ foribus meis de predictas res vel mancipiis eorum
 „ loca & nomina supra adnotatas esse videntur; vel
 „ qui de ipsis hominibus nati vel procreati fuerint
 „ retollere de ipso venerabili loco aut contra re vo-
 „ luerimus sive tibi Cristiano abbati vel ac successori-
 „ bus tuis & omnia sicut supra legitur, non adser-
 „ verimus ego Rorius episcopus vel successoribus meis,
 „ tunc deveniat ipsas res vel familia quod supra legi-
 „ tur in potestatem regis qui pro tempore Italia re-
 „ gere videtur. Hec ideo adfiximus ut mea qui su-
 „ pra Rorius episcopus offerio sive tradicio perhennis
 „ temporibus in ipsum almficum locum quod super
 „ legitur inviolabilis & inconcussa permaneat. Iterum
 „ volo adque instituo, ut tu Cristianus abba vel suc-
 „ cessores tui ab hac presenti die quod est sexto no-
 „ nas madii pro ipsa offerionem vel tradicionem quam
 „ ego hodie facio per omni die pro me pascere de-
 „ beat pauperes numero tres dum ego qui supra Ro-
 „ rius episcopus advixero. sive post meum decessum.
 „ & in annuale vero meo pro remedium anime meæ
 „ pascere debeat inter sacerdotes & levitas numero
 „ quadraginta. In alio vero die quod post annuale
 „ meum evenerit volo adque instituo ut reficiantur
 „ ibi in predicto loco pauperes numero centum. &
 „ cum ipsis pauperes refecti fuerint usque ad saturita-
 „ tem laudem deo referant & proficiant ad salutem
 „ pro anima mea. Quod si tu Cristianus abba vel

C

„ suc-

„ successores tui de predicta elemosina quod pro ani-
 „ ma mea dare intuitu aliquid retrahere volueritis aut
 „ neglexeritis facere in omnipotenti dei iudicio refer-
 „ vo. cui omnia manifesta sunt. & nihil ei lateat.
 „ Sed nolle quod volui nisi quod a me semel factum
 „ bono animo est, perhennis temporibus inviolabilis
 „ permaneat. Et manifestus sum ego Rorius episco-
 „ pus quia pagina & calamo cum penna de terra le-
 „ vavi & Ullari notario scribere sic rogavi. & testi-
 „ bus oculi roborandam. ut hanc donacio aue offer-
 „ tio supra legitur firma & itabilis sine alicui homi-
 „ num contradiccionem permaneat. Actum in ceno-
 „ bio Sancte Justine indicione superscripta feliciter.

EGO RORIUS QUAMVIS INDIGNVS EPISCOPVS
 in hanc offensionem seu tradicionem a me facta ma-
 nu mea subscripsi.

EGO ERCOMARIVS advocatus consensu manu mea
 subscripsi.

Ego Iustinus archidiaconus rogatus manu mea sub-
 scripsi.

Ego Leopertus presbiter & pæpositus Sancte Ma-
 rię manu mea subscripsi.

Ego Dominicus presbiter canonicus manu mea sub-
 scripsi.

Ego Johannes presbiter manu mea subscripsi.

Ego Fradellus presbiter manu mea subscripsi.

Ego Iustinus presbiter archarius Sancte Marie ma-
 nu mea subscripsi.

Ego

Ego Dominicus presbiter manu mea subscripsi.

Ego Dominicus presbiter manu mea subscripsi.

Ego Petrus presbiter manu mea subscripsi.

Ego Johannes presbiter manu mea subscripsi.

Ego Dominicus presbiter manu mea subscripsi.

Ego Valencianus presbiter manu mea subscripsi.

Ego Dominicus presbiter canonicus primicerius Sancte Marie manu mea subscripsi.

Ego Severius presbiter cultus ecclesie Laurenti manu mea subscripsi.

Ego Petrus presbiter de Capella manu mea subscripsi.

Ego Erlingus manu mea subscripsi.

Ego Vualdebertus manu mea subscripsi.

Ego Ingelbaldus subdiaconus manu mea subscripsi.

Ego Vandebertus subdiaconus & cultus Sancti Salvatoris ecclesie de Sarmacia manu mea subscripsi.

Signum † manus Vnarno Allemanno testis.

Signum † manus Ranoardo Franco.

Signum † manus Aboni Franco.

Signum † manus Madelberto filio olim Gumberto.

Signum † manus Grausemanno Almanno testis.

Signum † manus Ulserado testis.

Signum † manus Johannes degano testis.

Signum † manus Vidolo Sternone degano testis.

Signum † manus Vuiperto filio quidem suprascripti Vnargo testis.

Signum † manus Teoderigo filio olim Frederico testis.

Signum † manus Amavile Dado testis.


Signum † manus Dominicus Mazadino testis.

Signum † manus Feleverto magistro testis.

Signum † manus Paulo Rasparolo testis.

Signum † manus Nodericus Alemanno testis.

† Ulfari notharius rogatus ad suprascripto domno Rorio venerabili episcopo hanc cartulam offerionem vel tradicionem scripsi & subscripsi & postradita complevi.



CA-

CAPUT V.

DCCCCXXVIII. Mense Junio.

I. **E**Vasimus ad chartas Opilionis. Hoc enim studiosis hominibus erat argumentum grave, postquam tot his annis aliæ super alias opiniones accumulabantur; & hæ magis obruebant. Id adeo magnam parvis ex momentis quæstionem fecerat, quod in principio docti viri, cum succedebant ad has partes, eam viam tenuerunt hætenus inductam falsis indagatoribus: homines eruditi se patiebantur ab imperitis agi trahique. Nam qui videtur ex historicis primus attingere chartas Opilionis, etsi vicinior ejus ætati, non eum tamen intelligebat, & omnia subvertebat: ut apparet ex libello vitæ Sancti Prodocimi, sanctæque Justinæ; qui prostat. Eo qui deinde sunt ingressi vel iis aut aliis temporibus, omnes errabant: & quia scriptum vetus intendere nunquam sciebant; & quia quicquid ignorantia vetustatis, ambitione vetustatis excitabantur interpretationum tumultus apud nostrates: quandoquidem scimus hos diu solos in hoc altercationum pulvere tamquam seditionibus exagitatos. Quæ contentio tot actantium tot inclamantium tot annorum seculorumque parvo tamen existimaretur: ut ex talibus hominum

tem-

temporumque commentis obvenire nec utilitas aut damnum poterat antiquariæ facultati, vel historiæ Patavinæ.

II. Sed hoc ævo successerunt in has controversias alii mortales, & alia tractatorum species; ex Galliis, Germaniæque, vel Italiæ partibus aliis: auditumque nostris in rebus ac vicissitudinibus & Mabillonii præterea Tillemontii nomen; & Bernardi Pezii; Fontanini, Muratorii, Beretti quoque, Bacchini: demum quicquid in omni chartarum veterum studio fama præstabilius est. Hi meliore, sæculo nati, vitæque suæ per omnes eas artes exerciti multum debuerant in Opilionis instrumentis advertere: quam falsæ nostratum commentationes ad eam diem fuissent: ac vanos eos motus in tempore sedarent: id effici per tales viros haud absurde sperabatur in his ineruditorum concertationibus. At contra fuit. Huc adveffi neque castigaverunt aliorum falsitates, & se potius iis, adeo malis autoribus in societatem dederunt. Hæc origo præcipuæ cladis in iis rationibus fuit; artifices ingenio validos, & laude principes in eam calumniam temere consensisse. Nam quia pollebant viribus, exaggeravissent ea latius altiusque quam quisquam nostrum toties ante fecisset. Quo clarebant & industriores habebantur, eo dictis auctoritatem conciliabant. Quibus modis creatum est demum periculum chartæ Opilionis, & infamia maxime laboramus. Ego præsentēs & eas ha-

beo

beo scripturas , & interpretationes eas : erant autem mihi pro documento cujusdam calamitatis ; cum semel animus imbutus malis persuasionibus , ea penitus egritudine contrahescit.

II. Ex utroque mortalium genere , qui magis huc allaboraverant , & omitto domesticos interpretes , ut dixi ; quos rudes nostris artibus seculum habebat . Ex alia quoque parte minus accuso doctos eos viros qui de nostris rationibus acceperant aliquid alieno potius indicio . Sed ii sunt alii mirabiles in hac classe ; qui propriis inspexerant oculis ; aut fuerant in .eo tabulario ; qui manibus omnia tractaverant : assueti præterea judiciis talibus , ac sæpe probati similibus experimentis : ii tamen hærebant in hoc examine , tamquam spectaculo prorsus insolito , vel alia mente fuissent : adeo vecordia nec tam sua , quam scriptorum , puto , nostrorum coæperat eos . Nam licet magnis nominibus , aut aliis hominibus parcimus ; at dissertationes eorum , consultationes , adnotationes in Opilionem , quotquot a principio fuerunt ad hoc ultimum tempus , omnes adeo se præcipitant sententiis , abstrahunt sermonibus , adeo se fallaciis incredibilibus undequaque dissipant , ut magis de deliramentis quam de ratiociniis eas æstimes . Ita non in hunc intrudam locum tot eas ambages erroresque ; nec impugnabo vel expugnabo falsarios : ea res etiam parum prodesset ; ut hoc animadverti quoque : nam convictis falsatoribus , expugnatis , Opilio-

mem

nem tamen occultum fore. Nos autem quærimus hunc illustrari, non eos vinci.

IV. Quin ea mecum potius existimabam; si tot eas interpretationes eosque tot interpretes omnino dissimularem, omnia scripta vel omnium quæcumque fuerunt in hoc argumento, numquam contingeremus; eo modo putabam facilius explicationem posse meam confici. Tractemus Opilionem pro novo; chartas eas ut novas, ante nec inspectas antiquariis aut auditis aliqua ratione modoque: sic eas exhibeo, sic accipi volo. Quemadmodum latuerunt alię atque alię quę demum prodeunt in dies, ita nostrę delituerint, nec ullus eas hominum tractaverit hactenus; aut aliquid ad eas dixerit, aut scripserit aliquid: ego sim primus eas proferens. De quibus hoc in initio proponendum censebam; chartas eas tales esse, quales erant alię passim datę, susceptę, probatęque; nec has inter, aut eas nostras apparere discrimen adtentius inspectantibus.

V. Hunc autem locum potior observatio præoccupaverat. Dixi, me velle pro novis ea, quę damus hic, accipi, numquam datis ante nec agnitis. ut ex hoc ordine magnus erat numerus instrumentorum latens in custodiis publicis privatisque; deinde prodiens. Hęc dixi. Nunc & addam; prorsus ex hoc genere chartam esse quamdam Opilionis: hęc sine dubio nova censebitur. Nam præter eas tabulas quas volo novas esse; quamquam sermonibus omnium tractatas, &

Ita-

Italię, Germanięque typis expositas; obtinebat in archivo Sanctę Juitinę scriptum vocabulo Opilionis alterum, alteriusque generis. Illud enim quod tot hactenus excitaverat turbas erat instrumentum donationis; ut vocant. Id autem quod alterum dicebam, fuit instrumentum locationis: & hoc ignotum tractatoribus universis eorum clamores effugerat: hoc & proprie novum de priscis anecdotis erat; quod ego denique pando. Hęc adnotatio faciebat, inquam, propius auspiciū. propositioni meę. Sic enim constituo. Charta locationis hęc igitur est ad manus. Aliam vero donationis interim deposuimus. At libellus is Opilionis, aut, ut ajunt, charta locationis in hanc usque diem latens, ea nunc exoritur, & venit ad manus; ut adveniunt alię quotidie multę *vetustiores aut recentiores.*

VI. Is autem pręcipue mos assuetis nostrę artis, ut quoties objicitur oculis, & habetur in promptu charta minoris aut majoris antiquitatis, id judicium facile sit legentibus, inspicientibus, iisque nec acutissimis, ar, ut dixi, tamen exercitatis. Hoc usu noscimus aut seculum scriptis in iis; ut decimum, vel alia quę fuerint ante postque; tum seculi partes, ut initium, vel finem: quas cognitiones dat ars nostra, dat & distinctiones: & solemus hęc etiam probare suis experimentis. Is ergo sensus, ut aliis, erat & mihi talium rationum probationumque, cum libellus Opilionis advenit. Inspexi, nec aliqua mora fuit observanti seculum,

D

quod

quod hic ajebam, decimum, vel exordia seculi decimi. Quod seculum, quam partem quoque seculi credimus instrumentis aliis quoties in conspectum veniunt. Itaque volo dici mihi, quare libello non debeamus Opilionis hæc eadem credere. Succedit observatio alia. Chartæ similes huic nostræ cum se produnt, eas existimamus originales: hoc enim iudicium sibi volunt earum signa, modi, partes. Ita queram iterum, cur eadem signa, modi, partes aliter ab originalibus in libello censeantur Opilionis. Est aliud hic adnotandum simul. In chartis huic nostræ similibus ita fieri solet. Ex quo noscitur ætas earum, vel earum conditio proditur, abstinere solers consultor a subitis accusationibus ob ea, quæ toties occultabat antiquitas. Id autem jus in causis paribus adscit & sibi libellæ Opilionis. Atque ea debueram præoccupare de scripto diu mortalibus abdito, quod apparebat in hoc tempore: quemadmodum se proferunt alia quæ passim recipiuntur a professoribus.

VII. Nunc si libellus adjungitur ad chartam donationis, & hæc instrumentorum duo genera componimus, alterum alteri, fiet utrique major autoritas ab hac etiam comparatione. Qui mos enim vetustatis, iisque maxime seculis & annis erat, omnesque consentiunt, is facilem se dat apertumque, nec alio magis exploratum documento, quam quibus hæc tractamus. Eo modo faciebant homines: chartam donationis emit-

tebant

tebant de bonis suis adversus ædes Deo sacras, eodemque tempore chartam locationis exigebant aut libelli, retinendis quæ donaverant. Ante donationem possidebant tamquam domini; post eam retinebant tamen ut vestigales. Hæc & ab aliis & hæc a nobis alibi significabantur, iis antiquitatibus interpretandis. At hoc exemplo se prodit Opilio manifestiorem, sine deductionibus aut inductionibus. Hic donabat, hic accipit; utrumque scriptum proposuit: alterum autem ex iis alteri accommodatur; ut advenit testimoniis fides ex verbis alterius alteri congruis.

VIII. Hoc etiam reputabitur aliud Opilionis esse libelli pretium: quia fiebant ex eo magis authenticæ donationes Opilionis. Eas enim demum licebit ut explicandas hic aggredi; ~~postquam de calumniatoribus earum satis excepimus~~: ab alia parte bonas potius auctoritates in easdem conferebamus. Ordo quippe negotii totius est, ut indicavimus, eo modo, cum donationis, & libelli chartæ veniunt simul, ut primum locum donatio, libellus alterum teneat. Eam factorum successionem tractatio nostra persequitur.

IX. Instrumentum donationis Opilionis erat duplex: utrumque Constantini fert imperatoris annos; annos etiam Constantini fert imperatoris instrumentum locationis Opilionis. In chartis autem, quæ sunt manifestæ seculo decimo, quæ produnt initium seculi decimi, quærendus is ex multis Constantinus imperator,

ut adesset. Immo Constantinus adest porphyrogenitus, Leonis filius, imperator in annos eos; aliis autem gentibus adeo memorabilis, ut Græcæ suæ. Nam scriptores Italici maxime personuerant, ab eaque præsertim regione qua propius imperium Constantinopolitanum spectabat. Eo sunt igitur ex ordine Salernitanus Anonymus, & Barensis Anonymus; & Salernitanus alius Romualdus, & Lupus protospata; Cavenfis, item Cavenfis Anonymus alius, & Beneventanus; ac Neapolitanus, & Vulturensis, aut alii; quos præcipue dant in suis collectionibus Peregrinius, aut Muratorius, aut Pratillus: ea nostræ gentis historiarum claritudine Constantinus adest Leonis filius, imperator: habetque vel eo de genere majores illustrationes; ut ex Liutprandi scriptis in omnium mortalium famam vulgatis. Hunc itaque Constantinum proferunt etiam scriptores Italici, palamque fecerant eum popularibus Italicis. Hunc ego propterea chartis Opilionis assigno non ut ex arcanis hominem vel inauditum cælo terraque; sed obvium cognitumque per eas ætates historicis Italiæ nostræ, vel ab ultimis ejus oris, ut admonuimus, aliisque propinquiorebus partibus, aut in hac etiam vicinitate; quemadmodum constabat ex Dandolo. Quem virum noscimus aëta Constantini filii Leonis eo studio persequi, tamquam Venetorum, quæ sui propositi erant.

X. Sed apud Venetos præter historias, etiam tabu-

læ forenses eum sibi Constantinum vendicant: est enim hæc Opilionis instrumentorum causa quam tractamus. Hoc itaque modo scriptum quoddam Veneti fori se præbuit: *imperantibus dominis nostris Constantino & Romano ejus filio magnis imperatoribus, anno autem imperii eorum, Constantino quadragesimo sexto, & Romano ejus filio duodecimo, mense martii, indictione prima; Rivoalto*. Nam Constantinus is noster ut est Leonis filius, est Romani pater; omnes eos annos, atque alios imperans. Hanc autem chartam de tabulariis Venetis edidit Flaminius Cornelius Senator. Ex quo quidem Romano Constantini filio filius est alius Constantinus avi nomine Cæsar annis aliis; & apponitur ut avus instrumentis Venetis in eas formulas: *imperante serenissimo imperatore domino Constantino filio Romani imperatoris, anno autem imperii ejus octavo, mense junii, indictione octava; Rivoalti*. Quæ venerant ab archivis Castellano atque Clodienſe; nondum publicatis exemplaribus. Adeo Constantinorum factis hoc etiam seculo fuit pro chartis Opillonis. Atque eo ritu signari chartas apparebat apud Venetos aliis tempeſtatibus ante, postque: nec observatio procul hæc omnis a proposito nostro.

XI. Sed ego magis hic institueram de Constantini filii Leonis ætate: vel advocat Italiæ pars alia, quam præſertim commentabar: ex eaque, post historicos, ut advertimus homines, etiam se dabant alii forenses eum-

dem

dem passim Constantinum jactantes. Exhibent enim scripturas his aut similibus appellationibus: anno Constantini septimo, mense novembri, tertia indictione; vel anno vigesimo sexto Constantini, mense aprili, octava indictione; vel anno vigesimo septimo Constantini, mense septembri, decima indictione; vel anno vigesimo nono Constantini, mense martio, duodecima indictione; vel anno trigesimo Constantini, mense februarii, indictione tertiadecima; vel anno Constantini trigesimo sexto, die prima februarii, indictione secunda; vel anno eo trigesimo sexto, mense julii, indictione septima; vel anno trigesimo septimo Constantini, mense januarii, octava indictione; vel anno trigesimo nono Constantini, die prima februarii, sexta indictione; vel anno Constantini quadiagesimo secundo, mense januarii, indictione tertiadecima; vel anno Constantini quadagesimo tertio, mense maii, indictione quattadecima; vel anno Constantini quadagesimo octavo, mense februarii, indictione tertia. Chartas haud minus duodecim Constantino semper eodem vocatas in iis regionibus explicui; quales eas adhibuerant, aliquas Peregrinus ad Lupum Protospatam, pleraque Muratorius ad chronicon Vulturicense.

XII. Nam nec annorum series ab explorato principio deducunt omnes: & omnes ex decimum chartæ seculum tenent a primis ad ultimos annos: omnes autem adscribebantur iis urbibus; Alarino, Benevento,

Næ-

Neapoli, Capuæ; quo tractu maxime prætenderamus Italiam. Simul hæc observationum tria demum capita conferimus ad chartas nostras Opilionis. Hæ videbantur eisdem potius affectare situs Italicos: hæ propius ejus exordium seculi contingunt: hæ quoque proposuerant annos ab arcanis initiis. Hunc enim fori præsertim suæ gentis usum prorsus iis ætatibus, hanc etiam licentiam Peregrinius alibi coarguerat in extremis ad Ignotum, quem vocat, Barensem commentariis: ait; *misro tabulariorum multimodas subducendorum annorum rationes, sed & hallucinationes*. Ita Constantini filii Leonis ævum transducunt ii tabelliones.

XIII. Quibus historici paria fecerunt. Ex iis enim quos ante proposueramus, alii notant annos alios, alii designant alios. Ut erat Cavenensis apud Muratorium sic enumerans; *anno nongentesimo octavo, indictione undecima, Leo superscriptus cum filio Constantino porphyrogenito*. Dum Cavenensis alter apud Pratillum sic adhibuit; *anno nongentesimo undecimo obiit Leo imperator, & Constantinus regnavit*. Est Barenensis apud Peregrinium tamen adnotans; *anno nongentesimo decimo tertio coronatus est Constantinus filius jam dicti Leonis*. Alii præterea narratores alio supputant ingenio, modoque.

XIV. Nunc & Opilionis instrumenta suum modum moremque sibi depoposcerant. Id inexploratum est: enumerare cœperint anno nongentesimo tertiodecimo,

post

post mensem junium : vel anno alio nongentesimo quartodecimo voluerint ante mensem junium : vel utrolibet anno fecerint intra mensem junium . De scribis aliis historicisque nulla videbatur esse regula computandi vel eo modo, vel alio, vel aliis annos eos aut eos Opilionis . Est in hujusmodi consultationibus id consilii potius; hoc enim frequens; ut inspectentur indictiones : ea pro ceteris, ubi non erant in promptu, solet adhiberi nota comprobandis annis . Ut eo se chartæ nostræ titulo proferunt : *imperante piissimo augusto Constantino, a deo coronato, pacifico, magno imperatore; anno quintodecimo, sub die mense junii, indictione prima* . Quæ nunc indictio prima ferebatur, ea profitebitur annum donationis aut locationis Opilionis . Hoc enim Constantino, quem diximus, imperatore, Leonis filio, quintus ejus decimus annus, ea notatus indictione, junio mense, non alius esse potest ab anno nongentesimo vigesimo octavo . Satis itaque de seculo, vel ætate, vel anno quoque nostrorum documentorum comparavimus .

XV. Hoc igitur anno, indictione, mense donabat Opilio fundos, & opes, ac domos, eos easque monasterio Sanctæ Justinæ Patavii . Quæ tot erant eę possessiones omnes in agro Bononiense . Descriptiones autem, situs earum, vocabula sunt, ut admonet instrumenti series . Ac primo *fundum, qui vocatur Kasinius cum rebus ad se pertinentibus : ut casalia quorum vo-*

cabu-

cabula sunt, Sisiliano, Montecelo, Vindemiolum, Marcio, & Arucias; cum casale Paulinis, Rotariorum, Sasuriorum, vico Frakeneto, Quingentula, Columbiano, Granariolo, & villa magna, cum suis pertinentiis in integrum. Et Capella una cum area sua, cum suis etiam pertinentiis infra civitatem Boloniensem que est constructa in honore Sancte Justine virginis & maritis. Alia autem fundora Sociorum, Piscianus, Marianus, Gabianus, Julianus, & fundus Micauri; quod est supra naves. Casale quod dicitur Mimianus; hoc est Liliolis, quod est inter Misiano & Columbiano. Fundus in alio loco sociorum: fundus alius Micauri sub ripa de Barbiano & Gabiano inter Clodia & Serrata. Alius fundus in vico Romanulo; & fundus ortus.

XVI. Hæc omnia donatio continet, aut donationis instrumentum potius. Hi quippe donatores eo modo non aliqua bona, sed chartulas offerebant: ut admonet ævi mos; & hæc ante notaveramus. Ob ea prostat edictum Lotharii regis: adversus homines, qui fraudulentè ac ingeniose res suas ecclesiis delegant, easque denuo sub censum utendas recipiunt: ut Muratorius ex emendatiore scripto dabat. Hic apud nos ea facti species in hoc tempore: juxta donationem libellus adest locationis; & quos in Sanctam Justinam fundos aut opes ac domos emittebat una chartarum, suspendit altera.

XVII. Quæ dicitur hic libelli charta nonnunquam

E

retra-

retrahat eam donationis : ut donatio definiens in territorio Bononiense possessiones Opilionis, illustratur a libello qui monet aliquas ex iis possessionibus esse *juxta civitatem Bononiensem*. Reliqua vix inter utramque scriptionem variant. Aut nobis videntur aliqua differre locorum, vocabulorum, temporum post longas ætates ignaris. Pro quibus observationibus, & quantum præsentī consulto conferant, id erat admodum ex Justinæ decore, sanum vocabulo ejus in urbe Bononia tam remotis vetustatibus : *intra civitatem*, ait, *Boloniensem capella Sancte Justine Virginis, & Mar-
siridis.*

XVIII. Immo pertinebat ut ad Bononiensem quamdam rationem stilus is instrumentorum donationis Opilionis & locationis : hoc enim vult etiam cognosci. Quæ dictio, qui stilus, & forma scribendi chartas eas occupat, nova est nobis ac tabulariis nostris : ea species annis aliis, ac tempestatibus, antea, postea, numquam se prodit ; abest a provinciæ quoque finibus, urbibus, ac locis. Hæc, scio, tamquam periculi facies avertit inexercitatos hujus examinis. Aut vix eam de Muratorio censuram credas, ubi damnaverat Opilionem propter eas formulas ; ut ait ; *& non sup-
plicandum principibus ; neque per ecclesia interpellacio-
ne, aut per regalem vel imperiali magestate vel pote-
state.* Quas etiam sententias in instrumentis undecimi decimique seculi probant, in aliis improbant : & alia

talia : sic ii mortales inculcant & habent , exhibent-
que pro veris eas opiniones . Hæ quidem parvo dista-
bant ab ineptiis . At in initio proposuimus omnia dif-
simulare . Partem dissertationis hanc etiam præsumi-
mus intactam quibuslibet indagatoribus .

XIX. Hic ergo scribendi mos , ut in chartis Opi-
lionis , urbi quidem provinciæque nostræ non conve-
nit : at locum tamen habebat in urbibus ac provin-
ciis aliis . Eas autem formulas , ut hic occurrerant ,
aut alias assignare licebat antiquioribus ætatibus aliis ,
& posterioribus aliis . Utræque res unam simul habet
indagandi viam . Stilus enim , qui chartas habet Opi-
lionis , est is habens antiquissimas Italiæ chartas . Hæ
sunt ab ea Italiæ parte quæ provincia Ravennatensis
æstimabatur , in qua simul urbs Bononia , tum ceteræ
multæ fuerunt . Ex ea maxime regione manent his
temporibus instrumenta vetustatis aliis potiora , nota-
bilioris ævi , materiæ singularis , ut ægyptiaca papyro .
Chartæ forenses eo nomine prædicantur Italicis aliæ
atque aliæ ; quarum codex a Maphejo proditur . At-
que ibi donationes erant aliquot aut locationes aut
aliæ scriptiones . Ut autem aliud atque aliud indicium
fert , ibi paucis ex fragmentis innumerabilis hujus or-
dinis antiquitatis habentur ex vero formulæ nonnullæ
velut Opilionis , earumque plures ut imagines & um-
bræ quædam tenues . Eo modo quum se notariz ar-
tis initium Italis aperit , hæc stili tamquam species

E 2

aut

aut spes apparet. Advocabo tamen ætates alias & Opilioni proximiores.

XX. Ajo nos habere satis antiquorum scriptorum seculo nono, decimo, undecimo, duodecimo quæ dabant aut simul, aut alias alibi formulas eas extruendis Opilionis instrumentis & donationis, & locationis. Hinc ea, de quibus admonebamus, invaluerant etiam seculo nono, qualia sunt; *Et non adeundum iudicium, non supplicandum principibus, neque per ecclesiasticam interpellationem*; præter alia quæ similia nostris habet instrumentum Ravennas anno vel octingentesimo quinquagesimo quinto: prostat autem tomo primo annalium Camaldulensium. Iis, inquam, ætatibus, quum se latius extenderit instrumentorum veterum series, habebimus in conspectu, præter eam Ravennatensem provinciam, Romanam quoque: quarum utraque demum videbatur ad hanc inquisitionem pertinere. Chartas ergo provinciæ Ravennatis enumerabo, nec omnes, at quæ facilius ad manus venerunt: ut ea donationis anno octingentesimo quinquagesimo quinto, Ravennas, apud Camaldulenses; alia octingentesimo quinquagesimo octavo, Ravennas, apud Margarinum; alia octingentesimo nonagesimo octavo, Ravennas, apud Margarinum; alia nongentesimo octavodecimo Ravennatibus finibus apud Muratorium; alia nongentesimo quinquagesimo septimo, Ravennas, apud Margarinum; alia nongentesimo octuagesimo octavo,

Ra-

Ravennas, apud Camaldulenses; alia nongentesimo nonagesimo secundo, civitatis Adriæ, apud Muratorium; alia millesimo nono, Ravennas, apud Margarinium; alia millesimo trigesimo nono, Ravennas, apud Margarinium; alia millesimo quadragesimo sexto, Ravennas, apud Muratorium; alia millesimo quinquagesimo tertio, Ferrariensis, apud Margarinium; alia millesimo sexagesimo, Bononiensis, apud Manzonium; alia millesimo centesimo vigesimo octavo, Ravennas, apud Camaldulenses. Hæ sunt itaque chartæ donationis, omnes ab iis partibus.

XXI. Hæ deinde locationis: anno octingentesimo undecimo, Mutinensis, apud Muratorium; octingentesimo quadragesimo secundo, Mutinensis, apud Muratorium; alia nongentesimo tertio, Mutinensis, apud Muratorium; alia nongentesimo quadragesimo tertio Ravennas, apud Muratorium; alia nongentesimo quadragesimo quinto duæ, Ravennates, apud Muratorium; alia nongentesimo quadragesimo quinto, Ravennas, apud Camaldulenses; alia nongentesimo quinquagesimo sexto, Comaclensis, apud Camaldulenses; alia nongentesimo sexagesimo quinto, Ravennas, apud Camaldulenses; alia nongentesimo sexagesimo nono, Ferrariensis, apud Muratorium; alia nongentesimo septuagesimo secundo, Comaclensis, apud Muratorium; alia nongentesimo septuagesimo sexto, Ravennas, apud Camaldulenses; alia nongentesimo nonagesimo secundo,

Ra-

Ravennas, apud Camaldulenses; alia millesimo primo, Ravennas, apud Mabillonium; alia millesimo tertio, Ravennas, apud Camaldulenses; alia millesimo septimodecimo, Ravennas, apud Muratorium; alia millesimo octavodecimo, Ravennas, apud Camaldulenses; alia millesimo vigesimo, Mutinensis, apud Muratorium; alia millesimo quadragesimo nono, Ravennas, apud Camaldulenses; alia millesimo quinquagesimo tertio, Ravennas, apud Camaldulenses; alia millesimo quinquagesimo quarto, Ravennas, apud Muratorium; alia millesimo octuagesimo secundo, Ferrariensis, apud Muratorium; alia millesimo octuagesimo tertio, Ferrariensis, apud Muratorium; alia millesimo centesimo octavo, Ravennas, apud Muratorium; alia millesimo centesimo vigesimo quarto, curtis Argentæ, apud Muratorium; alia millesimo centesimo quadragesimo nono, Ferrariensis, apud Muratorium. Ex hac igitur Italix regione multæ sunt chartæ generis utriusque, donationis, & libelli similes iis Opilionis, & donationis, & libelli.

XXII. Sequitur ex Romanæ provincix partibus alia nota præcedenti conveniens. Habemus enim scriptum donationis anno septingentesimo octuagesimo secundo Romæ factum, quod exhibent Camaldulenses: & aliud anno nongentesimo quadragesimo quinto Romæ quoque factum, quod exhibent etiam Camaldulenses: & alia nongentesimo septuagesimo tertio, deinde nongen-

tesis-

tesimo septuagesimo quarto, præterea nongentesimo octuagesimo, condita Romæ, prodita Camaldulensibus annalibus: aliud anno nongentesimo nonagesimo primo Romę scriptum dederat Erasmus Gattula: Muratorius edidit aliud anno millesimo tertiodécimo, Romæ: Grandius instrumentum concessionis anno millesimo quartodécimo, Romæ: Baronius aliud anno millesimo nonodécimo, Romæ: Camaldulenses annis aliis alia, seculis aliis alia; millesimo vigesimo tertio; millesimo centesimo vigesimo tertio; Romę. Nam reliqua nec significabo.

XXIII. Libellos in eam formam tamen adverti plures ibi: qualis erat nongentesimo trigésimo quarto, Romæ; qualis & anno nongentesimo septuagesimo, Romæ; quorum dat utrumque Muratorius; aut nongentesimo septuagesimo tertio, vel anno alio nongentesimo septuagesimo quarto, vel anno nongentesimo octuagesimo, Romæ; quos edunt Camaldulenses: eum Gattula profert *actum in Pinne* scilicet anno nongentesimo octuagesimo secundo: Camaldulenses efferunt eos anno nongentesimo nonagesimo secundo, Romę; nongentesimo nonagesimo quarto, Romæ: Gattula rursus eum dat *actum in Pinne* nongentesimo nonagesimo sexto: sunt alii millesimo quinto, Romæ; millesimo undécimo, Romę; millesimo vigesimo quarto; vigesimo quinto; trigésimo sexto; quadragésimo primo; quadragésimo quarto; denique millesimo centesimo trigésimo nono;

cete-

ceterique, Romæ, passim; quos edidere Camaldulenses.

XXIV. Ita Romanæ scriptiones apparent ut Opilionis & donationis, & libelli. Duo pontificatus in Italia maximi Romanus ac Ravennas eum, præter alios, usum fori tenent seculis iis: etsi nonnihil ex iis formulis aliquando contigerit alias chartas, ut Mediolanenses, ut Pistorienses, ut Senenses apud Muratorium: Venetas etiam carpsit, aut alias. At hæ simul omnes erant nihil adversus aliquas ex iis tabulis aut Ravennatis, aut Romanæ consuetudinis.

XXV. Accidit igitur ex hoc altero capite nobis, ut in priore questione fuit. Nam tum primum; cum fuissent homines anxii de Constantino chartarum nostrarum, quis esset, an opportunus esset; habuimus in summam tot ex omni genere demonstrationes, ut exuberarent. Ita; cum stilus eorum documentorum simul in dubium vocaretur; adveniunt huc etiam tot illustrationes ac probabilitates, ut nimis jam fiant ex mihi. Sed hoc ii viderint, qui duas questiones de monumentis certissimis fecerunt.

XXVI. Nunc extrema chartarum appetunt. Has enim legimus exaratas Anastasio tabellione de civitate Roma, quod is admonet. Dum probaveramus hactenus eum stilum scripturarum fuisse Romani moris: ut asserabamus eum simul instituti Ravennatis esse: qua parte res, opeque continebantur omnes his ascriptæ

scri-

scriptionibus. Ait Muratorius *¶ carere loco* donationes Opilionis, eas & ait non carere loco; negans, affirmans in eadem sua dissertatione, *Roma sabulas* expletas. Quæ tamen inquisitio minus eum, puto, permoverat. Admittuntur enim scriptiones ab eruditis, etiam quæ carent ea loci nota.

XXVII. Differunt autem chartæ donationis a libello. Nam dicitur in iis *Anastasius tabelius de civitate Roma*; quemadmodum verba fuerunt. In eo dicitur *Anastasius domestico numeri Armeniaci*. Titulus admodum variabat. In his etiam verbis aliquem *colorem* certe bonum viderat Muratorius & professus est. Utrimque chartis & donationis, & libelli testis apponitur alius, hoc nomine Barbato, sed eo munere, quod est, domestico numeri Armeniaci. Testes alii sunt, Jordanus, Armeniacus, Tribunus blandinoni, Leopardus, Basilius. At chartæ Ravennates, at Romanæ quas enumeravimus, at papyri quoque commemorant eos numeros, numerosque militum, numerosque publicos militum; seu bandos; ut appellavere: notatur & Armeniacus ibi numerus aut Arminiurum, vel Armeniorum. Dicunt eo vocabulo numeros, ut cohortes eos dicerent, legiones, aut alia militum corpora cum suis bandis aut vexillis: eos militares ordines eo modo nuncupabant ab urbibus ac locis aliquibus aut provinciis: ut hunc ab Armeniaco modo themate; quemadmodum loquebantur. Hinc ea Constantini porphyrogeniti

F

filii

fili Leonis explicatio est : *Armeniacum* quod dicitur *sbema* propriam appellationem non habet : neque enim *vetusta* est hac appellatio : sed eam a vicinis atque finitimis Armeniis accepit : imo vero dixerim sub Heraclio imperatore huiusmodi appellationem sumpsisse : Nec huc alia traham : quæ satis ex Maphëjo cognoscuntur.

XXIX. Abeſt ab eo tamen hic Armeniaci numeri domesticus : aut quæ significatio nominis eſſet in caſtris. Erat enim domesticus, ævi vocabulo, copiarum dux ; ut ex Liutprando testimonium tenemus eodem Constantini porphyrogeniti ſeculo . Videbamus in Armeniaco numero domesticos duos : alius eſt Anaſtaſius ; alius erat Barbaſus : id apparebat ex charta libelli . Cum ſimul advertimus ex Liutprando Lib. III. cap. VII. *Phocam* Constantini principatu , *domesticum* majorem , hoc eſt , *terreſtris* ducem exercitus . Advocat majores domesticos ; quibus , militiæ gradu , ſuberant minores . Hęc enim Conſtantine adſerit porphyrogenitus in libro de Thematibus : *optimatum* , ait , *sbema ſervitii tantum cauſa aſſumptum eſt* , *uſpoſe miſerrimum* ; neque ſurmis neque drungis coboneſtatum : & qui huic præeſt , *domesticus tantum nuncupatur* ; nec prator , ſive ſtrategus ; ſed *domesticus* , *pratori ſubditus* , & *dignitate longe inferior* . Hęc habuit porphyrogenitus is noſter ; ut apparet , eo quoque memorabilis ex ingeniſui monumentis , præter alienas commendationes , quas

ante

ante recensuimus. Constantinus porphyrogenitus Leonis filius imperator explicat scriptis suis inscriptas nomine suo tabulas eas Opilionis. Ex imperatoris igitur explicationibus habemus & domesticos qui parvæ dignitatis erant duces. Ex Liutprandi verbis habemus & domesticos quæ summa dignitas erat in castris. Hanc ego summam rei quamdam trado, nec ut in partes adsigno; vel erat necesse. Nam satis in promptu videtur, ut domesticus Anastasius idem sit Armeniaci numeri tabellio. Fert apud Maphejum charta papyri tertiadecima *Theodoracem* quemdam *militem* & *scribam Numeri Equitatis*. Nec miles est omnis idem domesticus. At quoniam domestici militum fuerunt alia atque alia conditione, vel officio, vel ordine, demum traducuntur & ad notarios. Ita militiam scriptumque fecerunt: utroque munere spectabiles utrumque suis.

XXX. Alia sunt in instrumentis nostris ex quibus arguebam facilius esse de totis iis, quam de singulis eorum partibus agnoscere. Nam de totis hæc in unum versum parebant; ea respondere scriptis xvi decimi; scriptis originalibus; alienæ vero provinciæ scriptis, in qua stilus is usurpabatur. Hæc erat omnis eorum documentorum facies, ita patens, ut aliæ sunt eo genere scriptiones ac tabulæ quas passim recipimus. At partes aliquæ nostrarum scriptionum secretiores erant, eæque minus in conspectum veniunt. Ita sunt aliarum

quoque scriptionum quæ vulgo prodire solent in hoc ordine: sæpe totas eas recipimus; aliq̃ue partes earum tamen ignorabantur: & omnium scriptionum generis omnis hæc aliquando conditio est. In chartis Opilionis ultima pars aliquantum remotior a vulgaris ejus ætatis instrumentis. At scripturæ, quæ bona est, accipiendæ sunt bene partes etiam difficiliiores. Ex iis & aperiri potest ævum quod latet. In chartis enim talibus adest Armeniorum phalanx: ejus domesticus alius; alius etiam domesticus, idem tabellio: quæ nec inexplicata manent; ut erat argumentum præfens. At ea de militia Græcorum fuerunt omnia; quemadmodum Constantinus is Leonis filius, imperator in titulo scriptionis. Opilio quoque scriptionem per omnem patricius est, Opilio patricius imperialis, Opilio Romanorum patricius. Hæ formulæ, quas interpretes Opilionis in immensum præcipitant, omnino stabunt, ubi patricos Græci moris attenderimus. Nam quos Græcos aut Græcum quod imperium dicimus, iis tempestatibus, in iis gentibus, omne Romanorum vocabulo fuit.

XXXI. Hi se Græci Romanos appellant, imperator autem se Romanorum vocat. Adeo nobis Romanis irati sunt, adeo nostris imperatoribus infesti sunt: nos Italicos Germanosque pro Romanis populis Francos distitant, imperatoresque nostros ob eam, quam dicunt, nominis usurpationem vexabant. Audi Græcos:

ajunt:

ajunt: *Papa litteras nostro sanctissimo imperatori misit; Græcorum, non Romanorum, imperatorem vocans: papa fatuus, insulsus ignorat, Constantinum sanctum imperialia scepera huc transfuxisse, senatum omnem, cunctamque Romanam militiam; Romæ vero vilia mancipia, piscatores scilicet, cupediarios, aucupes, nosbos, plebejos, servos tantummodo dimisisse:* quæ de Liutprandi legationibus excerpta sunt. Et historicus hic omnis, alique latini: magis historiz deinde Græcorum, tabulæ, nummi, ceteræ vetustates eam consuetudinem Græciæ declarant, ut imperium Græcum dici Romanorum vellet. Ergo facilis ea lege Græcus patricius Opilio est; Romanorumque patricius appellatur eo tempore cum Græci se vocant Romanos; imperialis autem patricius est, imperii quidem Græci quod appellatum fuit Romanum.

XXXII. Patricios multos hoc imperium Græcum, vel eo nomine Romanum, dabat: hos in omnibus historiis earum partium videmus: eos pacis ac belli negotiis adhibitos: huc ex omni natione cooptatos honestatosque mortales: ex quibus ordo patriciorum creverat. Liutprandus in palatium Constantini porphyrogeniti nostri vocatus, eo videbat ordine procedere dignitates: *primus, ait, rector est domus: post alii duo, quorum alter militibus, navigantibus præerat alter: post hos admissi sunt magistri: patriciorum deinde ordo hos pone est secutus; & patriciorum numerum nescio: sur-*

ba

ba post bos immensa vocatur, protospathariorum, spathariorum, candidarorum, & id genus clientum: lib. VI. cap. V. Ita respondent sibi Constantinus porphyrogenitus, Opilio patricius, armeniacus numerus, ejus domesticus, aut domestici: græca sunt omnia: si cum ceteris putetur & Roma, tenens easdem chartas Opilionis. At Græci Constantinopolim quoque Romam dixerunt; ut hæc etiam valet fama per omnes eas ætates. Anastasius autem domesticus Armeniorum se tabellionem de civitate Roma vocavit. Hunc ego designandi modum chartis in aliis adverti.

XXXIII. Nam quas enumeravimus aut Ravennates, aut Romanas tabulas, ita vidi; cum se notarii proferebantur in iisde Ravenna vel urbe Roma fuisse, tum significari scriptum Ravennæ vel Romæ factum fuisse. Quæ si Muratorius attenderet, habuisset se constantius in definiendo nostrorum documentorum loco. Nobis autem positis hic inter utramque Romam veterem novamque restat adhuc ea consultatio, quæ sit earum civitatum duarum propior huic argumento. Pro vetere quippe monebant priores observationes, pro nova novæ. Primum latinitas ejus hominum generis est probabilior in urbibus latinis, quam Græcis. At Græci non probant cur auctoritate latinorum contrahant. Hæc aliaque talia dixi non habere quidem falsos nos, at ignaros. Nec scimus omnes eas consuetudines aut pacta nationum duarum quæ tot sæculis una fuerunt.

Apud

Apud Venetos ultimis usque temporibus erant in foro qui se notarios imperiali dicerent auctoritate. Plures homines hac auctoritate vocant se comites palatii Lateranensis. Et permittunt sibi principes ac permutant in alienis provinciis eas aut similes honorificentias.

XXXIV. Hęc ultima scripturarum pars indicaverat militares eo coactos homines: ejus ordinis Opilionem patricium, signa quædam cum suis ductoribus. Ad proximas etiam regiones, Apuliam, Calabriam, *duo illa schemata*; quæ, quod ait Liutprandus, *ultra mare Græci possidebant*; exercitus ejus gentis aliquis eo tempore spectabat. Demum Romæ per eos annos perpetue turbæ fuerunt. Has observationes in aliquam conjecturam capiam. Seculo præsentî decimo, cum Saraceni Fraxinetum Provinciæ Italięque finibus infederant, maritimis alpibus, Ugo rex Italicus adversus eos consulans, *nuntios suos Constantinopolim dirigit, propter naves & Græcum ignem. Imperator continuo naves cum Græco igne præparavit, & munera maxima misit. Unde rex Ugo, misso sibi Græco igni ab imperatore Græcorum, Fraxinetum oppugnat; & navibus Saracenorum exustis, illud expugnat; & inde eos fugat.* Hęc Albericus anno nongentesimo quadregesimo secundo; quemadmodum Frodoardus, Annalista Saxo, Liutprandus, item Sigebertus, aut alii quoque: nam fuit hoc in primis illustre quoddam factum; Constantino principe. Quod mihi sic interpretor. Ita volo: Græcos ea pu-

gna victores navibus in Fraxinetum descendisse; duces ibi cum militibus agere; tum negotia tractari, publicas etiam tabulas confici. Puto, non diversum legeremus in his quam ferant eæ descriptiones Opilionis: aut in principio nomen imperatoris; ex eo vocabulum classis, aut præfectos ac milites eos classarios, instrumenti quoque locum, vel alia: scilicet eas *Argivæ phalangis*, ut de Virgilio sumimus, illustrationes ac memorias, in alieno quidem solo, procul a Græciæ regionibus ac dictionibus.

XXXV. Hæc eo modo sunt ab alia quoque parte, si numerus Armeniacus atque alius Græcanicæ militiæ globus ex finitimis excubiis ad urbem venerat, quo civium factiones alia vel alia vocaverant; aut adversus externos metus: has enim causas duas noscimus Romanos ea tempestate semper in armis habere. Si Græcorum, quemadmodum præsumitur ad Fraxinetum, sic ad urbem fuit adventus, apparebat statim cur Opilio Græcus patricius aut commilitones ejus incurrerint in hujusmodi tabulas, etiam si confectas opinemur eas in arce Latini nominis. Habemus eo seculo Romam suorum consulum pontificumque sæpe defensionibus exagitari: quas diximus civium factiones. Habemus eam bellis occupatam vel adversus Italicos reges, aut prædones Africanos, adversus Ottonem quoque Cæsarem vel alios: hæc dicimus externos metus. Utrumque periculi genus, a suis, ab alienis, id advo-

care potest in urbem præsidii causa milites etiam Græcos, conterminos; ut sit in vicinitate: nec abhorre debuit animus ab hac opinione, copias ejus gentis interdum coactas in Urbem: quod indicium qualecumque ponitur ex Opilione. Romam vero nonnullas opes a Græcis hominibus expectavisse, Ravennam quoque, prætendit oratio Græcorum, de qua Liutprandus admonuit. Hi legatos Ottonis eo modo sollicitabant: inquirunt; *si datis, quod decet, accipietis quod libet: Ravennam scilicet & Romam cum his omnibus continuatis quæ ab his sunt usque ad nos. Si amicitiam absque parentela desideratis, Romam liberam esse dominus tuus permittat.* Hæ necessitudines eo seculo nostræ cum Græcis erant; qui pro libertate maxime populi Romani verbis; & si daret opportunitas, armis etiam contenderent. Ita gentis ejus exercitus, ac duces, quos aliquantulum refugerat Muratorius, huic urbi conciliamus.

XXXVI. Ego nihil hac in parte me definire quidem posse professus eram. Tantum videor obtinere, nullas eo denique difficultates ingeri, quæ valeant. Ac nobis omnia conjecturarum probabilitatumque plena sunt. Ita cum dixerimus hic aliquid incertum fore, non intelligebamus id ex dubio quodam falsitatis: at ex bonis tot rationibus quas meliores faceremus. is examinis modus habet nos suspensos. Hæc Opilio- nis instrumentorum conditio est, ut in ceteris quidem

G

par-

partibus omnes exhibeant veri demonstrationes, in ultima autem parte nullas objiciant falsi suspensiones.

Autographas ita dicebam chartas Opilionis, ut appellantur eo nomine scripturæ primariæ: quæ primarię dici scripturæ solent ab autoritate, vel manu principis autoris. Ac primo quidem modo tabulæ sunt Opilionis originales. Quæ manus indicant tres: at unam dictantis aut mandantis Anastasii tabellionis auctoritatem fidemque.

„ In nomine domini nostri Ihesu Christi. Imperante
„ piissimo augusto Constantino a Deo coronato pacifico magno imperatore. Anno quintodecimo sub die
„ mensis iunii indictione prima. Domino sancto & merito auctor beatissimo seu & venerabili monasterio
„ Sancte Justine virginis, & martiris ubi corpus Sancte Justine & Sancti Prothocimi & multa corpora
„ aliorum sanctorum requiescit, quod est constructo
„ foris urbe Patavensi ubi multa res a bonis hominibus delegata sunt. Ego quidem in dei omnipotentis nomine Opilio patricius Romanorum dono in
„ predicto monasterio pro oblacione & inluminacione
„ seu pro eterna remuneracione anime mee & de
„ quondam parentorum meorum presens presentis salutis
„ te magni donacionum sanctarum scripturarum nos

„ ratio

„ ratio promon& ita semper considerare atque dispo-
 „ nere que pro animabus & meritis regni celestis re-
 „ tributione merear promereri. Credimus nos sine du-
 „ bio in evangelica leccio promon& subsequi leccioni-
 „ bus ut in hoc seculo centuplum & in futuro vite
 „ eterne esse participes. Qua de re ego superscripto
 „ Opilio bono animo ac spontanea voluntate nullus
 „ me penitus cogente neque compellente aut suaden-
 „ te vel vim inferente sed meis propriis deliberacioni
 „ arbitrium. Ideo dans dono cedo trado & transfero
 „ atque transacto & da meo iure meoque dominio
 „ meisque heredibus vel successoribus alieno & trans-
 „ scribo atque subduco in iure & dominio superscri-
 „ pto monasterio perpetuum permanendas eo quod ha-
 „ bere & detinere viso sum in comitato Bolonien-
 „ sis quas mihi advenit per cuncumque modum vel titu-
 „ lum aut undique mihi advenit&. Hoc sunt fundo-
 „ ras que vocatur Kasinius cum casis masariciis vel
 „ omnibus rebus ad se pertinentibus: id est casali quo-
 „ rum vocabula sunt Sililiano, Monteclo, Vindemio-
 „ lum, Marcio, & Arucias, cum casale Paulinis, Ro-
 „ tatorum, Saturiorum, vico Fraxeneto, Quingentula,
 „ Columbiano, Granariolo, & villa magna, cum ca-
 „ sis & masariciis & cum omnibus suorum pertinen-
 „ ciis ad eisdem locis pertinentibus in integrum. Et
 „ capella una cum area sua, & cum omnibus suorum
 „ pertinentiis infra civitate Bolonienfis que est con-

„ structa in honore Sancte Justine virginis & marti-
„ ris. Alia fundora sociorum, Pifcianus, Marianus, Ga-
„ brianus, Julianus, & fundum Micauri quod est su-
„ pra naves. Casales cui vocabulum est Mimianus hoc
„ est Liliolis que est inter Misiano & Columbiano cum
„ omnibus pertinenciis suis. Item fundo in alio loco
„ sociorum, alio fundo Micauri quod est sub ripa de
„ Barbiano & Gabiano inter Clodia & Strata. Alia
„ vero fundora quod est in vico Romanulo, & fun-
„ dum ortis cum omnibus suorum pertinenciis in in-
„ tegrum. Cum casis curtis ortis areis. Deforis vero
„ tam terris aratoreis seu vigris vineis cum arsis sua-
„ rum, tam terris arabilis & gerbis campis pratis pa-
„ scuis silvis ac stellareis rivis rupinis ac palu libu. col-
„ tis & incoltis divisi & indivisi una cum finibus ter-
„ minibus accessionibus & usibus. aquarum aquarumque
„ ductibus cum omni iure adiacenciis & pertinenciis
„ earum rerum per locas & vocabulas ad easdem fun-
„ doras & capella & casis & omnibus rebus qualiter
„ superius legitur in integrum ab hac die in eadem
„ venerabilis monasterio beatissime Sancte Justine &
„ Sancti Prosdocimi & aliorum multa corpora sancto-
„ rum in perpetuum permanendas pro eo, sicut dixi,
„ pro remedio anime mee & de quondam parento-
„ rum meorum & ab hodierno die numquam licet
„ mihi suprascripto donatore neque meis heredibus vel
„ successoribus ullo unquam in tempore nullamque

„ mo-

„ molestia generare a pars predicto monasterio de is
„ omnibus quod superius legitur pro ex parte vel ex
„ torum num ago neque contendo aut invado vel in-
„ occupo, neque agentibus quod desidero audeo nec
„ per me neque per meis heredibus vel successoribus
„ neque per meam submissam vel submitendam per-
„ sonam maioris vel minoris propinquis vel extraneis
„ & non adeunde iudicium & non supplicandum prin-
„ cipibus neque per ecclesia interpellacione aut per re-
„ galem vel imperiali magestate vel potestate, neque
„ per ullo modo nullamque racione contraire quod
„ absit & aufer& voluntatem: quia legibus cautum
„ est, ut quod semel in sancto ac venerabili mona-
„ sterio donatum vel concessum fuerit nullo modore-
„ vocetur. Unde pro maiori firmitatem & si quotem-
„ pore queppiam personam hominum su:rexerit que
„ ad pars predicto monasterio calumnia generaret, ego
„ suprascripto Opilio donatore cum meis heredibus a
„ pars predicto monasterio ipsa res ab omni persona
„ hominum stare & contra omnes auctoritare promit-
„ to. Quod si quod absit & averta divina potencia &
„ omnia que supra legitur non observavero vel adim-
„ plevro & contra hec ire vel agere aut contendere
„ voluero atestacione confirmo, quia daturo me esse
„ promitto ego suprascripto donatore una cum meos
„ heredes vel successores a pars predicto monasterio
„ ante omni litis incium pena auri optimi libras trex

„ & post

„ & post pena solutione me ad hanc paginam dona-
 „ cionis in sua firmitate permaneat. Qua vero pagi-
 „ nam in dei nomine Anastasius tabelius de civitate
 „ Roma scribenda rogavi & subter manu mea pro-
 „ pria firmavi testibusque a me rogatis obtuli subscri-
 „ benda; eorumque presencia eam tradidi sub die men-
 „ sis iunii indictione prima.

† Ego Opilio gloriosus imperialis patricius Roma-
 norum in ac donacionis cartula a me facta manu mea
 subscripsi.

† Ego Jordanus in ac cartula rogatus testis manu
 mea subscripsi.

† Ego Armeniacus rogatus testis manu mea sub-
 scripsi.

† Ego Tribunus Blandinoni rogatus testis manu mea
 subscripsi.

† Ego Leopardus rogatus testis manu mea subscripsi.

† Ego Basilius rogatus testis manu mea subscripsi.

† Ego Barbato domestico numeri Armeniaci rogatus
 testis manu mea subscripsi.

„ In nomine domini nostri Ihesu Christi. Imperan-
 „ te piissimo augusto Constantino a deo coronato pa-
 „ cifico magno imperatore. Anno quintodecimo sub
 „ die mensis iunii indictione prima sancto &
 „ merito auctor beatissimo & venerabili monasterio

„ San-

„ Sancte Justine virginis & martiris, ubi corpus San-
 „ cte Justine & Sancti Prosdocimi & . . . corpora
 „ aliorum sanctorum requiescit qui est constructum for-
 „ ris urbe Patavenfis ubi multa res a bonis homini-
 „ bus delegata sunt. Ego quidem in dei omnipoten-
 „ tis . . . Opilio patricius Romanorum dono in pre-
 „ dicto monasterio pro oblatione & inlumine seu pro
 „ eterna remuneracione anime rum pre-
 „ sens presenti salute magni donac . . . sanctorum scri-
 „ pturarum acio promon& ita semper confi-
 „ derare atque disponere que p regni coe-
 „ lestis retribucione merear promereri. Credimus nos
 „ sine dubio in evangelica leccio promon& subseq . . .
 „ leccionibus . . . hoc seculo centuplum & in futuro
 „ vite aeternae esse particeps. Qua de re ego supra-
 „ scripto Opilio bono animo ac spontanea vol . . .
 „ ente neque compellente aut suadente
 „ vel vim inferente, sed meis propriis deliberacioni
 „ arbitrium. Ideo dans dono & da meo
 „ iure meoque dominio meisque heredibus vel succes-
 „ soribus alieno & transcribo atque subduco
 „ manendas eo quod habere & de-
 „ tinere viso sum in comitato Bolonienfe quas mihi
 „ advenit per quocumque modum vel mihi
 „ arvenisset. Hoc sunt fundora que vocatur Kasinius
 „ cum casis massariiciis vel omnibus rebus
 „ sunt Sitiliano, Monteclo, Vindemioium,

„ Mar-

„ Marcio, & Arucias cum casale Paulinis, Rotariorum
 „ vico Fraxeneto, Quingentula, Columbiano,
 „ Granariolo, & villa magna cum casis & mas-
 „ fariciis . . . & omnibus . . . pertinentiis ad eisdem
 „ locis pertinentibus in integrum. Et capella una cum
 „ area sua & cum omnibus suorum pertinentiis infra
 „ civitate Bolonienſe quod est constructa in honore
 „ Sancte Justine virginis & martiris. Alia fundora so-
 „ ciorum Piscianus, Marianus, Gabianus &
 „ fundum Micauri qui est super naves. casales cui vo-
 „ cabulum est Mimianus, hoc est, Liliolis, qui est in-
 „ ter Misiano & Columbiano, cum omnibus pertinen-
 „ tiis suis. Item fundo in alio loco Saciorum, alio fun-
 „ do Micauri qui est sub ripa de Barbiano & Gabia-
 „ no inter Clodia & Strata. Alia vero fundora qui
 „ est in vico Romanulo, & fundum Ortis, cum omni-
 „ bus suorum pertinentiis in integrum. Cum casis,
 „ curtis ortis areis, deforis vero tam terris aratoreis
 „ seu vigris vineis cum areis suarum tam terris ara-
 „ bilis, & gerbis, campis pratis pascuis silvis ac stel-
 „ lareis rivis rupinis ac paludibus coltis & incoltis di-
 „ visi & indivisi una cum finibus terminibus accessio-
 „ nibus que ductibus cum omni
 „ iure adiacentiis & pertinentiis earum rerum per lo-
 „ cas & vocabulas ad easdem omni-
 „ bus rebus qualiter superius legimus in integrum
 „ ab hac die in eadem venerabili monasterio bea-

„ tis

„ tis & Sancti Prodocimi & multa cor-
 „ pora in perpetuum permanendas pro eo
 „ sicut dixi pro remedio anime mee de quon-
 „ dam parentorum meorum & ab hodierna die num-
 „ quam liceat mihi suprascripto donatore neque . . .
 „ successoribus ullo umquam in tempore nullam-
 „ que molestia generare a pars predicto monasterio de
 „ his omnibus quod supra pro ex parte vel
 „ ex totum num ago neque contendo aut invado vel
 „ inoccupo neque agentibus quid desidero
 „ neque per meis heredibus vel successoribus neque per
 „ meam submissam vel submittendam personam mino-
 „ ris vel maioris propinquis vel extraneis & non ad-
 „ eundem iudicium & non supplicandum principibus
 „ neque per ecclesia interpellacione aut per regale . .
 „ lem magestatem vel potestate neque per ul-
 „ lo modo nullamque rationem contrarie, quod ab-
 „ sit & cautum est ut quod semel
 „ in sancto ac venerabili monasterio donatum vel con-
 „ cessum fuerit nullo modo revo
 „ & si quo tempore quippiam persona hominum sur-
 „ rexerit que ad pars predicto monasterio calupniam
 „ suprascripto Opilio donatore cum meis
 „ heredibus a pars predicto monasterio ipsas res ab
 „ omni persona hominum stare & contra omnes au-
 „ ctoriare promitto. Quod si, quod absit, & averta
 „ divina potencia, & omnia que supra legimus non

H

„ ob-

„ observavero vel adimplevero, & contra hec ire vel
 „ agere aut contendere voluero, atestatione confirmo,
 „ quia daturum me esse promitto ego suprascripto do-
 „ natore una cum meos heredes vel successores a pars
 „ predicto monasterio ante omne litis initium pena
 „ auri optimi libras tres, & post pena absolucione me
 „ ad anc paginam donacionis in sua firmitate perma-
 „ neat. Qua vero paginam in dei nomine Anastasius
 „ tabelius de civitate Roma scribenda rogavi & sub-
 „ tus manu mea propria firmavi testibusque a me ro-
 „ gatis obtuli subscribendam; eorumque presenciam eam
 „ tradidi sub die mensis iunii indictione prima.

..... patricius Romanorum in hac do-
 nacionis cartula a me facta manu mea subscripsi.

..... rogatus testis manu mea subscripsi.

..... manu mea subscripsi.

..... rogatus testis manu mea subscripsi.

..... pardus rogatus testis manu mea subscripsi.

Ego filius rogatus testis manu mea subscripsi.

Ego Bar numeri Armeniaci rogatus
 testis manu mea subscripsi.

„ In nomine domini nostri Ihesu Christi. Impe-
 „ rante piissimo perpetuo augusto Constantino deo co-
 „ ronato pacifico magno imperatore. Anno quintodeci-
 „ mo. Opillioni patricio concedere jubeatis rem iuris

„ fan-

„ sancte vestre dominate ecclesie Justine. hoc est fun-
 „ dum qui vocatur Casinius cum casibus suis vel om-
 „ nibus ad se pertinentibus, id est, casalia quorum
 „ vocabula sunt Sitaliano, Monteclo, Vindemiolam,
 „ Marcio, & Arucias, cum casale Paulinis, Rotario-
 „ rum, Saturiorum, vico Fraxeneto, Quinquegintu-
 „ la, Columbiano, Granariolo: & villa magna in in-
 „ tegro ibidem pertinentem iuxta ipsam civitatem Bo-
 „ noniense. Alia autem fundora sociorum Piscianus,
 „ Marianus, Gabianus, Julianus, & fundus Micauri,
 „ quod est supra naves. Casales quod dicitur Lauren-
 „ cianus: atque casales cui vocabulum est Mimianus,
 „ hoc est Liliolis, quod est inter Misiano & Colum-
 „ biano. Item fundo in alio loco Sociorum. Alio fun-
 „ do Micauri, quod est sub ripe de Barbiano & Ga-
 „ biano inter Clodia & Strata. Area vero quod est in
 „ vico Romanulo; & fundum Ortus, in integrum.
 „ Cum silvis sacris terris sacionalibus pratis pascuis,
 „ aquaris, rivis, fontibus, arboribus fructiferis & in-
 „ fructiferis, vel quicquid ad ipsa fundora seu casalia
 „ pertinere iubetur in integro tenendas colendas me-
 „ liorandas & omnes fines eius defendendas de meis
 „ propriis expensis seu laboribus nichil in dominico.
 „ Auctoribus vestris computariis & sub pena statuatis,
 „ singulis quibusque annis pensionis nomine per unum-
 „ quemque annum inferenda auctoribus sancte vestre ec-
 „ clesie Justine pensione auri purissimos obpriziacos so-

H 2

„ lidos

» lidos XII. Sed supradicta fundora vel casalia cum
» omni melioracione que ad easdem usus pertin& in
» iura sancte vestre dominate ecclesie Justine; ut post
» meum obitum, cuius est proprietas, revertatur ec-
» clesie. Adicientes nun, ut si quis contra presente pe-
» titionis cartule emfitheseos ire temptavero, promit-
» to me Oppileo gloriosus patricius aut pars parti ante
» omne huius incipiam pene auri libras III. Quod si mi-
» nime fecerimus de ea; superius adscripta leguntur;
» post pene solutionis, licencia vobis sit nos exinde
» expellere, & qualiter previderitis, res sancte vestre
» ecclesie tribuatis qua . . . petitionis nostre cartula
» sine vi vel metu vel ullam circumscriptione ego
» Anastasius domestico numeri Armeniaci scribendo di-
» stavimus, in qua nos pro maiorem firmitate subter
» propria manus scripsi, & postea me rogavi obtuli
» subscribenda, & in scrinio sancte vestre ecclesie Op-
» pilio gloriosus imperialis patricius anc petitionis car-
» tulam de supradicta fundora vel casalia sunt propria
» manus mea subscripsi.

Jordanus. Armeniacus. Tribunus Blandinoni. Leo-
pardus. Basilus. Barbato domestico numeri Armeniaci.

CAPUT VI.

DCCCCLXXI. Indictione XIV.

I. **G**Auslinus ædificat monasterium Sanctæ Justinæ. Quæ narratio ferebat initium dicendi prorsus infelix. Id enim habet: *cum venissem ego Gauslinus episcopus in ecclesia beate Justine martiris & beati Prosdocimi presulis, & vidissem ibi per circuitum omnem locum desolatam, nec erat ibi qui alicui diceret, aut aliquam susceptionem hospitibus aut pauperibus pararet.* Eo ruinarum locus omnis is iverat. Antistites etiam posterioris ætatis habentur; ut anno MXXXIV. unus eorum commemorans *videlicet de ecclesia sancte Iustine virginis, que sita est foris civitatem Pataviensem, quam olim quasi destructam ac desolatam pene ab omnibus enarrabat, ut ævo Gauslini fuit.* Alter eorum quoque præfulum recolens erat anno MLXIII. *videlicet de ecclesia Sancte Iustine virginis, quam olim destructam ac desolatam pene ab omnibus aditruit hac ætate Gauslini.*

II. Quos autem cladis autores advertit & Cavacius Ungaros immanissimos homines. Ut enim vastationes eas omittam quas Ungari locis præcipue sacris intulerunt ab alio aut alio quidem capite Italię, quę magis hinc aberant; ac de iis autores eorum temporum

con-

continent; ut erant Aquilejenses ab una parte, Mutinenses autem, Regienses, & Parmenses, & Placentini, Cremonenses, ac Ticinenses ab alia: rem tamen hanc ego definiens eo terrarum tractu, quæ provincia maxime nostra fuit, Verona, Vincentia, Tarvisium, Patavium, sic animadverto, civitates has omnes iis Ungarorum sacrilegiis admodum pollutas. Itaque de Veronensium clade testis in primis erat Ratherius obiciens, in ea ditione sua *passim* res ædesque deo sacratas incendio Paganorum dirutas: & alibi malum religionis averfabatur, *incenso ab Ungaris canobio*. Tum scriptores alii alia talia. De Tarvisinis ab adverso regionis angulo casus eisdem ferunt antiquæ lectiones; ut eæ quas exhibet Ughellus: hinc enim apparet, quo Caroli Magni fundatum virginis Mariæ, sanctæque Crucis, atque martyris Fuscæ monasterium *tertia stadii parse ab urbe Tarvisio distans*; eo monachos igitur investos, eo sanctorum quoque reliquias, eo corpora martyrum Senesii, ac Theopompi; denique *post annum multorum curricula gens Hunnorum perfida plurimas Italia vastantes provincias hunc sanctissimum locum peccatis ingruentibus funditus destruxit*. Ac Vincentini magis eam pestem tulerunt; ut habetur in Actis sancti Theoderici Metensium præfulis. Hic anno DCCCCLXX. corporum sanctorum maximam copiam ex diversis Italia locis invehere studuit. Civitas Vincentia est: in ea martyr Leonisius monasterio celebri condeba-

sur: hunc beatum, & Carpophorum Romæ passos ab eadem Civitate non longa ante tempora translatos incolæ afferebant, ubi & nobile quondam monasterium sancti Felicis viscebatur, ubi & primi reconditi ferebantur: sed eo ab Ungris, qui pene locorum ipsorum vicini sunt, exusto, atque assidua incursione eorum reparationem prohibente, ad sedem episcopalem infra urbem sub altare depositi sunt. Ea fors monasterii Sancti Felicis. Id enim omni monastico cultu & divino officio destitutum ac desolatum, ob devastationem barbararum gentium quæ in Italiam tunc temporis irruerant, omnino consentiunt etiam chartæ Vincentinæ, quas post edisseram. Nunc ea tractatio reliquos Patavinos habet, quorum templis ac religionum sedibus Ungari præceteris barbariæ gentibus insultaverant. Initio quidem seculi vidimus antistites hujus urbis apud principem expositulantes, ab Ungaris incensa basilica, chartis amissis. Ante sex hos annos eadem Patavini præfules imperatori detulerunt; Ungarorum incurfu, pariter incendio chartulas absumptas. Ex adverso pontifices nostros alienæ querele pullabant: ut anno seculi forte vicesimo sacerdotum Civitatis ex voces erant, autenticas chartas propter rabiem paganorum crematas esse consumptas & perditas: id anno quoque nongentesimo sexagesimo quarto simul omnes inclamabant: id anno nongentesimo septuagesimo octavo maxime repetebant. Ita pesium ierant apud nos ab ea feritate pontificales opes.

III.

III. Alterum ergo ordinem quoque sanctos monachos ii grassatores eadem sævitia dilaniabant. Ea quidem prodidit autor historiæ sancti Danielis : nam civitate in antiquo tempore per triennium & amplius obsessa, & tandem, ut Longobardica narrat hystoria injecto igne concremata, & solo tenus diruta, & postmodum ab Ungarorum rabie deleta, & eiusdem loci monasterio exusto atque destructo, abductis a Paganis, probrefas! sanctimonialibus que illic in diebus illis deo serviebant, abductis etiam civibus & jugulatis, nulla super terram in loco ipso sancti Danielis mentio remansit. Eam lectionem damus ex antiquo manuscripto, quam Cavacius expresserat ex novo; propterea nec hæc auctoritate valebat, & mendis aut mendaciis interdum putabatur ineptiens. Ego nunc id egi meis observationibus, ut dictum vetulsi scriptoris in pretio sit; ejus autem narratio magnas in omnem partem trahat explicationes. Ea sub immanibus Ungris itaque terræ facies: hæc Italiæ pars quæ Tarvisinæ denique Marchæ nomen a nonnullis seculis habet, omnis Ungarico bello decedit. Nam de monasterio quoque Sancti Hilarii, quod ultimum in hac ora Venetis accensebatur, aliquid inter eorum scriptores aliquando me vidisse memini: tamen in præfenti re locus auctoris aut nomen abest a memoria mea: quandoquidem farragines eque multæ sunt ex editis ineditisque: nec omnia, quæ legere passim oportet, in adversaria transfero.

Cer-

Certum id ex monumentis nostris, quæ prodita sunt hastenus & probata sunt, eo barbarorum concursu prostratas esse nostratum. fortunas omnes; urbem captam, incensam; cives abductos excruciatos; oracula divum, sanctuaria virorum foeminarumque terræ data. Quæ recentior omnia scriptor enumerans, ut ex antiquis acceperat, ante trecentos & quinquaginta plus annos, is quoque lamentabatur; *obfesso per triennium Patavio, & igne cremato; postmodum etiam ab Hungarorum barbarie deleta; & ipso monasterio Sanctæ Justine exusto, ac sanctimonialibus quæ ibidem deo famulabant, cum civibus, abductis ac ingulatis.* Alius est autem ex nostris harum calamitatum descriptor; hic auctor & verustate sua nobilis, & fide; qui *monasterium beate Justinae sibi præcipuum proponens in ea vastitate, notabat; ejus in gremio plurima sanctorum corpora quondam latere, quorum requiem Patavini patres junioribus, juniores vero modernis ad invicem narraverant, sanctorum nomina quiescentium verustate temporis penitus ignorantes.* Namque Civitas ab Ungarorum rabie ceterisque feris gentibus eximiam fuit passa ruinam: unde qui Sanctorum quondam reliquias in prefati monasterii viscere vallaverant, cunctis universe carnis viam ingredientibus, vel propter sue patrie memoratam ruinam per barbara loca tunc peregrinantibus, rerum temporumve succedens permutatio, sanctorum nomina videlicet a modernorum memoria penitus obduxerat: &c.

IV. Scriptores eos rerum nostrarum, quos in argumentum advocabamus, alio retractare convenit; atque eo de cujuslibet ætate studioque, de codicum situ meritoque reservamus explicationes alias. Hoc enim loco tantum observationis in eos adhibuimus, adeo nostros eos ex finitimis explevimus; atque eos hosque commune seculi malum credibiles efficit; ut Gauslini præfatus ad Patavinos allocutio denique constaret omni significatione sua: cum se dixerat, huc accessisse, cum se videre *per circuitum* dixit *omnem locum ibi desolatum*; nec aliquem esse *qui susceptionem hospitibus aut pauperibus* exhiberet. Hoc enim quod arcanum fuisset antea, vel eductum de conjecturis, aut ambiguo teste, nunc habetur exploratum crimen, ut alia, efferæ nationis in hac urbe vel aliis: earumque ruinas ita nos etiam spectamus, ut antistes ut populus execrabatur ex sævis Ungaris.

V. Ab hac itaque miseria Gauslinus hoc anno monasterium Sanctæ Justinæ relevabat. Ut *cænobium*, inquit, *adificarem monachis*. Id ait *cænobium*, de quo dictum fuerat ante centum circiter annos, *actum in cænobio sancte Justine*: de quo præterea memoratum toties iis seculis tribus, octavo, nono, decimo. Tanta loci moles humo denique dejecta novum substructionis omen hac tempestate ferebat. Non enim his instrumenti verbis existimare convenit, eam sedem Gauslino præfule primum fundari; monachos advocari: quæ

vide-

videtur opinio Muratorium cepisse. Causa putandi magno viro sunt aliquę nostrorum præsulum formulę ; quas etiam dabimus hic omnes ; ut studiosis ea rerum capita præsto sint. Hoc itaque totum ferebar ipse Gauslinus, anno eo DCCCGLXXI. cum venissem, inquit, in ecclesia beate Iustine martiris. Et beati Prosdocimi presulis, Et vidissem ibi per circuitum omnem locum desolatam; nec erat qui alicui diceret, aut aliquam susceptionem hospisibus aut pauperibus pararet, tunc inspirante Christi misericordia, cor meum implere ac visitare dignatus est, ut ob ipsius amorem sanctorumque omnium, nec non Et beate Iustine martiris beatique Prosdocimi confessoris ibique cenobium edificare monachos. Tunc congregavi omnem clerum omnesque obpimatos cunctus populus; quod dominus in corde meo inspirasset; sed Et valde omnibus placuit: unde cum omnibus sacerdotibus, cuncto clero, Et cum omnium fidelium consensu, iuvante deo, construximus cenobium: ibique prefari monachi qui ibi preesse debent, firmi Et stabiles esse possint. Alter antistitem nostrorum Burchardus anno MXXXIII. scribit hoc modo: Gauslinus Paraviensis episcopus non modicam habuit diligentiam videlicet de ecclesia Sancte Iustine; quam olim quasi destructam ac desolatam pene ab omnibus videbatur: pro dei amore Et veneratione ejusdem Sancte Iustine monasterium inibi construxit, Et abbatem atque monachos ordinavit, atque ex ipsius episcopii rebus donationem tantam dona-

vis, ut aliquantulum ibi deo serviientes possint vivere. Tertius est Patavinorum pontifex Oudelricus anno MLXIII. repetens ea: *Gauslinus episcopus non modicam habuit diligentiam videlicet de ecclesia Sancte Justine; quam olim destructam ac desolatam pene ab omnibus videbatur: inibi monasterium construxit, & abbatem atque monachos ordinavit, atque ex ipsius episcopi rebus donationem tantam donavit, ut aliquantulum ibidem deo serviientes possint vivere.*

VI. Nunc omnia prostant ex antiquitate quæ factum Gauslini complectebantur. Hæc autem intelligi tantum debuerant quantum sinunt aliæ narrationes alio aut alio tempore, quas ordine suo descriperamus. Et nos a Gauslino monasterium Sanctæ Justinæ dicimus ædificari; sed eo modo quo dicerentur ædificari monasteria Veronensium, Veicetinorum, Tarvisinorum, vel alia, post ruinas Ungaricas. Ut habetur in causâ monasterii quoque Sancti Thomæ Regiensis. Id a nono usque seculo memorabatur apud veteres. Est autem Teuzo præful anno MXXVII. conferens abbatissæ Linxæ basilicam in honore Sancti Thomæ apostoli ceptam: sic habet. At Sigifredus anno MXXXVIII. præful ait, *monacharum cænobium noviter a prædecessore nostro bonæ memoriæ Teuzone episcopo ad omnipotentis dei, & Sancti Thomæ apostoli servitium readificatum, olim ab infidelibus funditus destructum, ubi Linxæ venerabilis abbatissa præesse videtur.* Ea quidem sibi pro-

posuerat Muratorius, atque ea de monumentis habet; ex quibus ita denique professus est: *a Teuzone monasterium Sancti Thomæ non, inquit, edificatum, sed reedificatum*: quæ viri verba descripsi. *Ceptram* tamen a se *basilicam* Teuzo, nihil amplius, indicat instrumento suo, quod exhibebatur: id adverteramus. Igitur ea nunc observatio reliqua fuerit. Observamus hæc. Apud Regienses in eo facto valere chartas alias ex aliis, ut una vel alteram suppleat, aut hæc explicetur ab altera.

VII. De quo genere sunt etiam Patavinæ scriptiōnes in hac parte. Nos, ut ii Regienses, habemus & chartas eas ex quibus utrique cœnobio conciliatur antiquitas: habemus & eas ex quibus innoscitur utriusque deinde loci calamitas; & hæc utrinque parabatur ab Ungaris: habemus eas ex quibus hæc aut hæc instauratur ab utraque parte religionis ædes ac sedes: aliæ quoque chartæ sunt ex quibus aut ea molitio novi operis, aut ætas ejus & autor, aut alia constabant, ordine velut ac nota aliqua dierum atque operarum. Quæ cum tot aderant utrobique momenta vetustatis, oportuit ex iis omnibus historias expendere nostri monasterii vel alieni. Quin & hoc etiam de Regiense scitatum fuisse patet: non enim de eo videbamus ante censerī, quam propositis ætatum priorum sequentiumque testimoniis. At de nostro satis existimatur unum aut alterum ex iis autoribus indicasse qui bono

scri-

scripserant animo, nec ut adversus obtestatores. Executiantur & ab hac parte nostrates homines a primis initiis ad ævum Gauslini. Quandoquidem charta libelli regis Ildebrandi, scriptiones etiam vocabulo Gregorii quarti, testamentum Rorigi, donationes Opilionis occurrerant, ea multo studiosius inspicere debuerunt, ac non pro vanis haberi, vel incertis; ut alias id egi. Prorsus ego addidi ex eo genere alia, quæ frustra non erunt. Hæ quidem, quas chartas forenses dicimus: eæ sic habebant. Alii præterea sunt annalium scriptores, ii maxime qui pessimis Ungaris indignabantur, & ex eo præsertim capite quo nostris his animadversionibus accessio fieret. Igitur hi narratores omnibus modis barbaricam loci vastitatem deplorabant; & hæc historie pars, adeo, præclaris testibus auctoritatem fert.

VIII. Rursus & hæc fuerunt de documentis domesticis. Ab externis enim fiebant eæ quoque significationes: ut hæc provincia seculis iis haberet ab omni parte servos dei monachos: ut a maris extremis ad oppositos terminos ea Marchiæ nostræ facies occuparetur hominum religiosorum septis; ut nullus iis vacuus erat populus; ipsique Venetici, qua littoris oram contingerent; non Tarvisini, Vicentini, Veronenses: ex quo, post probationes eas quas hætenus adhibueramus, hoc a ratione procul esse videbatur, ejusmodi claustra sanctitatis apud unam hanc urbem nolle vetustis ætatibus. Hæc nunc observationes a nostris & ab externis ad-

monebant, ut antistitum Gauslini, Burchardi, vel Oudericī sententias exciperemus. Ii memorant *ecclesiam pene destructam, locum desolatū: narrant ædificari cœnobium, construi*: sic eorum continent epistolæ decretales. Quæ qualescumque propositiones erant, eo tamen ex alia parte nos adigunt institutum seculi, mos etiam regionis, & historiarum series, instrumentorum vis, & sensus antiquitatis & omnis autoritas, ut intelligamus in iis ecclesiæ ruinis esse monasterii ruinas: atque eo loco diu sanctuarium cœnobiumque stetisse; nunc unum & alterum jacere; denique post clades eas utrumque restitui.

IX. Scilicet ea Justinæ Virginis ædificatur ædes, & ædificatur ea religiosorum virorum domus. Quæ si velis alio tu vocabulo tradere, dicas eam atque eam reædificari. Sed hæc ita distinguere necesse nec est, aut eo modo barbari nostri solebant: immo basilicam vocare quæ monasterium fuit; immo, quod ii cœnobium reædificabant, id inceptum tunc dicere: quæ de Regiensibus ante suspectabamus. Alias autem formulas habuerunt: ut monasterium dicerent ii facere, quod extructum per alios erat; ut dicerent monasterium facere, quia non-nihil augebant, & opibus aliquibus aut operibus amplificabant: & alia recurrunt iis seculis ex quibus apparebat, apud homines eos quo magis agendi pietas erat eo loquendi licentiam sæpe venire. De Camaldulensibus hæc annalibus habeo, quæ repetamus. Anno non-

gen-

gentesimo sexagesimo primo Vangaticienſis abbas aliquis obtinet; is nomine Martinus, is monaſterii ſui titulo prædium recipit, is litteras ab regibus Italicis: hoc itaque primum videmus. Anno deinde nongentiſimo nonageſimo tertio Vangaticienſis abbas Martinus ab Ugone marchione domos & agros acquirit ad monaſterium ſuum faciendum & conſtruendum, ſeu ædificandum, & regulam ibi ſecundum doctrinam beati Benediſti abbatis tenendum: quod alterum apparet. Ugo igitur id monaſterium jubet ædificari, conſtrui, fieri, quod ante triginta duos annos erat ædificatum, conſtructum, factum. Sic ea tamen inſtrumenta duo ſunt. Anno præterea milleſimo quadrageſimo octavo Rolandus inſtituerat; oratorium ſancti Salvi amodo & deinceps fiat monaſterium monachorum ordinis Sancti Benediſti: quod expeditum brevi fuit. Anno vero milleſimo octuageſimo ſeptimo Martinus alique plures homines Oratorium Sancti Salvii concedunt, ut deinceps fiat monaſterium ſecundum Ordinem Sancti Benediſti. Volunt hi quoque donatores inſtitui monaſterium quod ante plures annos inſtituerant alii. Inter has ergo difficultates, & ut hæ ſibi chartæ conflarent, quoniam ſibi conſtare debent, adhibuerunt interpretes antiquitatis obſervationes eas, quas deinde viri Camaldulenſes altius attollebant: & ſcimus, inquit, formulam illam; Ad monaſterium ibidem faciendum; uſurpari conſuetam fuiſſe bis ſeculis a donatoribus qui eccleſias vel monaſteria jam erecta ſuis oblationibus

locupletabant pro eorumdem conservatione : quod animadvertis etiam. V. Cl. Soldanius. Adeo levis erat ea vox inter ædificandum reædificandumque, de qua momentum fieri posset, ut existimabatur, adversus omnes eas rationes quæ monasterium Patavinum longis ætatibus ante Gauslinum tenebant.

X. De Veicetinis finitimis nostris id ad ultimum posui. Monasterium Sancti Felicis antiquissimi temporis Ungari subverterant, ut ante diximus. Anno nongentesimo septuagesimo septimo pontifex Rodulfus hoc ait *cenobium penitus omni monastico cultu & divino officio destitutum se restaurare se redintegrare decrevisse: præterea suffragiis & electione fidelium suorum clericorum & laicorum ibidem constituit abbatem Iobannem, cui concessit omnia quæ videbantur ad præfatam abbatiam pertinere.* Sed anno millesimo tertiodécimo pontifex alius Jeronimus hoc *cenobium reperit omnino destitutum: & ne sanctus ejusdem absque divino foret officio locus, constituit inibi Dominicum abbatem & monachos: concessit autem eis quæ se dixerat concessisse Rodulfus.* Anno millesimo trigésimo tertio pontifex alius Aystulfus hoc *cenobium fere destitutum & desolatum omnimonastico cultu & divino officio invenit; adeoque restaurare seu redintegrare decrevit. Præterea votis & electione suorum fidelium clericorum atque laicorum ibidem constituit abbatem Domnum Iobannem, cui concessit omnia quæ Rodulfus, & Hieronymus asseruerant se*

K

con-

concessisse. Rodulfus, Hieronymus, Aystulfus omnes eodem pacto rem diverſi temporis habent: omnes eum locum deſtructum videbant, reædificabant, dotabant. Si chartas antiquiores haberemus, alii pontifices, puto, deſtruerent, reædificarent, dotarent. Nam quo mirandum magis iis instrumentorum formulis: etiam ſancti Petri cœnobium Veicetini præſules quoties ea tempeſtate commendant, toties inducunt eo præſationes Aystulfi, Hieronymi, Rodulfi. Quid ſi chartæ nobis hujus ordinis ante Gauslinum præſito fierent? Il quoque pontifices orationi ſuæ principium facerent a locis communibus: ædem ſedemque Juſtinæ dirutas inclamarerent, eas a ſe reparari dicerent, a ſe præſertim locupletatas.

XI. Anno tamen eo nongenteſimo ſeptuageſimo primo Gauslinus hoc iterum ædificabat, inſtaurabat, a ruinis eum locum redintegrabat. Habuit additum & hoſpitale, quod anno octingenteſimo ſeptuageſimo quarto Rorigus excitaverat: ac de ea re monumentum ſuperſeſt æſtum in cœnobio Sanctæ Juſtinæ. Hoc etiam hoſpitale bellis & incendiis exciderat; effugatisque religioſis hominibus, erat ibi nemo, qui vel alicui diceret aut aliquam ſuſceptionem hoſpitibus aut pauperibus inſtrueret. Hi monachi, dum caſus eorum finerent, uſu autem ſeculi ſui, tenuerunt hoſpitale monaſteriumque diu, poſt ab utroque deſecti nunc ea demum recuperabant.

XII. Eſt & alterum quod indicavere vetuſti narratores; &

hoc

hoc antea videbamus: *enusto monasterio*, inquit, *abductis* autem *sanctimonialibus* que illic in diebus illis deo *deserviebant*. Alii præterea scriptores attingunt aliquid undecimo quidem seculo: velut iis tempestatibus apud hanc ædem sexus uterque maneret habitu cultuque religionis. Accedit institutum hospitalis: eo mares ac foeminas ex aliis partibus accurrere juxta censebamus: & abbas utrumque locum spectabat hospitale monasteriumque simul: adeo videbatur habere debuisse ministros ac ministras, utriusque generis corporibus curandis. Ita ædes alia sub montibus Euganeis olim vocabulo *Sancti Elisæi*, deinde *Sanctæ Helenæ*, quæ Domus existimari poterat unum de minoribus apud nos hospitalibus, habuit custodes promiscui sexus, & erant ibi *Talia* foemina cum viro suo *Gislero*. Nam scriptum id post ea *Sanctæ Justinæ* primum de Patavinis in hoc ordine censetur anno millesimo centesimoque quinquagesimo sexto. Quibus, ut videtur, annis Patavinus eam pontifex priori hospitalis *Sancti Prosdocimi de Dobladino* regulam tradidit. Prior & fratres atque sorores ipsius hospitalis viginti quatuor *Pater noster* & duodecim *Venias* ad *Masutinum* decantent; & duodecim *Pater noster* & septem *Venias* pro quacumque de aliis horis. Et anno alio millesimo C. sexagesimo secundo *Monflicani* mei fundaverunt *hospitale in cibis* & *potibus* & *refectionibus pauperum*; id autem instinctu religiosorum hominum ac mulierum, causa vero *charitatis*; in necessi-

ratibus, inquam, pauperum & etiam aliorum Christianorum hinc inde transeuntium.

XIII. Quas etiam causas aut alias ut interim suspendamus, aliquid habeo tamen hac in re majoribus argumentis antiquitatis, ut hæc intendi parumper oporteat. Nam de monasteriis antiquis, ut eodem testō maculos ac fœminas ad servitium dei continerent, hæc historiæ pars eruditos homines amplius afficit in dies. Post meas quidem curas amici maxime nostrates in has observationes acrius incitabantur; ut præteritis quoque mensibus a Veneto viro libellus & ederetur, & inscriberetur is mihi. Patuit eo quam vigeret hæc sexuum communitas in iis admodum locis ubi nemo sperabat; & est in monasterio Sancti Georgii majoris; id autem seculo XIII. Quod ego vestigium sequens inter eas tabularii chartas altius evadere potui; dum vel anno millesimo C. septuagesimo *Gardefana domno Dominico monacho & Diacono Sancti Georgii, do sibi, inquit, & per te ipsi monasterio omnia mea bona mobilia & immobilia seseque movencia, una cum mea persona, que habere visa sum in finibus Saci: predictas res tibi domno Dominico & per te predicto monasterio, una cum mea persona, do cedo confero. Signum predictæ Gardefane que cartam fieri rogavit, & se & sua deo dedicavit.* Ut has formulas novimus ingrediendæ religionis. Ac se mihi simul obiciebat ex archivo Castellano Venetiis *Auliverus* apud Sancti Ci-

pria-

priani monasterium *conversus* adhuc anno MCCXVIII. sed ante *viginti*quinque plus annos ait videre se *monachos* & *monachas* & *conversos morari in dicto monasterio*. Quæ *Malfatus* item *conversus* enarrabat, a *viginti duobus annis* & *plus*: & *monasterium habet monachos*, & *conversos*; & *multi sunt*, inquit; & *multe converse* & *monache*. Post, erant in urbe Venetiis etiam Fratres Sancti Salvatoris accipientes aliquem fundum piorum dono, simul ea conditione, receptarent in sua Canonica *Mabiliam* foeminam inter alias sorores, eique victum ut aliis ministrarent. Hincenim ex eo chartario monumentum est. Quæ cum se proxime darent, & se mihi velut uno tempore darent ex alienis exemplis, ut ea diligentius advertere cœpi; quamvis ego tot ante de nostris, alii de suis hac illac invexeramus; id intellexi, morem societatis ejus in his viciniis, ultra quam quisquam nostrum crederet, invaluisse per ætates etiam vetustiores.

XIV. De monasterio autem Sancti Zachariæ patrum earumdem quædam mihi ante hoc tempus excerpteram brevia, quæ præsertim tenerent etiam de nostratibus historiis. Ita conversos in eo loco primos animadverti; Gerardum scilicet anno millesimo C. octuagesimo quinto; Johannem de Mestre millesimo C. septuagesimo sexto; Jambonum, Zambonum, Johannem-bonum sexagesimo sexto, septuagesimo quarto, septuagesimo nono. Conversi monasteriorum, simul habita-

tores

tores erant: & conversi viri, monachique, conversæ
fœminæ, monachæque grex unus habebantur & aleban-
tur in domo Sancti Cypriani Venetiis, ut advertimus.
Ordines hi quatuor unum quasi corpus effecerant in eo
monasterio masculæ potestatis; ut apparet in hoc etiam
loco fœminæ ditionis. In hac enim æde Sancti Zacha-
riæ ponimus & monachas eas, & conversas, & hos ad-
eo conversos; hætenus ordines tres: quartus erant sa-
cerdotes. Hi notantur anno millesimo centesimo LXIII.
Sacerdos Bonifacius; idem centesimo sexagesimo tertio
presbiter Bonifacius. Est anno eo quoque millesimo C.
sexagesimo tertio Sacerdos Pancratius; anno millesimo
C. sexagesimo tertio presbiter Pancratius: idem conti-
nenter anno millesimo C. quadragésimo octavo Pan-
cracius usque millesimo C. septuagesimo; aut aliis.
Anno præterea millesimo C. septuagesimo primo sa-
cerdos erat ibi Johannes; & anno septuagesimo tertio
Johannes ibi presbiter: anno millesimo C. septuagesimo
quarto, deinde quinto, denique nono vel aliis idem
sacerdos; ac presbiter idem Johannes. Ut conversos
tres, habemus ex ea familia sacerdotes tres.

XV. Atque ex actis S. Georgii majoris Venetiis ob-
servatus est ritus ut se fœminæ dicarent virorum san-
ctuarii, exemplo bono Gardefanæ quæ fuit anno mil-
lesimo quidem centesimo septuagesimo. Nunc de San-
cti Zachariæ monumentis extabit formula quum se vi-
ri domo sanctimonialium devoverent. Ita millesimo C.

septuagesimo quinto *Jobannes de Marmoseto de loco Montefilice offertor obtulit & peciam unam de terra cum vinea campum quoque unum de terra aratoria, nonnullos olivos: & ipsemet in manu sacerdotis vice abbatisse promisit obedienciam.* Joannes hic apud eas monachas ita cenebitur, ut Gardetana penes eos monachos: atque adeo quę se scēminę sancti Georgii viris, & qui se viri dedicavere sancti Zacharię scēminis, eodem tempore seque suasque res offerebant: omnes militari more sarcinas in agmine religionis habent. Id enim faciunt & sacerdotes ad locum Sancti Zacharię; quod abbatissa testatur; anno millesimo C. sexagesimo quarto; se recepisse priorem Ispidę, *presbiterum quoque Bonifacium ejusdem canonice professum, & eos cum servitore eorum tribus annis retinuisse dicebat: in quibus plura consumpsisse, quam derulerant, fatebantur.* Ex eo tamen ortum dissidium est; & abbatissam retinere sibi presbiterum Bonifacium, retinere bona canonicę prior Ispidę queritur. Eam controversiam judices ita composuerunt. *Nos paupertatem illius prioris intuentes, & supradicti loci desolationem, rogavimus abbatissam, ut universa mobilia que apud se habebat eidem priori redderet; & insuper solidos centum veronensium sibi persolveret.* Reddidit abbatissa, persolvit. *Et jam dictus prior de omnibus finem fecit, & superscriptum Bonifacium servicio superscripti monasterii dereliquit.* Si non id erat edis Ispidę malum, sua pręsbytero Boni-

facio

facio dos apud Sanctum Zachariam manebat. De chartis iis habetur anno millesimo C. septuagesimo tertio puella nomine Perpetua, quæ vineas & agros offert Sancto Zachariæ. De chartis Patavinæ sedis occurrebat anno millesimo C. octuagesimo quinto Rolandinus olim filius Marchysini de Vicoaggeris offerens opes suas monasterio de Camposyon. De chartis etiam Veicetinis erant anno millesimo C. tricesimo Siligunda mater & filia Maetilda resignantes omnino villas suas ei monasterio Sancti Petri. Propositum religionis eas donationes extorsit. Ac de iis iterum aderit. In summam ritus is offerendi sui formulas & continet offerendi sua.

XVI. Locum perficiendi ritus ejus in his etiam chartis adspectabamus. Ut anno M. centesimo septuagesimo Gardesana viris Sancti Georgii se prorsus & sua devovens id æstibat apud nostros Saccentes *in Capite Vico in domo presbiteri Yonarbæ*. Millesimo C. septuagesimo quinto Johannes de Marmoseto foeminis Sancti Zachariæ se suasque res tradens & obedientiam promittens, id agebat *in Montefilice sub porticu domus proprie monasterii*. Circiter anno millesimo CLX. se recepisse profitetur abbatissa presbyterum Bonifacium cum bonis suis ad monasterii servitium: quæ res agi tamen extra claustrum videtur, & in Montefilice. Millesimo C. septuagesimo tertio Perpetua foemina Sancto Zachariæ dedicatur, & *in manu* ponitur *abbatise*: quod actum *in Montefilice feliciter in domo propria*

jam

jam dicte abbatisse: Millesimo C. octuagesimo quinto Rolandinus de Vicoaggeris monasterium de Campolyon professus est *prope villam que dicitur Galera, sub ro-veris illius loci in districto Padue*. Millesimo centesimo tricesimo Siligunda mater, & filia Maſtildula Sancto Petro Vincentino spondent: & actum id in villa *Rassaga*; in casa habitacionis Litulſi de *supraſcripta villa filii quondam Aldardi*. Mares ac ſceminæ, quotquot hic profitebantur, omnes votum religionis extra locum religionis emittunt.

XVII. At eorum votum alia simul amplectitur atque alia. Quippe Gardefana de se refert: *mea bona mobilia & immobilia ſeſeque movencia una cum mea persona predicto monasterio rursus una cum mea persona do cedo conſero. Que ſe & ſua deo dedicaviſt*. Alter est Johannes de Marmoleto, ſe cum bonis ſuis donans; & ipſemet in manu ſacerdoſis, vice abbatisse promiſiſt obedientiam. Tertius est ſacerdos Bonifacius ad Sanctum Zachariam cum bonis ſuis confugiens: ac ſuus olim dominus eum ſervicio *ſupraſcripti monaſterii dereliquiſt*. Quarta fuit puella vocabulo Perpetua; de qua pater ejus extm dedicans ait, *ibi & cum illo religioſo cetu & ſantiſſimo loco ad dei ſervicium & omnium ſanctorum permanere, & ad obedientiam dicte abbatisse omnibus diebus vitæ ſuæ decrevimus*: ideo dono *ſeptem pecias de terra*. Suam vero filiam in manu abbatisse obrulit. Quintus erat Rolandinus de Vicoag-

geris: & prior de camposyon, & ipse Rolandinus confessi & proestati sunt, ipsum Rolandinum nondum ingressum fore monasterium de Camposyon, neque se vel sua deo ibi adhuc optulisse: set ideo hoc facere, quia ibi se volebat amonachari, & deo reddere. Sexto loco notabantur eę foeminę duę Siligunda mater & filia Matildis: dederunt in finibus villę Rassagę mansos septem, cum Capella, & advocacione ejusdem Capellę, & marigentia, & annuibus utilitatibus. Ideoque & ipsa Siligunda, & idem Litulfus suprascriptam Siligundam jugalem se ipsam cum filiola sua Matildula obtulerunt advocatori monasterii Sancti Petri ad monachicum habitum, & ad serviendum deo, & suprascripto monasterio quousque ipsa & filiola vixerint.

XVIII. Quibus in chartis oblationem fui primo videas, obedientiam deinde, servitium tertio, quarto perpetuitatem propositi, quinto monachicum quoque nomen, & habitum ultimo. Sic enim sex eę pergamenę conlocatę fuerant. Et ex iis alię paria ferebant aliis; ex quo simul illustrabatur: omnes autem alia aliam explent; eęque sex unam faciunt. Hoc itaque votum virorum foeminarumque fuit, de quo dicebamus. Hę formulę quas exhibuimus aut longiores, aut breviores idem continent, atque eodem sententias aliam post aliam trahunt. Harum professionum velut gradibus, quod laureatos nostros mos amat dicere, collegium tenebant ea tempestate viri foeminarum, foemi-

ne virorum. Sed ego de Conversis initio proponens in alios ordines abii. Quod etiam patior. Hunc enim distinguere prorsus ab aliis omnibus hac in parte non sinebant ambiguae multae voces. Et alia magis erat causa: quod hunc a ceteris ita distinguere non ex hoc capite prorsus erat necesse. Venerint, ut volunt, omnes iisdem conditionibus, aut modis; maxime cum videantur omnes agere: post iisdem conditionibus & pactis.

XIX. Quod nunc instat. De Gerardo Sancti Zachariae converso notatum fuerat initio disputationis. At M.C. septuagesimo quarto *Gerardi* nomen apparebat, ut *missi sanctimonialium predicti monasterii*. De Zambono quoque converso multa ferebantur a nobis. At M.C. sexagesimo sexto locus est *missio eiusdem monasterii Zambono simul & converso*. Itaque conversi nostri titulos suos habent. Hunc sacerdotes etiam tulerunt. Et anno M.C. septuagesimo quinto commemoratur *ecclesia & monasterium sancti Zachariae cum missio suo Iohanne sacerdote*. Nam millesimo centesimo LXX. sermo erat de *presbitero Pancratio missio abbas* *monasterii sancti Zachariae*. Scilicet hoc anno *presbiter iterum Pancrati*us adest *rector & gubernator monasterii Sancti Zachariae missus in Montefilice ab abbate* *missa & a suis sororibus, ad regendum res ipsius monasterii de eodem loco*. Quae simul ex chartis ante erant, anno M.C. sexagesimo; deinde centesimo sexagesimo secundo; tertium centesimo LX. quarto; *tui commissi*

sum & jussum est ministrare & regere monasterii Sancti Zacharie predia & jura Montissilicis. Hoc itaque ministerii genus apud missos eos fuit. Ac titulus is quidem sacerdotes & conversos æquaverat.

XX. Pancracii sacerdotis alius indicatus erat titulus; & hic *rector*; ut apparet eo documento. Ceterum Johannes alter ex iis sacerdotibus idem *rector* est abbatissæ, monasterii, ecclesiæ anno M.C. septuagesimo primo, tertio, quinto, nono, reliquis. Age conversos: & ii vocabulum rectoris ostentant. Anno MCLXXXV. *sibi Girardo converso & rectori in montesilice monasterii Sancti Zacharie Venecie.* Rursum anno MCLXXIV. *Zanbonus & conversus est, & rector.* In hoc igitur ii sacerdotes iique conversi pares etiam sunt. Alio præterea titulo censebantur ii sacerdotes adversus ædem Sancti Zachariæ. Quippe M.C. septuagesimo nono dici videbam *Johanni presbitero ministro & rectori monasterii & ecclesie Sancti Zacharie.* Qualis anno usque MCLIII. *Pancratius sacerdos minister monasterii Sancti Zacharie de Venecia.* Qui Johannes aliis idem annis & presbiter & minister: ac Pancratius annis aliis aliisque presbiter & minister. Ex altera parte conversi nostri se ministros appellabant: & habes anno *mill. cent. LXX. nono Zandonum conversum ministrum ac custodem monasterii Sancti Zacharie Veneciarum.* Prorsus & hac appellatione valent idem sacerdotes atque conversi. Ministrum Sancti Zachariæ Pancracium at-

que

que ordinatorem charta fert anno M.C. sexagesimo secundo. Ministrum deinde Sancti Zachariæ Pancracium & procuratorem charta dat anno M.C. quinquagesimo nono; semel, iterumque. Velut anno millesimo C. septuagesimo, quem vidimus, idem Pancracius est rector, & gubernator monasterii Sancti Zacharie. Videas & anno MCXLVIII. vocari *presbiterum Pancracium legatum Sancti Zacharie*. Denique communi vocabulo ministeriis iis omnibus anno MCLXIII. declarari *presbiterum Pancracium ejusdem monasterii servitorem*. Videbamus & anno MCLXXIX. *Zambonum conversum* appellari *ministrum Sancti Zacharie*, præterea *custodem*. Quod & anno millesimo C. nonagesimo quarto; *Zambonus custos domus Sancti Zacharie in Montefilice*. Quandoquidem conversi nostri sacerdotesque diversis officiorum similibus vocibus alternabant. Ita sacerdos alius anno MCLXXIII. Johannes aliam *dispensatoris abbatissæ* notam sibi vendicat: eam quidem sibi Zambono quoque converso promiscuam tenet: ordo uterque *dispensatores & rectores abbatissæ* vocabantur. Id infra conveniet.

XXI. Interim, quæ de monumentis iis aperiebamus hætenus, ea si diligenter attendimus, advertere nos faciunt, ordines duos alterum sacerdotes, alterum conversos intra monasterium Sancti Zachariæ non ita distinguendos, ut nostris moribus: aut alios haberi tamquam dominos, alios ut servos. Ibi multum sociata

tis

tis ab utraque parte, multum similitudinis; auctoritas in administrando par: & hinc aut hinc ingenuorum species erat: honestis in deo foeminis æquali sorte videbantur adesse. Nam de testimoniis eorum tenemus & alia quæ magis ac magis inclarescebant a superioribus observationibus. In primis anno MCLXXIII. prædicantur eo modo *Johannes presbiter*, & *Zambonus conversus socius* & *frater illius seu dispensatores* & *rectores abbatisse monasterii Sancti Zacharie situm Venetie*. Nunc eos & sacerdotes & conversos habemus, ut socios ac fratres: & hæc apud homines eos vocabula quantum valerent amplius agnoscimus, ex quo consuetudines eorum, quid essent, acrius inspicimus.

XXII. Anno M.C. sexagesimo sexto *Jambonum* lego *conversum* & *fratrem monasterii Sancti Zacharie*. Sed eo tamen anno alterum id indicium est: *trado monasterio* & *ecclesie Sancti Zacharie Venetie per misso* & *fratri ejusdem monasterii Jambono*; *pro misso suo Jambono* & *converso*: *accepi a jamdicto monasterio* & *abbatisse per misso* & *fratre suo Jambono*. Certe millesimo C. septuagesimo primo transiit *abbatissa cenobii Sancti Zacharie Veneciarum consilio fratris sui Johannis sacerdotis* & *rectoris*. Et anno C. septuagesimo quinto de *monasterio Sancti Zacharie cui venerabilis abbatissa præest pro misso* & *fratri suo Johanni sacerdoti sive rectori*. Millesimo autem C. septuagesimo stat ei *monasterio*, *domui*, *abbatisse*, *pro fratri* & *ministro suo*

Pan-

Panbracio. De quibus instrumentis etiam conversi contendere esse fratres abbatissæ: nam sacerdotes hi duo manifestiores in eo sunt. At conversi, qui fratres erant sacerdotibus abbatissæ fratribus, abbatissæ fratres esse debuerunt. Hoc igitur intruere convenit, anno MCLXX. qui fratres erant hi *monasterio & domui Sancti Zacharie, tam abbatisse, & suis fratribus, & sororibus*. Ex aliis enim scriptis aliquid habetur evidens: anno MCLXIII. mense Januario, *abbatissa per consensum & consilium habitum a suis sororibus, & fratribus, scilicet a Tenda prioressa, atque Dunichana, Gibelina, & aliis monachabus; & a Pancratio, & Bonifacio sacerdotibus*: hoc item anno, mense Februario, *abbatissa monasterii Sancti Zacharie de Venecia consensu suorum confratrum, Pancracii & Bonifacii presbiteri, seu sororum, scilicet Tenda prioressa, Agistrata, & Dulichana, & aliarum*. Memini cum dicebamus, in domo Sancti Salvatoris Venetiis habitare sorores apud eos fratres: in hac autem eade Sancti Zachariæ dicuntur eodem vocabulo, Fratres, habitare causa religionis apud sorores.

XXIII. Ita collegium S. Zachariæ Venetiarum descripsimus: eam vero descriptionem prosequeremur opportunis ab uno sacrario tot instrumentis: & hoc etiam quæstioni, quæ tractabatur admodum conveniens erat, expositis eorum simul hominum casibus atque muneribus. Additi viri foeminis, & additæ foeminæ viris eodem clauistro, altera pars alteri bona fuit: cultum dei,

mo-

mores honestos, domesticas opes invicem curabant: foeminae viris, & viri foeminis uno loco, fraterna velut æqualitate censer; non tam sacerdotes, eo quippe gradu; sed hi quoque conversi, nunc indecoro nomine: tum videntur his, ut iis omnia, præter honorem sacerdotii, communia: ceterum ordo uterque, missi, rectores aut gubernatores, & ministri, legati, custodes, honestaque significatione servitores, procuratores, ordinatores, dispensatores, immo socii, fratres abbatissæ, monasterii, sororum: fratres earum sororum studiis intendere: viri foeminae simul uno consilio, voto, consensu negotia communitalis administrabant.

XXIV. Hi quoque fratres, & qui negotiosiores habebantur inter eos, hominum talium solito, vagantes erant, atque extra monasterii lares; alii finibus regundis impositi, multos annos obtinebant. Pancracius anno M.C. quadragésimo octavo, quinquagesimo quarto, septimo, octavo agit in montesilicis; anno alio in Caladne; C. sexagesimo quarto Venetiis, & C. septuagesimo: atq; anno hoc etiam Patavii; ut centesimo quoque sexagesimo nono: aliis iterum annis in Montesilice. Presbyter etiam Bonifacius anno M.C. sexagesimo tertio notatur in Montesilice. Johannes & sacerdos anno C. septuagesimo primo, tertio, quarto, quinto, nono prorsus in Montesilice fuit. De conversis. Anno millesimo C. septuagesimo quarto Girardus in urbe Patavii: millesimo C. octuagesimo quinto manet

in

in Montefilicis. Alter est Johannes de Mestre commemorans anno M.C. septuagesimo sexto Patavii. Tertius anno MCLXVI. Jambonus in Montefilicis; anno C. septuagesimo primo Venetiis; aliis annis aliisque Montefilicis habet. Quo vocat necessitas, eo se transferunt officiales. Id ex eo quidem seculo fuit; ex nostro quoque est.

XXV. At non erat id ex nostro quod ex passim chartæ designabant. Abbatissa monasterii Sancti Zachariæ vagatur iis ætatibus extra monasterium, procul a Veneto ducatu, nonnumquam sedens in prædiis suis Montefilicanis; ibi res, hominesque monasterii componens. Id anno M. centesimo LVII. spectaculum fuit: abbatissa cum sororibus suis ad *villanaticum supradictos villanos investivit*: actum in jam dicto loco Montefilicis. Eadem spectabatur in Montefilicis anno C. sexagesimo secundo. Præterea C. sexagesimo tertio mense Januario *abbatissa cum suis sororibus, Tenda prioressa, Dunichana, Gibelina, Praxina, Agistrata, Mariota, Richelda, Merenciana*; cum *suis fratribus Pantratio, Bonifacio sacerdotibus*: atque eo iterum anno, mense februario *abbatissa consortio suorum confratrum Pancratii, Bonifacii presbiteri*; seu *sorum scilicet Tenda prioressa, Agistrata, Dulichana, aliarum*: scilicet ea sanctorum sanctarumque cohors extra Sanctuarium longis itineribus intenderant. Anno rursus eo, ac mense Octobris ab *abbatissa nostra* suisque fratribus

M

& fo-

& fororibus actum in Montefilice feliciter. Anno quidem C. septuagesimo primo vivitur in Montefilicis; anno C. septuagesimo tertio, actum in Montefilice feliciter, in domo propria jam dicta abbatissa ubi jamdiu Menaboi de jam dicta terra & vinea & olivis jam dictam abbatissam investivit, & jamdictam suam filiam in manu sua obtulit. Anno denique mill.C. nonagesimo nono, dna Calandra monasterii Sancti Zacharie abbatissa, presentibus & assensientibus dna Solismerra, & dna Agnese, & dna Valuina ejus fororibus investivit Stephanum de Sartore. Actum ad domum Sancti Zacharie in Montefilice. Qui sacerdotes & conversos ita mirabatur ut errantes & a monasterio suo vagos, amplius abbatissam loci spectet easque sorores claustris egressas atque eo more palantes alienis oris ac provinciis. Nam sede mutata nec eum saltem modum servabant, ut alibi sedem tenerent: at diu novaeque per colonorum suorum domos etiam devolvebantur. Eorum quippe libellis apponebant eas pactiones: ut anno millesimo CLX. & si opus fuerit pro abbatissa, vel forte per hospites, debent accommodare unum lectum: vel anno millesimo CLXII. commodare debeant eis lectum avensu abatisse, vel advocatoris, vel succurrentia hospitum; aut proprie domum preparata si habebunt. Sic abbatissae recipi amant, ut quivis alius apud suos rusticos. Et habeo testes ab alia parte ferentes ea circiter anno MCL. quod abbatissa venit

Stra-

Stradam, & albergavit ad domum meam, & jacuit. Alius ex iis hominibus hæc etiam distabat: *abbatisse de Mognano veniebant Stradam; quod erant recepsse bene: & erant domine de suo.* Exscripseram hæc de Molgnanis ad templum maximum Patavinorum.

XXVI. Sed eo jam venimus explicationibus his nostris, ut claustrales virgines eo quidem tempore multum publicæ lucis haurirent; in hominum frequentia versantes, ut matronæ graves, ita debebant: & scæminæ masculis, & mares scæminis eodem contubernio jungebantur. Is omnino convictus erat sanctorum dei fervorum servarumque, qualem populus aliquando maledictis proscinderet: ex eoque genere ferebantur hi versus duo Nigelli poetæ procacis: ita ait.

Quæ pastoralis baculi dotatur honore,

Illa quidem melius fertiliusque parit.

Hæc erat autem ex Ultramontanis. Et alias in iis partibus exeuntes e monasterio sorores, ac nostrarum more pergentes in villas suas etiam petulans vulgus infectabatur, ut habent Chronica Montis Sereni: *con-
sueto laicis more loquentes dicebant, moniales illas a
monachis stupratas esse, quibus jam pariendi tempus in-
staret.* Apud urbem quoque nostram ultimis adhuc ætatibus, annoque millesimo CCC. octuagesimo octavo monasterium duravit, in quo simul habitaverunt usque ad tempus presens mares & femine, monachi videlicet & monache, rectum & gubernatum hactenus per

priorem, quamvis essent in eodem plures moniales, & quedam nomine & sine jurisdictione seu potestate aliqua abbatissa; & ita duplex fuerat usque ad tempus presens: ex qua duplicitate communione, & cohabitatione sepe fuit popullo scandalum & offendiculum generatum, tum propter pericullosam sexuuum commissionem, tum etiam propter prioris cum monialibus inonestam conversationem, & maxime anno presensi per prolis de moniali dicti monasterii & in dicto monasterio nosoriam & manifestam susceptionem: tum denique propter prioris & priorum mala & inbonesta regimina, cum concubina & concubinis in dicto monasterio habitatione continua. Quod habetur ex autographis hic in archivo S. Georgii nostratis.

XXVII. Hæc ante suspendi cum dabam libellum meum de Sancti Petri Canonissis. Quæ tamen eo tempore vulgaveram satis exilimata sunt argumento quod intabatur: eo modo Muratorius alique iudicant; ut editis eorum testimoniis apparet. Aliqui nondum credunt, & adversi moverunt, ut Camaldulenses. Unum ex quibus audiebam postea testantem, se scripsisse coactos. Id autem puto: nam dicunt ii mihi. Deinde quod eos in aliis etiam video nonnihil opiniones hominum æstimare vel autoritates: nec eorum pravum consilium est, at historiarum damno. Præter amicos hos meos alii præterea dicebant aut scribebant; & sibi verba jactabant. Ultimo veniunt aliqui Vero-

nen-

nenses: in qua solebant urbe censei capita civium præclaris ingeniiis historiæ tractandæ. Tamen hi, quos attingo, cujuscunque modi sunt homines, habent apud se chartas nonnullas quæ tenuem parietem ponunt inter hæc ancillarum famulorumque dei tabernacula. Verum ex meis observationibus accipe qui modo parietes nostri forent. Nec ego de factis nostratibus aliena commentor.

XXVIII. Ea negotii facies apud nos erat. Adveniebant hæc foeminæ maris ac terrarum discrimine; sedes & loca mutabant; antistita cum fororibus: habebant & focios fratresque suos: aliis hospitiiis atque aliis excipiebantur, aut in castellis, aut in agris: ita mixtæ conspicuæque mortalibus omnibus, ut mares omnes solent, ut aliæ foeminæ solent. In hoc itu redituque congressu atque conspectu virili, credo, murus aberat: eo more multum anni tempus assuecebant. Ex quo videntur in suum deinde monasterium collectæ collectique fratres ac sorores aliquid ex ea consuetudine servare, nec ex opinionibus horum Veronensium vivere. Tam familiariter agebant; in iis quos significabam quidem locis; ut abbatisa frequens pareret, ut sorores uterum continuo gestarent, ut notoria prolis intra monasterium susceptio fieret; ex ea duplicitate, communione, cohabitatione, commixtione. Sic enim Patavini pontifices olim scripto publico declaraverunt. Hæc eram præteriens in anteriore scripto meo; quod

edi-

edidi: simul avertens eos jocos a populari sermone, quo tum tractatum fuit: insuper existimans indicio prodito fatis esse curiosis, ut alia quærerent. Ideo Matthæium videre volentibus indicaveram: quod ineditum de meis erat, addidi, Veronamque transmissi. Nec Matthæium legerunt, & adversus eum scripserunt; & instrumentum Patavinum corruperunt. Indociles ac falsarii non habent sensum nostræ artis; impudentiam vero suam pro victoria quadam celebrant: audent & annales eos ornatissimę civitatis, ingens opus & grave doctis & probis.

XXIX. Huc ego decurri scribendo quo non initio proposueram, vel admodum videbatur oportere. Nam de Sancti Zacharię monasterio tantum placebat hoc obtinere, masculos ac fœminas ibi commorantes: id autem fieret appposito seu deposito pariete, parum intererat. Alia nos inter has inquisitiones observatio potius excitabit; in hac æde, quemadmodum apparet ævo duodecimo, consedissee mares ac fœminas etiam seculis Ungaricis. Igitur anno DCCCCXCI. dux Venereticus Tribunus *infirmisate confectus monachus ordinatus est in monasterio Sancti Zacharię*: quæ Dandulus asseruit. Et fides additur ei de memoriis a me quoque propositis hætenus. Hæc itaque domus habet viros apud fœminas iis circiter annis cum Sanctæ Justinę locus habuit fœminas apud viros; ut nostri putant.

XXX.

XXX. Ac mihi dum librum de Canonissis instruerem, satis erat exhibere posteriores ætates ævo tertio-decimo, quarto quoque decimo; quæ tunc argumenti conditio ferebat. Aliquid ultra vix ego promovi; quamquam de vetustioribus haberetur: at ut supervacaneum dimisi. De monasterio autem Sancti Petri, quod amplior opportunitas erat, indicatus est anno millesimo C. octuagesimo septimo *Petrus converso*. Qui fuit anno pariter octuagesimo nono *die XIII. Julii; actum Padue in prefato monasterio; testes Petrus conversus*. Intra monasterium conversos habitare cum sororibus ante videbamus: hic unus ejus ordinis inter eas agit. Aliud est monasterium Sancti Stephani, de quo veniebat anno MCLXXX. *presbiter Goncius ejusdem monasterii amministrator*. Hoc enim munus officiumque non ex hodiernis institutis adspectandum fuerat. Antiquis moribus hi dispensatores ordinatores administratores, aut alia appellatione, quod observavimus, eo loco quo conversi manebant apud Sanctas dei famulas. Archivum Patavinum Sancti Mattiæ dat monasterium tertium, quod est de *Salarola; Beatissimæ Margareta Virginis & Martyris*: anno M. centesimo septuagesimo nono fundatur ab pontifice nostro Gerardo; traditur autem sanctimonialibus. Atque *episcopus qui tunc temporis fuerit, non debet dare rectorem illis dominabus, neque dare ullum hominem qui cum eis habitent, illis inuvis, nec presbiterum, neque clericum,*

neque

neque ullum alium, nisi ad voluntatem earum. Sic eo loco statuitur. Adeo certum fuit ibi masculos ponere juxta fœminas, ut ea de re cum religionis antistite pacto conveniretur. Omnino fœminæ Salarolates apud se viros volunt; ac sibi placentes volunt. Habetur Ispidæ monasterium quod autore vetusto fertur in annos ævi duodecimi. Præterea Sancti Benedicti monasterium cœpit anno MCXCV. de vulgatis annalibus. Horum utrumque dedit mares ac fœminas diverso tempore; cum se latius extendere chartæ cœperant: id autem alio post sæculo fit.

XXXI. At satis hic erat in promptu de tempestatibus iis a quibus ævum longius auspicaremur. Hoc enim video. Post ea quæ de promiscuis utriusque sexus habitaculis in antecedenti vulgavimus opere, quantum pertineret ævo decimoquarto, aut tertiodecimo; post hæc etiam quæ novum nunc studium comparaverat obvia seculo præsertim duodecimo; post illustratas ex nostris ex finitimis populis harum successiones ætatum, rerumque vices; ex eo animus ingrediebatur in antiquiores aditus: & de factis adeo probatis in alias admodum probabiles inductiones ibat. Accedit auctoritas undecimi quoque seculi. Nam de templo Sanctæ Justinæ proditur anno MLII. marmoreum sepulchrum, quod eum titulum haberet: *Hic est sepulchrum Felicis illustis femina deo devota, sacro velamine dedicata que die noctuque in dei servitio persistens in celis suscepta est.*

Aſto-

Actorum series omnis habetur in his bibliothecis, & bonis codicibus: immo prolat in hoc libro cum ceteris dissertationibus. Ergo reliquum est seculum decimum, de quo Patavinus historicus enarrabat, Ungaricis direptionibus abductas ab eo monasterio sanctimoniales. Autor hic prisca fide, principium seculi duodecimi tenebat; ut indicio suo coarguitur. Ab hac autem ratione momentum simul aliquod obveniebat æstimandæ quoque dignitatis historici nostri. Nam de Dandulo videmus, ejus in hac parte dictum valere; nec haberi pro falso quod ait, virum principem seculo decimo indutum monachum apud fœminas monachas; etsi narrator infimi temporis ad ea quæ parabantur in hoc ordine. Scriptor autem Patavinus ea de seculo decimo commemorans imminet iis ætatibus. Adde loci scrutatorem, atque adeo incolam; quod ædem Justinæ suæ describens; *banc, ait, basilicam nostro tempore vebemens terremotus quassatio funditus diruit: & aliam nos in locum ejus non bene consimilem substituere coegit*: anno post millesimo centesimo septimodecimo. Tandem res hæc omnis ab omni parte probabilitates eas obtinebat, ut appareat ex vero scriptorem Patavinum dixisse, tempore barbarico sanctimoniales fœminas habitare cum sanctis viris intra monasterium Sanctæ Justinæ.

XXXII. Quam mansionem ideo virorum, sin & historici velint, etiam fœminarum, Gauslinus anno eo

N

non-

nongentesimo septuagesimo primo, mense Febuario, cum reedificaret, ædificaret, aut ædificare seu reedificare contenderet, eo convocabat optimates, eo pontifices urbis. Edicit in concione votum pietatis suæ; nam se de novo molimine cœlitus accepisse: rogabat autem omnes in hoc opus intenderent; id optimum factu fieri vellent atque juberent. Ita jusserunt ac voluerunt omnes: unde sacerdotum, cleri, fidelium consensu, juvante deo construximus cœnobium. De Murtorio verba sunt ad chartam anno septingentesimo nongesimo sexto; adverte eorum temporum mores, ait; consensiente sacerdotio & clero nostro, nec non ecclesiæ ipsius populo: dissert. XLIII. Certe Patavini clero cuncto populo, devote congregati rem tantam stabiliverunt incremento atque decori urbis. Et Gauslinus episcopus in dei nomine donamus & confirmamus ad monasterium Sancte Justine Virginis, & Prosdocimi confessoris, non multum longe a civitate Patavii ubi corpora sanctorum jacent: in primis ecclesiam Sancti Angeli prope superscriptum monasterium, cum casis & massariis, cum rebus que ibidem pertinent, cum quartis & decimis; cum loco qui dicitur Prato novo: & terras cum vineis ubi dicitur Rudena braidio monachorum: & unum arcum in flumine Rodronis ad Pontemolinum: & ecclesiam sanctorum archangelorum que est constructa foris civitate Patavi in loco Vancio cum suis finibus: & terram que vocatur Senodo cum suis finibus; idest quartis & de-

cimis:

cimis: ecclesiam Sancti Martini que est edificata in loco qui dicitur prope Montefilice cum casis & massariiciis que ibidem pertinent; seu servis & ancillis qui in suprascripto Montefilice habitant: & curtem unam in loco Tribano cum suis casis & massariiciis; cum quartis & decimis: seu in Pronomia; atque in Capite silve; & in Aere; cum quartis & decimis: & curtem unam cum capella que est edificata in honore Sancte Marie Virginis in loco ubi dicitur Maserata; cum casis, & massariiciis, cum quartis & decimis, & omnibus rebus quæ ibidem pertinent: & totam decimam quæ est in comitatu Vicentino, loco ubi dicitur Mansioni, cum capella ad honorem Sancti Galli, cum quartis & decimis, & aliis rebus: & ecclesiam ad honorem Sancti Georgii sitam loco Robolone cum terris & omnibus ibidem pertinentibus. Et totam decimam quam dare debent famuli Sancte Justine sive in montibus sive in vallibus. Hec omnia suprascripta volumus & confirmamus. Ait se donare sive confirmare, tamquam hæc antea monasterio data. Successores etiam præfules Ursus, Burchardus, Oudelricus, & Johannes, undecimo seculo, duodecimo, renovantes instrumentum Gauslini dare, donare, confirmare dixerunt: & hæc bona tradebant. Fuere tamen Romani pontifices etiam longis post ætatibus, ut de Tertio constat Alexandro, qui Gauslini pietatem celebrarunt.

XXXIII. Id scriptum ejus in præsentia firmabant &

propria manu signabant fratres ejus archipræbyter & sacerdotes alique viri canonici Patavinæ sedis.

Ego Martinus archipresbiter. Ego Johannes presbiter.

Ego Martinus presbiter. Ego Bonizo presbiter.

Ego Albericus presbiter. Ego Rochero presbiter.

Ego Dominicus presbiter. Ego Johannes presbiter.

Ego Rozo presbiter. Ego Redaldus presbiter.

Ego Johannes diaconus. Ego Andreas diaconus.

Alii veniunt homines ut testes; ex quibus unus est Liuprandus habens etiam titulum *Nobilissimi*: quales eo vocabulo dignitatis appellantur alii seculis iis.

XXXIV. In hoc instrumentum commentabatur eo modo Cavacius: *amplissima dona æque Gauslini liberalitatem, ac ea tempestate ditionem & opes insinuant ecclesiæ Patavinæ: neque enim universa hæc arbitror legata ex patrimonio Gauslini, præsertim quæ decimas & ecclesias habent. Sed eorum plura usurpato jure decimandi, & translatis jam ecclesiis a monachorum ditione desciverunt. Ingelberti abbatis velut nudum nomen ex relatis tabulis habetur; ita res ab eo gestæ obscuræ sunt. Cogimur tamen illum spectatæ sanctitatis & prudentiæ virum existimare, qui antistitis, cleri, ac populi judicio præfatus fuerit novæ monachorum familiæ, quæ majori exemplo egeret. Vixit post reparatum cænobium annos &c.*

C A P U T VII.

MXIV. Mense Februario.

Adest edictum Patavini præfulis Urſi pro monaſterio S. Juſtinæ memorabile rerum noſtrarum ſcriptoribus: in quo, vel errore vel arcano aliquo, notatur imperium cæſaris Henrici die ſecundo Februarii, quod eo mense diebus ultimis eſſe cæpit. Urſo Patavinorum pontifex dedit & confirmavit ei monaſterio S. Juſtinæ, S. Proſdocimi, S. Benediſti, pro *ſupraſcripto imperatore noſtro Henrico, pro ducibus, & clero populoque*; primum Sancti Angeli eccleſiam prope ipſum monaſterium, cum caſis, & maſſaritiis, cum loco qui dicitur Pratonovo. Tum terras cum vineis Rudena braido monachorum. Et molinos III. in fluvio Rodrone. Eccleſiam SS. Archangelorum foris civitate Patavii loco Vancio. Terram Senedo cum ſuis finibus, cum teratico, decimis. Eccleſiam S. Martini prope *pede caſtro* Montefilice cum caſis & maſſariciis: & ſervis, ancillis in ſupraſcripto Montefilicis. Unam cortem loco Tribiano cum caſis & maſſariciis: & in Pronomia, Capiteſilve, Aire. Cortem cum capella vocabulo Sanctæ Mariæ loco Maſerada, caſis, maſſariciis, & omnibus. Unam curtem comitatu Vicentino, loco Manſione, cum capella titulo S. Galli, quartis, & decimis. Æ-

dem

dem S. Georgii loco Robolone cum terris & decimis. Demum decimam totam quam dare debent famuli Sanctæ Justinæ.

II. Si chartas Urſi Gauslinique præſulum compares, eædem fuerunt: æquam donationem cœnobio Sanctæ Justinæ faciunt; ac verba fere communia ſunt; niſi quæ fortæſſe deſcriptores aliquando vitiabant. Hic ea ſe tamen Urſo dare ſcribit, incertum legentibus an primus ipſe daret. Ac de formulis etiam diximus ad Gauslini tabulas; & alibi. Nunc Urſi chartam firmabat ipſe pontifex Urſus; & Peraſtus archidiaconus; Anſelmus, Leoncius, Sigo, Albertus, Johannes, Io, Leo, Bonizo, Silbo, Johannes alius omnes præſbyteri, Bonizo diaconus. Hi duodecim canonico ordine deprehenduntur hoc anno ſervientes eccleſiæ noſtratium. Præter hos Eldinus eccleſiæ Patavinę præſbyter ac notarius hoc inſtrumentum condidit adſignavitque: factum in civitate Patavii in domo episcopali. Qua tempeſtate Johannes Abbas eam Sanctæ Justinæ familiam gubernabat. Abbates enim Joannes alii poſt alios habent id omne ſæculum quod eſt undecimum.

CAPUT VIII.

MXXXIIII.

Burchardi primum laudatur opus liberalitatis adversus monachos Patavinos. Ejus ea de re litteras indicat Cavacius, edidit ex parte Muratorius: atque eorum sententia est. Gauslinum construxisse monasterium Sanctæ Justinæ, Gauslinum posuisse viros ibi religiosos & præsidem dedisse, Gauslinum de bonis *episcopi* sui tantam donationem fecisse, quantam servi Dei pro suo victu satis haberent: quæ quibus omnia sunt accipiendi modis opportunius explicavimus. Addunt litteræ Burchardi: *post igitur Ursus episcopus, sicut multum vixerat, ita multum monasterium auverat*. Hinc datos ab eo narrat & molinos quatuor in fluvio Rotrone; datam quoque ecclesiam sanctorum archangelorum in loco Vantio, terram Senodo cum suis finibus & terratico; terras & vineas de Pratonovo; vineas de Rudena; simul ecclesiam Sancti Martini prope Montemsilicem cum casis & massariis & famulis qui ibi habitant; cum quartis & decimis: & massaricias de Tribano, de Pernomia, Capitesilve, Aire: curtem Mansionem in comitatu Vicentino cum capella S. Galli, cum rebus omnibus, & famulis, cum quartis & decimis. Hæc itaque Burchardus enumerabat ut ab Urso

quon-

quondam tradita: quæ tamen a Gauslino sunt omnia. Tantum præstat Urbi chartas & Gauslini conferre. Tum Burchardus ait se tamquam de suo dare ecclesiam Sancti Angeli cum decimis & quartis. Concessit insuper decimas de curte quæ dicitur Mazerata; & quartis: decimas de Corniclana, de Braida de palea, decimas de Cafamurata, de Vicoleonis, de Carpeneto, de Robolone; simul & clausura. Quartas eas Patavinas ait se Muratorius intelligere non potuisse. Nostrates autem Sacerdotes earum se profitentur esse calidissimos; & alio nomine vocari quarantesimas, alio quartilia. Pontifices etiam sequentis ævi memoravere *quartas & decimas quas Gauslinus, & Burchardus episcopi antiquitus concesserant*; ut ex litteris Alexandri III. Hanc autem decreti paginam se fecisse Burchardus ait cum *laudatione suorum fidelium clericorum & laicorum*. Certe subscribit Eldinus archipresbiter, Ino presbiter, Io presbiter, Marinus presbiter, Bonizo presbiter, Albericus presbiter, Rokero presbiter, Dominicus presbiter, Joannes presbiter, Redaldo presbiter, Rozo presbiter, Joannes diaconus, Andreas diaconus. Apposueruntque manus Joannes scutiker, & Bernardus, & Adam; tres hi testes.

CAPUT IX.

ANno MLII. de inventione Sanctorum Juliani, Maximi, atque Innocentium. Habent hanc inventionem codices duo: nec alter ante trecentos annos, aut alius ante quadringentos. Autor autem narrationis antiquum se profiteretur annis etiam septingentis: ait enim se præsentem fuisse cum ceteris inventioni sanctorum sanctarumque Dei. Nos ejus historiæ compendium damus ex Cavacio; nonnullis tamen in melius compositis; & additis iis, aut demptis, aut muratis, ut ratio vetustatis esset in conspectu. Nam Cavacius eo ordine persequitur annales domesticos.

II. Ad Joannem abbatem redeo, quem ex serie successorum liquet ultra L. annos monachis præfuisse. Sed neque prorsus jucunda fuisset vita diuturnior, si eandem multa solatia & divina beneficia non oblectassent. Sanctorum reliquias longa oblivione ignoratas aspexit, Leonem pontificem maximum hujus nominis nonum cœnobio excepit, & ab eodem donis quibusdam honestatus est. Interim *vir illustrissimus nomine Bernardus* *hujus episcopatus antistes erat*

Vir bonus, & rectus celesti dogmate fultus: amplissimum patrimonium in pauperum, & peregrinorum subsidium contulerat: idem ubique pravos hominum mores coercere, afflictis prodesse, ecclesiarum reparationi ac piorum locorum extructioni insilire. Eun-

O

dem

dem jejuniis, vigiliis, & orationibus frequentem scribit autor illorum temporum quotidie incruento sacrificio Domini Nostri Jesu Christi passionem recoluisse. Hujus labores æterna post obitum mercede compensandos etiam inter mortales voluit Deus spirituali solatio recreare.

III. Dormienti aliquando episcopo astitit senex, *vestis alba*, heroicam majestatem ac dignitatem ultra hominum conditionem præferens; asseruitque a Deo nuncium advenisse, ut quorundam sanctorum corpora ex abditis locis eruerentur, quæ congrua veneratione recepta Patavinæ urbi præsidio forent, eamque diris olim subactam propriis meritis expiarent. Inde visus Episcopus cum eo in templum Sanctæ Justinæ descendisse, jubetur locum inspicere inter aram sanctæ Dei genitricis, & sepulchrum beati Prosdocimi, ubi latebant corpora Sancti Juliani ac trium Innocentum, quæ idem sæpe pietatis causa Hierosolymam profectus Patavium retulerat. Inde senis ductu prope fores Oratorii ad lavam edocetur recondita esse corpora Sancti Maximi Episcopi, & Felicitatis virginis: mox senis aspectus, ac quies abiit. Sensit ex ea Bernardus agi divinam rem, quæ ab ipso omnium bonorum auctore majoribus adhuc esset obsequiis expetenda.

IV. Itaque communicatis quæ per quietem aspexerat clericis ac populo, etiam sacrum jejunium indixit. *Indictio autem jejunio, pueri, puella, juvenes, senes*

per

per triduum perseverantes, cilicium induentes, hymnos & cantus spirituales psallentes & decantantes, & cum processionibus euntes deum deprecari non cessabant. Triduo exacto idem ad templum Sanctæ Jultinæ frequens accessit, ubi Bernardus sacris operatus ad locum divina visione monstratum venit; prosternens se in terram prolinius orabat, atque Deum optimum maximum ad hæc sibi ac populo propitium deprecatus est. Cumque complexeretur orationem accepto rostro, indicata per quietem loca fodere cepit: & dum fodisset quasi pedes sex, reperit arcas marmoreas vitro clariores uncis ferreis firmatas, ex quibus odor suavissimus oratorium suffudit: & qui illic variis languoribus desenti aderant, sani effecti; & odoris refecti haustu Deum benedicere non cessabant.

V. Arcæ apertæ sunt: interea facta est intolerabilis lux per totam ecclesiam, ut nullus præ fulgore se perspicere valeret; & quasi per dimidium hora spatium velut mortui facti in terram prostrati iacuerunt. Splendore sublato surrexit Episcopus, & factu oratione reliquias accepit: ad quorum capita lapides erant, quorum unusquisque suum titulum retinens ira continebat: Hic requiescit Maximus Secundus a Prosdocimo episcopus, Qui Hujus Mundi Vitam Domino Tribuit Ut Sempiternam Habere Mereretur In Cælis. Alter vero sic retinebat: Hic Est Conditus Julianus Vir Christianissimus, Qui Cum Multis Vicibus a Sepulcro Domini

Reversus Effet , Et Tandem Tres Innocentes Secum Detulisset , Perrexit Ad Christum ; Quapropter In Unum Collocati Hic Requiescunt . Tertius ita profert : Hic Est Sepulta Felicitas Illustris Femina Deo Devota Sacro Velamine Dedicata Que die Noctue In Dei Servitio Persistens In Celis Suscepta EST . Inscriptiones uti eundem auctorem sapiunt , ita eandem ætatem ; nempe qua metu Barbarorum sacra corpora absconduntur . De B. Juliano præterea nihil apud nos est . Beatam Felicitatem scribit Ungarellus præfuisse monialibus cœnobii D. Justinæ . Sanctorum corpora decentius collocata tum multis miraculis coruscarunt , & plerique cæci, surdi, debilesque leguntur in actis evasisse ; multi etiam a dæmonibus obsessi pristinam quietem recepisse .

VI. Hæc igitur ex breviario Jacobi Cavacii ; quæ supplevimus ex manuscriptis iis duobus , ut diximus : adde tertium , sed admodum recens : atque ea sunt omnia de Patavinis tabulariis aut bibliothecis . Alia quæ supererant ex hac enarratione , parum diligenter habent hi nostri . Nam credunt iis manuscriptis in eo quod non convenit , non credunt in eo quod oportebat . Ungaricum papæ Leonis ajunt iter anno fuisse millesimo quinquagesimo tertio : sic acta ferunt : id autem credi non debuit . Ajunt etiam Leonem fuisse Patavii postquam iter Ungaricum expleverat : acta sic adscriperunt ; antequam fusciperet : atque id credi debuerat .

Omni-

Omnino series ea narrationis in hac parte. Verba manuscriptorum duorum seu trium damus.

VII. „ Interim vero dum hæc agerentur, accidit
„ divina providente clementia, ut beatissimus papa
„ Leo Romanæ sedis apostolicus per Pataviensem ci-
„ vitatem in servitium Sancti Petri apostoli ad sub-
„ jugandum non hostiliter videlicet, set illorum spon-
„ te Ungaricum sibi regnum iter arriperet, a Bernar-
„ do honorabiliter episcopo est susceptus. Et cum apud
„ eum paterna dilectione per duos dies maneret, in-
„ vitatus est ab eo ut in ecclesia Sancte Justine Vir-
„ ginis, ubi corpora sanctorum venerabantur, sacra
„ misteria populo celebraret, ac civitatem, quæ anti-
„ quitus anathematis vinculo complexa dicebatur, san-
„ ctificaret. Qui reverentissimis ejus precibus adque-
„ scens, collecta in unum multitudine clericorum, &
„ laicorum scilicet totius circumjacentis episcopatus,
„ missam devotissime celebravit in ecclesia Sancte Ju-
„ stine, populum verbo vite in fide catholica confir-
„ mavit, ac inventionem sanctorum canonizavit: ut
„ qui a deo sunt electi, a populo fideliter debeant
„ esse honorificati: civitatemque pristinae benedictioni
„ restituit. Unde concives & ceteri admodum gratu-
„ lantes in laude & honore sanctorum, & beatissimi
„ Leonis pape multimodas laudes omnipotenti Deo
„ decantabant; qui civitatem & plebem Christianorum
„ apostolica benedictione sublimavit. “

VIII.

VIII. Eo modo pars hæc actorum fuit : quæ mihi magno momento videbatur esse privatæ nostræ , simul historiæ publicæ . Præ ceteris accedit autoritas omni quoque scripturæ : quandoquidem structor ejus indicat se præsentem fuisse præclaris eorum temporum facinoribus , atque adeo consiliis ; quale fuit Leonis de Pannonica protectione . Quippe Leonem profectum pontificem ad Pannonios , atque eo non sua , sed eorum sponte concessisse , quod historiæ nostræ ferebant , ad eos imperatori conciliandos a quo defecerant , hæc , inquam , omnia scripsit iisdem diebus Hermannus Contractus , iis autem verbis : *interim dominus Leo papa ab Andrea accusatus Ungarico , cum pro pace componenda intervenisset , imperatorem ab obsidione avocavit* . Eode negotio maxime commemorari solent alia Wiberti scriptoris in vitam Leonis . Ait de eo : *non modicus quoque ei inerat fervor in augenda Republica* . Idcirco Hungariæ principes a Romano nuper imperio dissidentes multiplicibus legatis adierat ne detrectarent solita subjectione imperatori prisca persolvere tributa : quod & consenserant , si præteritorum commissorum eis concederetur indulgentia . Quapropter , sancta commonente pietate , coactus est tertia antiquam patriam repetere , & pro reorum miseratione , qui contra imperium moverant bellum , persuasoriis precibus imperiales aures expetere . Sic igitur abibat , ut idem postea Wibertus exequitur , ut narravit Hermannus , ut historiæ nostræ composue-

rant .

rant. Adde præterea Sigebertum iis proximum annis atque temporibus; ex quo similia constabant: *ren Hungarorum ab imperatore Henrico dissensit, pro quo reconciliando Leo papa ad imperatorem venit*. Alii sunt infrequentis ævi collectores, ut Annalista Saxo qui sic exhibet; *imperator iterum Pannoniam petit, & inactè redit, habens in comitatu Leonem apostolicæ sedis præfulem*: tum chronica, quæ S. Pantaleonis appellari solet, hæc eadem fert: *imperator iterum Pannoniam petit & inactè redit ducens secum Leonem apostolicæ sedis præfulem*. Sunt alii collectores, & alius ævi: monachus Albericus hæc eo modo tradit: *Henricus imperator denuo Pannonias hostiliter petens secum summum pontificem Leonem duxit*: atque Urspergenfis hæc etiam recitat; *imperator iterum Pannoniam petit & inactè redit habens secum in comitatu Brunonem apostolicæ sedis præfulem*. Quin & hoc ea tempestate constabat, Halinardum archiepiscopum Lugdunensem fuisse tum Romæ relictum pro pontifice dum Leo pontifex ad colloquium imperatoris, qui tum forte erat in finibus Ungariæ, properabat: ut acta monasterii S. Benigni Divionensis insinuant in Acherianis. Ubi continentur & acta monasterii Senonienfis, & in iis hæc observatio: *domnus papa tertio priscam patriam pro discordia Pannonicæ gentis sedanda adiit*. Antiquior eo scriptor adest etiam Viterbienfis iis verbis: *imperator exercitum movet, Pannoniam hostiliter aggrediens, Leonem papam*

secum

secum adduxit; & Andream fugavit. Antiquior Otto quoque Frisingensis: anno sequenti denuo Pannonias hostiliter petens summum Pontificem Leonem secum duxit. Adeo certa per omnem vetustatem sunt ea quæ de Leonis Ungarico itinere scripturæ nostræ posuerunt: adeo Patavinus autor in suis enarrationibus observans ac diligens erat.

IX. Accedit & stilus ejus ac loquendi modus augendæ fidei narrationis. Ex Adamo quidem Kollario capite septimo, octavo, nono juris Ungarici patronatus, habentur ex formulæ quas hoc eodem seculo Romani pontifices adhibebant in Ungaricis negotiis. Nam *regnum Ungariæ* dicitur ab iis *Henricus imperator* his annis *ad honorem Sancti Petri* subegisse; *jus & honorem Sancti Petri beneficiumque* continere: *regnum Ungariæ* subjici *sanctæ & universali matri Romanæ ecclesiæ*: quatenus *intercessione Beati Petri in gloria & honore proficiat*: *ad reverentiam sedis apostolicæ debitam*: *rex ad serviendum Beato Petro* jubetur esse *paratus & ad obediendum Romanis*. Ita pontifices ii se gerunt, easque voces usurpant. Ex quo genere sunt hæc eadem Patavini descriptoris, ut advertimus: *in servitium Sancti Petri apostoli ad subjungendum non hostiliter videlicet, sed illorum sponte Ungaricum sibi regnum*: quæ videntur ut ex ore pontificis affectuumque ejus iis diebus in Patavinum vulgus abire, stylo quoque excipi; qualia nunc habemus & exploravimus hætenus:

atque

atque eo magis authenticum scriptorum nostrarum testimonium fiebat. Alia mox eorum bona quædam constabunt.

X. Interim de nostris tractatoribus, ut proposuimus, exequor. Hi Patavinis actis iis haud improbabilibus, ut spectavimus, annum tamen assentiunt millesimum quinquagesimum tertium: sed eum diximus annum falso reputari. Dabant eum Patavinæ quidem descriptiones aliis aliisque probationibus authenticæ probatæque: sed hic annus eis credi non debuerat. Hoc uno falli convincuntur ii scriptores: aut amanuensium vitium fuit: immo sciolorum fraus: ut infra consultabimus. Anno millesimo quinquagesimo secundo, non autem tertio, peragitur a nostratibus; eo scilicet anno quum Pontifex Leo processit ad Ungaros. Iter autem Leonis Ungaricum fuit anno millesimo quinquagesimo secundo: quod habent Hermannus, & Wibertus, & Annalista Saxo, Chronica S. Pantaleonis, & Sigebertus, & Albericus, & Urspergensis, & Senoniensis, & Viterbiensis, & Frisingensis, & illustrator Alinardi; quos enumeravimus: aut quicquid est bonæ vetustatis. Emendandi quippe fuerunt aliqui recentiores ea postponentes, aut anticipantes apud Hieronymum Pez, aut alios.

XI. Erit evidens hic secundus, & quinquagesimus annus ex alia quoque observatione quam proposueramus, eamque domesticis tractatoribus objecimus. Hi postquam scripturis Patavinis id quod erat falsum cre-

diderant, non credunt id quod verum fuit. Ajunt scripturæ nostræ Leonem fuisse Patavii dum pergeret ad Pannonios: ajunt hi tractatores eum fuisse Patavii, dum rediret a Pannoniis. Anno millesimo quinquagesimo secundo Pontifex Leo non redibat a Pannoniis, ergo non in eo reditu Patavii fuit. Immo Pontifex Leo numquam redibat a Pannoniis, ut ab ea parte rediens huc diverteret, aut dici possit huc divertere, Consulamus antiquitatem quæ magis his etiam patet temporibus, quam quum tractatores nostri talia comminiscerentur. Alinardum Lugdunensem dixi Romæ relictum pro pontifice dum Leo pontifex *ad colloquium imperatoris, qui tum forte erat in finibus Ungariæ, properabat*: eum propterea *jussit prædictus papa Romæ residere donec ipse rediret*: hæc ab historico verba fuerunt. Iis autem diebus Alinardus ad mensam veneno appetitur: iis diebus & discessit ab urbe Leo pontifex, & venenum sumpsit Alinardus: hoc etiam probabat ordo narrationis antiqui scriptoris. Alinardus absumpto veneno decessit *infra octo dies*; obiit autem *quarto Kal. augusti, anno millesimo quinquagesimo secundo*; sic Alinardi fata notantur. Ac Leo Roma digressus, in Ungariam tendens ad Patavinos accedit: hic aderat Leo pontifex quarto nonas augusti, primo, vel altero die mensis Augusti; quemadmodum constat ex actis. Ita conveniunt & dies Alinardi mortis, & Leonis ad nos viæ. Quindecim iis fere diebus expeditum fuit inter

ur-

urbem Romam Pataviumque. Nec opportunior enumeratio, si vis, anni, mensium; dierum, locorum fuit ex utraque parte.

XII. Succedunt historiae Venetę, qualescumque nobis hinc advenerint: ex tamen afferuntque, notum Leonem pontificem fuisse Venetiis. In anno maxime fallunt; ut ex Dandolo: *post hæc*, inquit, *idem pontifex ob singularem devotionem quam ad beatum Marcum gerebat, Venetias accedens a duce, & a civibus reverenter suscipitur, & ecclesiam intravit, & evangelistę orationes & laudes exsolvit, ac ducatus & huic ecclesię & aliis piis locis indulgentias & immunitates indulxit.* Ut hæc etiam de MSS. Strotiano Bollandistę notant: anno millesimo quinquagesimo quarto D. N. J. C. indictione VI. decimasextia Kl. majas depositione exultemus beati patris nostri Leonis papę IX. regnante Henrico imperatore filio Conradi imperatoris Romę: Monomacho imperatore totius orbis; & regnante Dominico Contareno duce Venetiarum, & Dalmaticorum, nec non Dominico patriarcha in civitate Gradenfis ecclesię Venetię ad laudem, beatus Leo papa pius ac miris causa orationis ad sanctum Marcum apostolum, & evangelistam pervenit, & ibidem susceptus est. Alii scriptores eadem commemorantes eadem ratione transverſi sunt. Hi Muratorium quoque traxerunt in opiniones avias. At si tempus a facto discernitur, hæc omnis historicorum turba recentium vetustiorumque

suum testimonium fert. Error est in anno vel annis. Hi vero non pertinent ad factum, pertinent ad tempus. Ex historicis Venetis factum recipimus: ex historiis Patavinis tempus assignamus. Hoc modo Leonis ingressus in has partes alienis & asseritur autoribus; & non tantum domesticis: alieni vero de nobis id assequuntur, ut memoriam tanti adventus & fidentius in fastos suos ingerant, eamque probabiliore loco disponant.

XIII. Post eos ergo dies habemus Ungarica facta: Leonem subeuntem, de pace tractantem, colloquia cum rege, cum cæsare: quæ simul omnia frustra fuerunt; aut regis Andreæ probro, quod Hermannus asserit; aut cæsaris Heinrichi labe, quam Wibertus atque ex eo Sigebertus indicant. Ad documenta præterea sunt alia quæ clauderant ab alia parte motus eos Leonis Ungaricos. Agit idem Ratisbonæ primis diebus Octobris. Atque eo, post Ungariam, venerat: nec ad nos redierat eo mense, vel anno eo: nec is amplius ad nos rediit; ut præfati sumus. Ignorare nostrates historiam seculi cum dicerent, Ungarico reditu Leonem Patavii fuisse. Nunc ea describimus ex historiis Andreæ Ratisponensis: *hic Leo IX. anno domini MLII. sui pontificatus anno quarto per instantiam serenissimi imperatoris Henrici ad partes Germaniæ & præcipue ad nostram urbem Ratisponam ad venerabile corpus beati Wolfgangi hujus sedis episcopi transferendum est evo-*

CAUS

eatus quo ea qua decuit reverentia nonis octobris translatio in crastinum, hoc est VIII. idus prædicti mensis ad preces imperatoris, & aliorum fidelium, nec non sanctitate & meritis beati Erhardi Ardatensis episcopi corpus transtulit in monasterio inferiori. Sicque Sanctus Leo papa plurima urbis Ratisponæ loca perlustrans tandem rogatus a fidelibus basilicam super testudinem in honore sanctorum apostolorum Simonis, & Judæ personaliter consecravit. Ultimis diebus Octobris erat Bambergæ Leo pontifex, ut apparet ex litteris ejus ad Bambergenses: cum, inquit, in partes Germaniæ venissemus, quæ orientali Franciæ adjacent, prece dilectissimi filii nostri Henrici secundi imperatoris & tertii regis, ac dilectissimi confratris nostri episcopi H. Babeberg venimus, & in die natali beati Luca evangelistæ inter missarum sollemnia dum verbum Dei haberemus ad populum. Quæ cum postmodum scriptis suis edissereret idem Leo pontifex, apud villam Tribuariam proxime Rhenum fuit intra novembrem: quo mense locoque litteras adsignat eas suas. Ac decembri deinde mense manet Wormaciæ Leo Apostolicus, & Henricus imperator; atque ibi natale Domini celebrabant: hæc enim Annalista Saxo. Quæ monumenta vulgavit omnia Georgius Eccardus. Idem Annalista Saxo, pariter Urspergensis, & chronica S. Pantaleonis, & Wibertus, & Hermannus, aut alii scriptores, aut alia scripta Leonis eum trans alpes habuerant omnem hunc annum cum sequentis initii.

XIV.

XIV. In Italiam demum fit reditus; at ex Germania, non ex Ungaria; nec augusto, verum februario mense; neque is ex via declinans Patavium, sed in rectam contendens; ut eam describunt Hermanni tabulæ millesimo quinquagesimo tertio: quippe *transiens per Alamanniam purificationem Sanctæ Mariæ Augustæ egit, Mantuæque quinquagesimam; & infra dies quadragesimæ Romam pervenit*. Hic ordo pontificiæ, quam dicunt, scalæ per eos gradus; ab urbe Roma pertingens ad nos, ad Venetos, ad Ungaros, ad Germanos: ex iis autem regrediens ad Romanos suos: a Germanicis post menses fere sex rediens, non ab Ungaricis partibus. Hoc itinerarium Leonis edocent ergo Patavinæ scriptiones: & iis assentiunt æta seculi series antiquitatis.

XV. At Leonis habetur & bulla; quam vocant, in hoc archivo Casinatium: de qua superest exemplum præ ceteris, id autem continens annos etiam septingentos, aut quasi: verum ea commendatio magna quædam fuit. Hoc edicto pontifex ait, se Patavii sedere quarto nonas augusti: qui dies & Aëtorum signatur, & Patavina celebritate præcipuus est. Addit ex eodem Pontifice Cavacius: *& ne minus videretur cænobii rebus, ac Joannis dignitati consuluisse, cænobium ipsum sub apostolica sedis patrocinium recipit; & Joanni abbari successoribusque concedit in sacris sollempnibus & supplicationibus uti posse mirra, cbirosbecis, dalmatica, &*

san-

fundaliis: hæc atque alia talia pontifex ait se dare Joanni cenobii antistiti: salvo scilicet jure matris sue ecclesie Patruanae. Quatinus precibus & meritis illius beatæ virginis, & martiris, cujus corpus in commissio tibi monasterio requiescit, pro cujus etiam honore ac dilectione tibi supradicta tradimus, adjuvari valeamus.

LVI. Hæc autem bulla Leonis eo modo notatur, ut acta ferunt inventionis, anno millesimo quinquagesimo tertio. Nam fallere notam cognovimus. Acta fallunt in hoc, & rescriptum pontificium fallit. In quo tamen adverti non eandem utrimque facti conditionem fore. Nam de scripturis aliis, quas hætenus examinavimus, errorem descriptoris etiam statim licebat, annum pro tertio secundum revocare licebat: id, inquam, facile videbatur in actis inventionis. At scriptum Leonis est aliis etiam significationibus. In primis obtenditur anno quinquagesimo tertio, deinde notatur & indictione sexta, rursus & anno quinto pontificatus: & adeit hic mensis, & hic dies. Hæc omnia de Leonis edicto primum consentiunt sibi; tum respondent actis iis aliis: etsi tota demum pravitas annus is sit. Hic exoritur ea quaestio non adversus amanuensis imperitiam, sed alia gravior adversus falsarium. Quippe fallit & indoctus, at indocti more; si quid imitat implicatius, hæret, aut errorem cito prodit. In hac autem designatione temporum consulto sunt omnia: partes omnes altera constat alteri: nec aliquid ibi negligen-

ter appositum, vel aliqua nescientis hominis in hac parte suspicio est: ita conveniunt historicus & pontifex in assignandis anno, mense, die; quæ præterea notæ respondent omnes, & anno quinto pontificatus; & respondent omnes indictioni sextæ, qualis adscribitur: omnino suspectus in iis omnibus adnotator est, quia nunquam falsi convictus in iis omnibus. At si recurunt ea, quæ primum de Leonis itinere dicta sunt, adjungantur autem iis quæ de Leonis itinerario significata sunt, is profecto tertius & quinquagesimus annus admitti non debuit; etsi probatus indictione sua ceterisque notis. Immo subvertenda nunc omnia tam pulchre composita; prorsus is annus, eæque notæ sibi tam bene respondentes. Hæc infra distinguo.

XVII. Certum tamen est ex universis historicis historiisq; Leonem pontificem cum suo anno quinquagesimo tertio, cum sua indictione sexta, cum suo pontificatus anno quinto nec accessisse, nec ad has partes amplius accedere potuisse, postquam *quadragessimæ* diebus ad urbem *pervenit*; ut Hermannus edixerat. Hæc tertia pars moliminum sancti viri Leonis erit post iter ejus Ungaricum, post itinerarium ejus: ex iisque non tam facesset opinio, quam spes omnis anni quinquagesimi tertii de Patavinis enarrationibus & privilegiis. Hoc enim anno, mense junio, Leo pontifex adversus Nordmannos exercitum duxit; inito prælio vincitur; ipse captus ab hostibus intra Beneventum concluditur: hic

in annum sequentem usque commoratus est: ut erant ea verba Mafcovii. Sic annus &.is abit. Ergo qui notas eas ad Epistolam Leonis extruxit architectus haud incallidus, hoc advertere nesciebat: enumerando temporis bonus, historię tractandę malus autor est. Hac itaque ex parte fecit incite: nec aptum fundamentum pulcherrimo suo artificio supposuit.

XVIII. Habemus ex chronico Northmannico; anno MLIII. *Northmanni bellum gerunt cum Leone papa, & principe Beneventano, & Catapano imperiali in principatu Beneventi; & fugatur Rodulphus princeps; & Leo papa capitur ab Humpredo & Northmannis: & fit magna strages in mense junio. Quę tenemus & ex testimoniis Anonymi Stederburgensis, ac Lupi protospatę, Romualdi Salernitani, Mariani Scoti. Leo pontifex eo anno, eo mense victus a Normannis & captus erat. Addit anonymus Barenfis: & venit ipse Leo papa cum Alamanni, & fecit pręlium cum Northmanni in Civitate; & cecidit: comprębenserunt illum & portaverunt Benevento, tamen cum honoribus. Huic assentiunt historico Godefridus Viterbiensis, Otto Frisingensis, Anonymus Zuuetlensis. Ergo pontifex Leo victus est, & Beneventum perductus est. Habemus ex Augultensi chronico: anno MLIII. *exercitus a papa contra Northmannos ductus ab ipsis victus, & cruciatus est: ipse vero Papa apud Beneventum demoratur. Eo modo memorant Annalista Saxo, chronica S. Panta-**

Q

leo.

leonis, abbas Urspergensis. Ergo Leo pontifex & victus est, & Beneventum deportatus est, atque ibi commoratus est. Ex Wiberto etiam Leo pontifex *Beneventum veniens non modico illic anni spatio est commoratus*: & ex Brunone Signiense; pontifex *rediit Beneventum aliquanto tempore ibi commoratus*: & ex Hermannno Contracto dominus papa susceptus *ab eis, Beneventum, cum honore tamen, reductus est, ibique tempore aliquanto detentus, nec redire permissus*. Adeo nonnullum tempus apud Beneventum Leo pontifex egit: adeo more captivi degebat in iis partibus. Aut moræ causa fuit; *quia relaxari nollet, nisi suis etiam relaxatis*: ut Sigebertus, ut Albericus edocent. Habemus & hanc adnotationem Lamberti Schafnaburgensis; anno Ml.III. *Leo papa profectus contra Nortmannos consulit cum eis prope Beneventum signa, & fugientibus statim in prima congressione Longobardis, Teutonici omnes pene ad unum interfecti sunt. Ipse quoque obsessus est in Benevento, & vin tandem post multas tribulationes obsidione liberatus est*. Is enim scribendi modus admonebat, eam sancti viri captivitatem, seu, quem Wibertus asserit *incolatum*, vel exilium junio ceptum continuari menses in alios aliosque. Cum præsertim tres habeamus ex indicatis autoribus Hermannum Contractum, Brunonem Signiensem, Wibertum, qui sic historiæ seriem deducunt, ut Leo pontifex ita victus a Nordmannis & captus a Nordmannis, ita du-

ctus

ctus ad Beneventanos & amatus apud Beneventanos, ab ea nunquam civitate recesserit, quam peracto penitus anno eo millesimo quinquagesimo tertio, quam cepto quoque millesimo quinquagesimo quarto, quum Romam rediit paucos ante mortem dies. Id omnino constabit ex horum scriptorum lectione: qui longiores aliquantulum sunt in eo capite narrationis; at faciles inspiciendo sunt. Hi propterea sibi constabunt; & assentient historicis aliis, qui Leonem pontificem semper ab altero Italix limite constituebant iis mensibus omnibus anno MLIII. Nullus ex tot enarrantium, quos diximus aut vidimus, est multitudo, qui revocet ad hæc loca sanctissimum virum Julio, nec Augusto, vel aliis amplius ejus anni tempestatibus. Omnes eum sinebant apud Beneventanos, & deditum Nordmannis. Ita verax ea demum supputatio noscitur ex his observationibus omnibus hoc modo, quæ sic erat; *intravit autem idem papa Beneventum in vigilia Sancti Johannis baptiste, & steris ibi usque ad festivitatem Sancti Gregorii papæ millesimo quinquagesimo quarto, mense martio; post novem denique menses.* Quæ verba Leonis erant Othienfis: ex eoque maxime videtur accepisse Malscovius: hunc enim virum principio notaveramus. Historicos autem veteres, quos advertimus hætenus in tota dissertatione, proferunt eos, ut admonui quoque de nonnullis, Acherius, Eccardus, Urstius, Calmetus, Mabilonius, Meibonius, Pistorius, Muratorius, Leibni-

rius, Freherus, uterque Pez, aliique suis in Collectionibus; ut Gattula, vel alii.

XIX. Nunc utriusque rei comparatio nobis erat in manu. Vel enim falsa putabitur omnis antiquitas, aut notas ad epistolam Leonis eas existimabimus esse falsas. In qua dissertatione dixi notas ad epistolam convictas esse falsi; non epistolam dico. Nihil offendit hæc epistola, quemadmodum faciunt eæ notæ. Constat iis etiam seculis haberi litteras, omnis autem conditionis; ut imperatorum, pontificum, reliquorumque mortalium, quicumque sint; eas, inquam, litteras eo modo nonnumquam dari, sine datis, ut vocamus: ita est, sine iis indiciiis aut anni, seu mensis, aut diei, seu loci, vel aliis. Ego speculabar id maxime de pontificalibus edictis; ut hæc modo consideratio fert.

XX. Aliqua sunt eorum sine indictione, cum formulis aliis: aliqua continent indictionem sine cæteris formulis. De loco memorant alia quæ de reliquis omittunt; ex eo est *datum Laterani*, *datum Beneventi*, vel *ad Sanctum Petrum*, vel *ad Sanctam Mariam*; nam reliquæ notationes aberant. Aliquando locus omititur, alia præsto sunt. Et aliud in his abundat, aliud autem deest. In edicto Leonis ad Patavinos ita signari potuerat, aut datum Patavii, aut datum quarto nonas augusti: seculum recipiebat eas formulas: & hætenus omnia conveniunt cum tota scriptione: bene est epistolæ toti Leonis iisque notis. Aliæ deinde, quales

aut

aut indictionis, aut pontificatus, aut anni designationes erant, hæc potuerant abesse: nam seculum linebat. Hæc tres ergo notæ posteriores ea temporum consuetudine censebantur inutiles integritati diplomatis: huc autem transductæ magnam scriptis honorificentissimis infamiam crearunt.

XXI. Eo sunt aspectu Patavinæ scriptiones, Inventionis acta, Leonis epistola, quo facile placerent ab omni parte, si numerus unus in altera corrigatur, ut est in Inventione; si nonnihil inutilitatis in altera purgetur, ut est in epistola. Quorum utrumque licebat in exemplis, ut erant hæc nostra, vel immutare voces aliquas, & aliqua demere de supervacaneis. Id enim suspectabam quoque fraudis in explorato librario, ne de litteris aliis Leonis eam clausulam sumpsisset, eam deinde scriptis Patavinis apposuisset, aut orrandi gratia, vel instrumenti fortasse redintegrandi; quandoquidem pro mutilo vilesceret. Alii si velint in eo dolum potius esse, quod amanuensis ex anno quinquagesimo secundo tertium fecerit, ex quinta indictione sextam adulteraverit, ex quarto pontificatu quintum composuerit, idem simul omnia corrumpens, & hæc sciens volensque, non in utramque versutiam commentabor amplius.

XXII. Exposui jam, documentis iis nostris quid esset mali negligentia tractatorum, vel fraude. Bonum, quod est in iis etiam scriptis, asserui. Nam calenda-

ria nostratium simul inspectabam; quale tenemus in archivo S. Justinæ Monsilicanæ, præferens initium seculi tertiidecimi; notatur autem die secundo mensis augusti verbis iis: *Inventio Sanctorum Maximi, Juliani, Felicitatis, seu Innocentium*. Tam valent eæ Patavinæ vetustates, & altera alteri fidem conciliat, aliæ autem aliis. Ita quod malum est in iis, quod vitium est in iis hac eaque causa quam vel ego, vel alii volumus, aut alii præterea velint, id omne parum efficit adversus honorificentiam talium scripturarum quæ se partes in alias explicuerat.

Inventio Sanctorum habetur in bibliotheca Religiosorum virorum Ordinis S. Augustini Patavii. In bibliotheca S. Justinæ Patavii, atque in eo tabulario. Litteræ Papæ Leonis in archivo S. Justinæ Patavii: habentur & in viridi quem vocant Codice. Vulgavit eas antehac Bernardus Pez.

Hæc omnia continentur in Codice Diplomatico quem pro Patavinis antiquitatibus habeo diu paratum domi; si cetera vel ceteri mihi meæque diligentię respondeant, ut decet.

CAPUT X.

MLXIV.

Oudelricus in hunc annum princeps religionis apud Patavinos edidit decretum confirmandis opibus iuribusque monasterii Sanctæ Justinæ: tametsi non unum sit hoc amicitiae vel argumentum liberalitatis adversus eos monachos eumque locum toto pontificatu clarissimi viri præfultis. Hic initium tractandi sit a Gauslino atque Urso prædecessoribus, a quibus ædificatum vel instauratum cultumque coenobium significabatur: eo pontifex etiam Burchardus intenderat; ut suo anno commemoravimus. Hæc Oudelrici concessio, confirmatio, tractatio continet hac interim descriptione; molinos quatuor in fluvio Rotrone compositos in Pontemolino, quem vocamus: & ecclesiam sanctorum archangelorum loco Vantio; terram Senodo cum suis finibus & terratico; terras vineasque Prato novo; vineas etiam de Rudena; Curtem Gaibanani cum finibus ejus, & quartis, ac decimis: ædem Sancti Martini prope Montemilicem cum casis & massariis & famulis ibi manentibus, & quartis ac decimis: & massariis de Tribano, Pernumia, Capitefilue, Aire, vel alio vocabulo Are: curtem quæ Mansione dicitur in comitatu Veicerino; Sacellum præterea Sancti Galli, cum rebus

omni-

omnibus & famulis ibi, quartis & decimis: ædiculam Sancti Angeli cum decimis & quartis: & decimas & quartisium de curte Maferada seu Macerata: decimas item de Corniclana, Braidepalea, Casamurata, Vico-leone, Carpeneto, Robolone; *simul & clausura*. Concessit hæc Oudelricus in conventu suorum *fidelium clericorum & laicorum*, communique voluntate. Duos, ut dixi, præfules memorat Oudelricus in suis litteris, Urfum, Gauslinum: de tertio, qui Burchardus est, omittens: eumque nos tamen adjecimus. Oudalricus enumerat monasterii bona, tamquam de scriptis Urfo atque Gauslini pontificum: sed ea de tabulis erant Burchardi. Chartas ante me posui quatuor; eam Gauslini, deinde Urfo, tertiam Burchardi, denique Oudelrici: constitit Oudelricum descripsisse non ex iis duobus Urfo, Gauslino, quamquam prædicabat eos; at ex Burchardo, quem filiet. Ex quibus observationibus argumentor ego magis ac magis, ut feci sæpe, formulas harum concessionum confirmationumque liberiores esse; nec historiam semper ex iis haberi: quod maxime sperabatur a Muratorio, dum lis ei fuerat adversus monasterium Sanctæ Justinæ.

CAPUT XI.

MLXXV. ultimis diebus. MLXXVI. primis diebus.

INventio S. Danielis. In hoc argumento proposui facere quosdam velut centones ex historicis præsertim duobus, altero ad exitum sæculi undecimi, altero ad principium duodecimi. Hæc ratio mihi præstabilior erat alia, quam causis in his aliquando sequebar, ut de Cavacii longioribus excerptis assumerem. Videbatur autem vir ingenio cultuque nobilis id agitavisse modo; summam totius historiæ pulcherrima specie repræsentare voluisse; ceterum partes alias aliasque transgrediens admodum utiles eruditionibus ejus ætatis, & hujus urbis, in quas omnibus his annis præcipue nitimur. Has adeo cum fors obtulisset, oportebat a nobis in primis observantius haberi: ne propius inconsultis esset optatissimas omnium res ubi receperis abjicere.

II. Duo, quos diximus, historici sunt ex codicibus alio quingentis annis, alio quadringentis; altero de S. Petri virginibus, altero de F. F. Heremitanis. II, quos diximus, historici duo plerumque consentiunt in eo, quod narrant. Posterior exuberat, exornans; aut exscriptores alii aliis nova, non facta quidem, sed verba transmiserunt. Antiquior a descriptoribus iis integer rest, eamque primæ dictionis innocentiam servans.

R

At

At ii duo, quos diximus, historici nonnunquam sibi dissentiant, aut in gestis, aut in ordine, tempore, causis. Quarum dissimilitudinum facies erat, qualis historię fuit omnis ævi, dum plures homines in eandem seriem narrationis invadunt, at omnia præsto non erant observationum capita, partes, aut notæ. Ceterum, quæ nunc inter utrumque nostratum pauca dissidebant, ea sic existimabimus utrolibet modo fuisse; vel ut prior ex iis, aut ut posterior historicus asseruit.

III. Incipit legenda S. Danielis. Senior historicus. Civitas est Italica in Aquilegie Veneciæ partibus sita; Patavis nuncupata; quę olim ab Antenore, creditur fabricata; in cujus confinio cenobium est Sanctę Justinę Virginis dedicatum, in quo Sancti Danielis martiris corpus antiquitus erat reconditum: quod in arca faxea dignoscitur quievisse; quod decursis temporibus illic esse penitus ignorabatur. Fuerat namque odiosum exterminium civitatis; ideo nulla erat de sanctissimi viri Danielis corpore mentio. Cumque per annorum multorum curricula illic monachi infedissent, seu Beati Prodocimi corpus ibi coleretur assidue, hunc qui latebat thesaurum nemo sciebat absconditum. Sed Deus cuicumque in Tuscię partibus ceco suum dignatus est primitus martyrem revelare. Junior historicus. Erat in Tuscia Italię provincia homo quidam utroque lumine cecus, qui cum per multa temporum vo-

lumi-

lumina nullo medicorum potuit adjuvari suffragio, contemptis eorum collyriis, cauteriis, & cataplasmatibus, soli deo dedicavit spem suam. Nocte quadam, quum leni sopori sua membra dedisset, apparuit ei Sanctus Daniel juvenili ætate floridus, aspectu decorus, leviticis indumentis ornatus, qui sibi per somnium talia familiariter eloqui videbatur: est. civitas in Venetia non multum longe ab Adriatico mari sita, Patavium nuncupata, in cuius territorio constructum est oratorium ubi requiescit corpus beati Profdocimi: & ibi corporis mei locellus in occulto abditus est. Senior historicus. Est civitas quondam nobilissima urbs in porrecta Adriatici maris sinu edificata, cui vicina Venezialis pars vel Aquilejæ adiacet, Patavis vocabulo. Hanc perquire: & Sanctæ Justinz monasterium ibi non longe subintra, oratoriumque sancti Profdocimi. Statimque pervigil homo a somno surrexit.

IV. Junior historicus. Nec mora, comite sibi sociato, iter arripuit. Quid plura? venit demum in urbem quam querebat: optatum oratorium invenit; causam viæ monachis ibi congregatis insinuavit; & ut locus & tempus orandi sibi daretur impetravit. Ducitur itaque per manus ad altare, ac locus orationibus aptus per tractum ei demonstratur. Prostermitur hic in marmoreo pavimento, lapides osculatur, rigat lacrymis. Cumque per aliquot dierum spatia divina pietas lumen oculis ejus. reddere distulisset; ac viæ focus jam de lu-

minis restitutione desperans eum reducere voluisset, cecus ait, propriam domum non repetam, neque ulterius de loco isto discedam nisi videro magnalia dei.

V. Quamvis autem extra propositum digressionem facere videamur, ut tamen apertius sciatis ubi, & quomodo cecus ille, de quo agitur, fuerit illuminatus, libet breviter locum ipsum, in quo factum fuit hoc miraculum, describere. In diebus illis extra ultima urbis menia, in loco videlicet quem, ut traditur, campum martium vocabat antiquitas, constructa erat basilica, ubi requiescit corpus beatę Justinę virginis, & martyris, & corpus sancti Maximi, & sancti Juliani, sanctęque Felicitatis virginis, & trium puerorum, qui vice Christi ex Herodiano decreto decollati fuere; ac multorum aliorum quorum memoriam non habemus. Illa namque basilica marmoreis suffulta columnis, ex magna parte marmoreis tabulis ornata & deaurata celestium interius siderum radiabat ad instar: nec mirum quidem; cum illam Vir Clarissimus & Illustris, Prefectus Pretorii atque Patricius Opilio nomine imperatoris divitiis construens eliminavit. Est præter hanc in pulcherrimo secessu qui vergit ad meridiem, oratorium sive templum mirę pulchritudinis constructum in honore Dei & beatę Marię semper virginis, & plurimorum apostolorum, in quo Sancti Prosdocimi corpus tumulatum jacet: cujus parietes humotenus in circuitu vario sunt marmore crustati; pars vero superior

quæ

quæ testudineo clauditur arcu longe lateque deaurata relucet , & opere museleo depicta quasi celeste palatium ac viridantia paradisi prata demonstrat . A memorata basilica porrigitur atriolum pulchrum satis & elegans , per quod modo dicto templo facilis datur accessus.

VI. Sub hujus atrioli pavimento Sancti Danielis corpus in defossa tellure jacebat humatum ; quod non incolæ loci non monachi ejusdem cœnobii aliqua ratione illic esse noverant : imo de eo nullam penitus famam audierant . Nam civitas in antiquo tempore a Longobardis per triennium & amplius obsessa , & tandem , ut Longobardica narrat historia , iniecto igne concremata , & solo tenus diruta , & postmodum ab Ungarorum barbarie deleta , & ejusdem loci monasterio exusto atque destructo ; abductis a paganis , pro nefas ! sanctimonialibus , quæ illic in diebus illis deo serviebant , abductis etiam civibus & jugulatis , nulla super terram in ipso loco Sancti Danielis mentio remansit . Jamjam ad propositum redeundum est .

VII. Quadam igitur die , dum in prefati atrioli pavimento more solito cecus accumberet , & ante oratorii aditum super Sancti Danielis ossa prolixis orationibus insisteret dulci sopore depressus , utpote fatigatus & mœrens vidit in somnis Sanctum Danielem eadem similitudine ac forma qua se vocantem in Tuscia viderat . Senior historicus . Viditque assistere virum quem

fuis

fuis partibus soporatus agnoverat, virum ætate juvenem, vultu decorum; qui ajens illi; esto sanus, & lumen, quod sponendi, a domino fulcipe impetratum. At ille hilarius surgens, &, ut videret quis esset, minime recognovit. Tunc statim dei sensit adeste solamen; & circumspiciens vidit.

VIII. Junior historicus. Evigilans ergo cecus, jam non cecus, statim divinum sensit adeste præsidium. Nam fugata caligine quæ modo tegebat oculos ejus, circumspiciens plenarie vidit altare quod erat in templo, ac deinde cetera circumstantia. Profiliens itaque lætus & præ gaudio, ut in talibus assolet fieri, densens, nullo ducente deambulabat. Et progressus ad monachos, quos propius invenit, narravit eis omnia quæ sibi per dei misericordiam acciderant. At illi deduxerunt eum ad abbatem, ut illi eadem recitaret. Quibus auditis, cucurrit abbas una cum viro illuminato ad prædictum oratorium obnixè rogitans, ut sibi locum, in quo quieverat, ostenderet. Ostenditur itaque illi locus, & Sancti Danielis schema describitur. Magnum igitur in monasterio gaudium exoritur & alii certatim ad sonanda tintinnabula cursitant, alii laudes deo decantant.

IX. Ea tempestate præfatum monasterium regebat abbas nomine Johannes, vir bonus, mitis, ac simplex, & timens Deum. Senior historicus. Erat eodem tempore vir per omnia valens episcopus Uldericus qui se-

ptem

ptem liberalium artium norma fulgebat ; ac physice , Ethice , logiceque disputationis cuncta pernoscent. Quem aggrediens abbas , & per ordinem omnia suggerens &c. Junior historicus. Abbas venit in civitatem , & Ydelricum qui tunc episcopaliter Pataviensem ecclesiam gubernabat , adiit , suggerens ei per ordinem omnia quæ vir noviter illuminatus de sancto sibi Daniele retulerat.

X. Aliud ex antiquo cantico : Confitentes recitemus Hoc quod Sanctus Daniel . Reparavit visum Tusco. Daniele hic invenit In Patavium cum pervenit ; Primo tumultum Ignoravit ; sed monstratur Quo monstrato mox sanatur : Sanus ad episcopum Venit ; visa recitavit . Et antistes convocavit Clerum adque populum.

XI. Junior historicus. Episcopus itaque his diligenter auditis , convocato clero & populo , inter cætera quæ illis de christiana religione ministrabat , ea etiam quæ sibi per abbatem fuerant intimata narravit : affuit & abbas , & seriatim eadem cum gaudio recitavit . Senior historicus. Sicque præsul expectare modicum tempus indixit ; atque ipsemet quis esset , inquirere velle . Cum paucis igitur evolutis diebus adest cum cereis pontifex , investigare cupit de Sancti Danielis cognomine. Sed accepto tandem consilio ut Dominico peracto natale rem indicatam diligenter discuteret. Junior historicus. Quamvis igitur universus p.

pulus

pulus ad tam sacrum thesaurum indagandum anheleret, & extemplo ad fodiendum se præpararet, episcopus tamen modicum tempus expectare præcepit; & semet cum eis affuturum spondit. Antistitis ergo dispositioni gaudens populus paruit; & cum percepta benedictione ad propria repedavit.

XII. Dominica interim transmissa nativitate, statuta dies advenit: cum ecce memoratus episcopus promissionis suæ haut immemor, assumptis secum duobus aliis pontificibus, qui tunc Patavium causa legationis advennerant; assumptis etiam quibusdam ex clero, & populo, viris honestis & religiosis, perrexit ad locum ubi diximus cecum fuisse illuminatum, & una cum prælibato abbate fodere cepit. Sublato autem ex pavimento marmoreis crustis, dissolutis quoque cum cemento ruderibus quæ super venerabilis sepulchri tegmen connexa jacebant, non diu rimando scrobificavit: set in proximo quod desiderant inveniunt. Vident namque archam ex albo marmore factam, passim in circuitu ferreis lamis & plumbo ligatam. Nec mora, ferrea vincula dissolvunt, elevatoque archæ tegmine cantantes unanimes voce Kyrie Eleison, non vident corpus, sed circa illud immania martyrii signa.

XIII. Senior historicus. Erat more antistitum infolis decoratum, sed diversis maceratum suppliciis, corpus parieti confixum clavibus, maceratum fustibus simul omnibusque membris tabefactum jacebat: cruore . . . Ju-

nior

nior historicus. Jacebat enim Sanctus Daniel super ligneam tabulam ad instar suæ longitudinis protelatam supinus & extensus; habens super se marmoream tabulam ejusdem longitudinis cum inferiori tabula confixam atque conjunctam: profecto ferrei clavi & enormes, transfodientes sanctum caput ejus & pectus & ventrem atque omnia membra usque ad talos, modo distas tabulas colligabant. Neque hoc prætermittendum, quod sanguis a tam digno corpore diffusus ita recens apparebat, ac si tunc demum calidus ex vulneribus stillaret. Senior historicus. Quod expertum præfules gaudent, ac de sancti viri nomine litteras quærun; quas non in arca, sed de foris in eo saxo exaratum ita reppererunt. Hic Corpus Danielis Martiris ac Levite Quiescit. Et dum legissent, non cunctando, sed absque mora de sepulchro elevant corpus ad Sanctæ Justinæ altare hymnizando deducunt. Junior historicus. Adjunctis itaque sacris odoribus incensi & thimiamatis elevant ex arca pontifices prætaxatas cum sancto corpore tabulas, & ante altare Sanctæ Justinæ deportantes in mundo gaufape involutas deportant.

XIV. Senior historicus. Ibi etenim sinunt: ac ad sui regrediens sedem episcopus utriusque sexus admonet cives, ut corpus inventum devotis mentibus ad Sanctæ Marię domum deferant. Huic etenim definitioni populus non contradixit. Sed die postera adsunt episcopi tres, canonicus ordo simul cum clero ac populo, cum

S

hy-

hymnis, cereisq; accensis ad deferendum sanctum corpus concurrunt. Illuc namque in manibus alii aromata ferunt; innumerabiles undique ex villis curstant vulgi: quod per sanctum suum deus innarrabilia signa declarat: claudis vero redditur gressus, & cecis visus, surdis auditus, infirmis debilibusq; sine mora fertur medela. Aspiciunt cuncti, ac de concessio munere gaudent. Quid plura? adest populus cunctus: sed partim antistitis deliberationi assentiunt, partim contradicunt: & malunt illic condere sanctum corpus, quam ad civitatem deferre.

XV. Sed deus omnipotens suæ genitricis domo talem non vult denegare patronum. Vim attribuit clero: & raptum sanctissimi Danielis corpus hymnizando ad civitatem deportant. Tunc prorumpens in gaudio præsul ait; beatus quem elegisti & assumpsisti, inhabitabit in domo genitricis tuæ. Erant igitur utriusque sexus innumerabiles populi qui deo vota persolvunt; ac iter agendo antecedentes & consequentes altisona voce decantant. Cumque ante muralis ambitum subintrassent, tunc sancti Danielis corpus deponunt, ibique pontifex salutaria populo monita dedit; seu in loco illo basilicam sanctissimo viro construere iussit. Iterum anxie corpus clerici tollunt, ad sanctæ Mariæ domum noviter constructum lætabundi deportant.

XVI. Junior historicus. Præfules qui in civitate pernoctaverant, inito consilio rediere, ut sanctum corpus

ad maiorem ecclesiam sanctæ Mariæ transferrent in urbem. Et licet ex laicis nonnulli dissentirent dicendo sacrum monasterium non debere suo martyre defraudari, pars tamen major, & clericalis ordo episcopali definitioni assensum pariter, & suffragium præbuere. Cum ingenti ergo gaudio elewant gratum onus & dum in urbem transferre cupiunt usque in suburbium sine labore deducunt. Sed cum trans vallum deVectum fuisset, cum tanto gravamine, mirabile dictu, vectorum pressit humeros, quod non tam deportari, sed nec moveri de loco in locum poterat. Quid ergo? descebant antistites, & omnis clerus, stupebant senes atque plorabant, viduæ solutis orinibus incedentes palmis & pugnis pectora non cessabant tundere; non plangebant juvenes trepidæve puellæ, gangibant, & more infantium vagibant. Prætereo, quod contra naturam hyemalis temporis tanta fuit in aere commotio, ut horribilis ad instar tonitruï magni fragor sine intermissione crepitaret, ut lampades & coruscationes fractis nubibus interpolarent, & grandinosæ pluviæ non more pluviarum, sed fluminis profluerent. Quisque sibi timebat, quisque occulta quæ commiserat delicta mente tractabat. Alii dicebant: indignatio dei descendit super nos, quia de loco suo sanctum dei avellere tentavimus. Alii clamabant: ideo iram dei meruimus, quia sanctum virum in civitatem pollutam, & fæce peccaminum sordidam transferre conati sumus.

XVII. Interea Patavinus episcopus populos admonuit. Deinde subjunxit: vovete domino deo vestro & sancto Danieli, quia si permiserit se ad locum destinatum transferri, hoc in loco fabricabitis ei basilicam ad honorem & laudem domini Nostri Jesu Christi. Cumque populus votum juxta præsulis admonitionem vovisset, & episcopus eos crucis signo benedixisset, confisus in dei adjutorio cepit elevare venerabile corpus, & invenit illud consuetę levitatis. Gaudet igitur antistites, gaudet & omnis populus, & voce consona decantant hymnum. Rex gloriose Martyrum. Elevataque gloriofa ossa in domum sanctę Marię noviter constructam lætitudinis reportant. Senior historicus. Tunc intrant januam, ac domum gratum deponunt. Lętantur vero pontifices, seu devotus populus cum toto clero de sibi a domino concessio munere. Tunc sagacissimus pontifex admonet sibi creditum gregem, dansque illi cęlestia pabula, ut per hæc terrestria mala respuant: monens iterum ut nocturnas diuturnasque sanctissimo imponerent excubias corpori.

XVIII. Junior historicus. Deposita vero ibi dulci sarcina, & a pontificibus antiphona decantata; clerus & populus digna cum reverentia instruitur ad vigiliis. Senior historicus. Quas devote impleverunt.

XIX. Inito consilio pontifex de dei basilica consecranda: quod annuunt populi simul cum clero: ac eum ut agar subnixis vocibus poscunt. Tunc diem in-

dixit

dixit antistes, & se quarto Kalendarum januarii mensis promisit esse facturum: implens illud igitur dictum factis. Sed more solito dum nocturnas patrociniis imponerent vigiliis sancto corpori, & dum cæli sidera conspiceret civilis vulgus, & quamvis hyemale frigus teneret signa, contra naturam temporis subito coruscatio exoritur, fulgura coruscantia ac tonitrua præmaxima audiuntur in ethere; qualia nunquam se populi audisse referunt. Mirantur ergo præfules cum clero ac populo, quod deus desuper talia dignatur infundere. Credunt tamen ob sancti Danielis meritum cælitus fuissent ostensa.

XX. At sequuta vero die adsunt pontifices, mysteria consecrandæ implent basilicę. Sed sanctissimum tandem corpus inhumatum relinquunt. Reperto igitur postera cum ceteris die, consilio eum in occidentali ecclesię parte locare; ubi etenim sedulo honoratur officio. Renovantur ergo ibi prisca miracula simul: demoniaci liberantur, infirmi sanantur, restituitur cæcis visus, claudis gressus, surdis auditus, ac beneficia plura cunctis fidelibus. Translatus est autem dei martyr Daniel ac levita a sanctę Justinę cœnobio in civitatem Patavium ac locatus est in domo Sanctę Marię virginis dei genitricis septimo Kalendarum januarii: dies vero locationis ejus tertio nonas supradicti mensis, feria 1^a. Junior historicus. Tertio nonas supradicti mensis feriat. Senior historicus, item Junior iisdem

ver-

verbis, Reminiscantur namque fideles cuncti illius annorum domini nostri Jesu Christi temporis millesimi septuagesimi sexti, in quo patrata sunt quæ supra retulimus cuncta. Requiescit igitur sancti Danielis martyris ac levitæ corpus in urbe Patavii, in domo sanctæ Mariæ domini genitricis, in qua beneficia cunctis præstat fidelibus.

XXI. Aliud ex historico alio. Venerabile corpus invenit illud pristinæ ac consuetæ levitatis: & cum hymno Rex gloriose Martyrum, aere clarificato ad præparatum locum sibi cum maximo gaudio deprecatur in ecclesia majori: quo deposito inchoatur antiphona; Beatus quem elegisti, habitabit in atriis tuis. Et sic in arca marmorea, ubi nunc cernitur, sepelitur; festumque celebre statuitur tertia die januario intrante, anno nativitatis domini nostri Jesu Christi corrente millesimo LXXVI.

XXII. Qui scriptor hic ultimus est in eodem codice FF. Heremitarum. Semel his centonibus intexuimus & canticum vetus: hoc autem de tabulario sancti Petri fuerat. Utroque manent in iis manuscriptis aliæ simili modo cantiunculæ, quæ versibus alternaverant eas historicorum scriptiones. Et habemus in archivo Montilicano calendarium, quod alibi memoravimus, initium sæculi tertiodecimi præferens, eam tertio nonas januarii memoriam designans iis verbis; *collocatio sancti Danielis martyris*. Atque ibi sunt aliæ, si-

mul

mul alibi aliæ Patavinorum sunt in sanctum virum commendationes omnis ætatis, & omnis ordinis ac generis ex tabulis publicis, ex publicis ædibus, ac monetis publicis.

XXIII. In primis observavimus historicos eos duos, in quos ab initio commentabamur, ex quibus unam præcipue narrationem fecimus. Ii sic hætenus habuerant, ut alter alterum toties assequeretur, ut alter alterum toties anteverteret. Junior historicus a vetustiore multa desumpsit, ordinem, sententias, & modos, ac sæpe voces. Idem junior historicus adhibuit & de suo multa, notabiliores origines, aliasque descriptiones, præsentis ac præteriti temporis opportunitates. Utrumque putavimus agere de bonis indiciis. Aut, si quid in contrarium nonnunquam fuit iis maxime locis ubi differt inter eas tempestates aeris, hoc advertimus ab initio, vix ullas esse facti cujuscumque narrationes a pluribus hominibus, ut non inter eas aliquid aliquando dissidium fuerit.

XXIV. Ceterum se pleraque sic ex duobus his narratoribus efferunt, eamque de monumentis aliis auctoritatem tenent, ut præclarus hic ab utroque scriptore mihi demum sit apparatus historiæ temporis ejus, & Patavinæ religionis ac civitatis. Ego qui soleo de minimis partibus, ut casus hac illac dabat, tantum opus conari, vellem potius has ad usum mihi majores fuisse moles, a veteribusque paratas. Cum præsertim pro

flu-

studiis meis idem existimem Patavinas historias, aut a me compositas aut ab aliis, edere.



C A P U T XII.

MLXXVI. X. Januarii.

Diximus acta sancti Danielis, Inventionis, adeo proba comprobari magis instrumentis aliis omnis ætatis, iisque probatis: & hæc statim charta fidem dicto nostro facit. Acta quidem sancti Danielis eo modo narraverant, ædem tum Divo promissam voto populari, dum tota civitas in ejus obsequium vel admirationem rueret. Hæc autem charta præsens testimonium est ejus ædis, ac Patavinæ religionis. Ait: *serra cum capella edificata super se que est constructa ad honorem sancti Danielis foris civitate Padua in loco qui dicitur Turrefelle prope spaldo*. Prorsus ubi significabatur in Actis. Et ait charta *capellam* vel ædificatam, vel ait constructam, quæ coeperat ædificari, quæ construi coeperat; formulis communibus ejus ævi, de quibus ingerebam sæpius in hoc opere. Terram simul ædemque quæ parabatur, ad suum jus pertinere pontifex Patavinus asserit, & quæ juris erant ejusdem sacelli. Tamen hæc omnia vult assignari monasterio sanctæ Justinæ

san-

sanctique Profdocimi sito extra civitatem, ubi multa corpora sanctorum requiescunt. Ita Oudelricus episcopus adversus Joannem abbatem. Præterea se manu sua signavit antistes. Id actum civitate Patavii. Legem Romanam profitetur Oudelricus: eam Ritichero, Prando, Baroncello testes. Alii testes Liutulfus, & Maginfredus ejusdem filius.



C A P U T XIII.

MLXXVI. III. Kal. aprilis.

NOVÆ religionis ac pietatis argumentum aliud, obtulit etiam Ouldericus, ut abbas quotannis insinuere posset publicas mundinas prope templum sancti Danielis, recepto inde emolumento quodcumque ex divendis rebus obveniret. Ut ex antiquo Cavacius interpretatur instrumento: nec abest id a manibus nostris: immo duobus ejus exemplis utimur: ut aliud nonnulla præter aliud fert. Jam primum incipit in instrumentis hic audiri nomen Lignarii: tamen amplæ monachorum facultates in iis partibus antea fuere. Nec Oudelricus eundem pagum divisit, cujus pars ad austrum cum prædiis usque ad paludem Memoram monachis pareret, septentrionalis episcopo subjecta esset: ut hactenus pagi

T

pars

pars altera episcopi, altera abbatis appellatur. Hæc etiam Cavacius proponit. At partes eas Lignarii duas ab antiquioribus ætatibus æstimari vult hæc Oudelrici charta, monens de Lignario scilicet a *latere monasterii*, de Lignario ex *alio latere*. Factas diu Lignarii utriusque distinctiones Oudelricus admonet, non eas facit. Adjicit autem præful hoc instrumento *distinctionem* Lignarii monachorum, sive jurisdictionem, qui mos eorum temporum fuit. Ergo monachi fundos & agros quos ante possidebant ab ea parte Lignarii, nunc eos alia nova ratione possidere cœperunt ex edicto pontificis. Eas terras & earum colonos obtinere debebant ut comites ac principes: ex terræ siebant arimanniæ monachis, ii coloni siebant arimanni. Quemadmodum Patavinus præful erat comes Saccentis, & Lignarium pertinebat ad Saccentem ditionem, comes earum partium cedebat monachis jus potestatemque suam vel in vestigalibus aut in judiciis, aut in aliis muneribus. Hæc erat distinctio seculis iis: hæc Oudelrici donatio fuit. Alio modo fuit donatio decimæ *soribus alodii ecclesiæ quæ ad novum venerit*. Nam sacra Lignarii ædes habebat privatos fundos: & hi siebant aliquando novalia terræque novæ, cultura temporum eorum, de qua tractatur annis præteritis in opere majore. Horum novalium decimas Oudelricus attribuit monachis. Hæc non erat jurisdictio; fuit census. Eodemque modo Memora palus assignabatur ex latere alio Lignarii; de

qua

qua significatum fuerat. Dum vocabulum palus non ut aquæ stagnantes, at humiliores terræ noscantur eadem seculi consuetudine. De Lignario satis explicuimus. In villa quoque Maserata donati sunt ab episcopo monachi nostrates; *idest totum & integrum illarum decimarum quod vocatur quartese*: vel institutum, quod ait Cavacius *exigendi quadragesimam frugum ex toto agro*. Egit ea die pontifex in regione Saccifica, loco Plebe, cum suorum clientum comitiva. Notantur ex iis Chonradus vicecomes, Agicardus de Vicuncia, Allo, Berardus, Ermenaldus, Gumpertus, Alticherius. Edidit mutilam Muratorius hanc chartam tricesima sua dissertatione. Quædam ex ea nec intellexit: & similia iis se non intelligere de chartis iis nostris professus est in dissertatione XXXVI.



CAPUT XIV.

MLXXVI. Prid. Kal. aprilis.


ET haberi Danielis exuvias iis diebus in æde principe S. Mariæ noscitur ex alio scripto quod adhuc restat in ejusmodi formulas: *canonica sancta Maria, & sancto Danielis ubi corpus sanctus requiescit, Patavien-sis ecclesie*: rursus, *in eadem canonica sancta Maria,*

T 2

& san-

Œ sancto Daniele martiris: adhuc; in eadem canonica sancta Maria, Œ sancto Danielis martiris. Hoc egregium rei documentum semel iterum tertio nobis in eadem pagina conspiciendum se dabat. Huic quidem sedi canonice Conradus & Beltruda vir & uxor offerunt terram arabilem campum unum; parte nemoris aliqua; jacet in finibus urbis in loco Ruibano, juxta viam publicam. Agunt in civitate Patavii legibus Romanis: iisque testes etiam Gauzelmus, & Dominicus Faxolo, præterea Vivenzo. Alii testes Martinus, & Raginerius. Id rude scriptum, tamen autoritate decorum perstat in archivo templi majoris ejusdem Patavine sedis ex originalibus.

Ad caput quod est XV.



Reliquia Patavini Theatri velut Eugubini apud M. Sartum.

CA-

CAPUT XV.

MLXXVII. IV. Calend. martii.

ACTIO de Sanctæ Justinæ bonis ac juribus habita Patavii propior ea quidem spectaculo quam judicio fuit: instrumentum quoque præferens eam proditur aspectu pulcherrimo, primæ sine dubio manus; adsignatum duumviris augustalibus, antistite civitatis, aliis hominibus: haud absurde quasdam partes ejus habuit Cavacius; haud recte statuit de toto eo Muratorius, haud omne tanti monumenti pretium adstruit Pezius. Advenerant Patavium legati regis, alter est Sigefredus, alter Moizo nomine: regium tribunal instituerant hic, in domo pontificis: in conclavi, quod subter erat, æde pontificali, jura dabant administri principis; eo loco permittente præfule civitatis Oudelrico, simul adfidente: præter eos & Alberto Patavino: rum comite. Qui vir anno millesimo sexagesimo nono sic audiit: ego *Albertus comes filius quondam Ugonis, & nepos Manfredi comitis* olim filii majoris Ugonis origine Candianorum principum. De quo demum sanguine prostant manifesto vocabulo comites Patavinæ civitatis. Hæc aperuit ante tres annos egregius Gradonicus, in urbe Clodienſe nunc sacrorum princeps. Aderat autem concilio Patavino cum ceteris O-

gerius

gerius ibi, quem domo Fontaniva putamus, advocati ministerio seu dignitate. Notantur alio titulo alii. Valerius judex, Oddo judex, Ugo judex, Cadalo judex, Odelgerius judex, Odelricus judex, Allo judex. Alii præterea boni viri, quorum sunt nomina; Penzo, Vitto, Ugo, atque Vitto, Frogerius, Adelardo, Bertaldo, Sigibaldo, Rozo, Joannes de pre Rozo, Bernardo, Ermenardo, Attingo, Teuzo, Liuprando, Azo, Toringo, Martino de Zuliana, Donatus, Albertus: & reliqui plures, admodum scribendo nimis adnumerandoque: sicut eos actorum scriptor in summam proficitur. Hos autem, qui propria tamen appellatione vocati nunc erant, omnes in censum transituli meorum commentariorum; sperans iis plerisque nominibus hominibusque trahi multas historię Patavinę successiones ac familiarum derivationes. Hoc itaque mortaliū congressu Joannes adstiterit abbas pro suo monasterio Sanctę Justinę, cum suo pariter advocato, cui nomen Uberto.

II. Scripti verba ferebant indicium quarumdam questionum de Sanctę Justinę possessionibus aliis aut aliis. Hęc enim simul abbas & advocatus ejus obtendunt, eoque modo; *cives*, inquit ii, *vel intra civitatem vel extra nobis intencionem mittunt*. Hęc erat intentio qualis aut querela dicitur, aut lis alterius partis adversus alteram. Cives adversus eos Monachos intendere, contendere, judicio agere: capita præterea que-

rela-

relarum per eos deponi . Primum fuit de *serris* quæ *valle da mercato* dicitur ; & *prato cum Zairo* , domibus, hortis : hæc erant prope cœnobium confinibus iis, uno latere via strava filicibus , ab hac usque fluvio- lum ; aliis partibus idem cœnobium tenet . Alterum fuit caput querelarum de *fluvii Rodolonis aqua* loco subtus eum Vicentinum pontem sive Molinum ; scilicet habendæ ibi molæ atque tenendæ . Tertium , si quod erat, hoc etiam jactant , de quibuslibet cœnobii rebus, agris, domibus, ac decimis , & servitiis , aut beneficiis . Id enim fatemur : esse chartas huic interdum similes ex antiquitate, quæ præferre videntur eas intentiones, aut fori contentiones : at fere sunt edicta patrocinii publici, vel emunitatis , ut hæc etiam se- çulum vocabat . Et nonnihil attendi chartam quoque præsentem , num spectaret ad hunc ordinem potius ; ut dedi nonnullas in annalibus anno maxime millesimo quinquagesimo quinto : ceteras autem dabo post . Ex chartæ sic habentur , ut specie quadam jactationis apud iudices adversus alienam factionem : quæ tamen est nulla ; nec ulla forensis altercatio . Tantum petitiones erant edicti defensionis a magistratu ; simul exhibitio . Multum similitudinis ergo cum scripturis iis hæc mihi præferebat ; ut apparatu scilicet eo tot actorum formularumque, denique clamorum significaretur id unum ; bona Sanctæ Justinæ possessionesque muniri decreto regii ministerii ; nec adversus aliquos, aut aliquem qui contradiceret .

IV.

IV. Hæc existimans id præterea suspicabar, ultra modos eos, aliquid huic inesse tractationi, sive scriptiioni: parum dici chartam tuitionis; appellandam quoque judicatus. Antea proposui, quæ vel abbatis expostulatio vel advocati fuit. Ex iis ergo dictis interpretemur, id esse publicum judicium, præter edictum publicum: maxime quod hoc eveniebat ex eo: nec ex alterutra definitione mutat negotium seu factum Sanctæ Justinæ. Bona cœnobii pro se rescriptum tulerunt, id constat; ex judicii collustatione probabile est: hoc, an alio modo fuerit idem valet. Demum propositio maneat quam fecimus ab initio; causamque præsentem persequamur, ut actionem disputationis ex utraque parte.

V. Notaveramus hæc ut adversariorum capita, primum de valle mercati; alterum de fluvii Rodolonis aqua; tertium de bonis quæcumque forent, aliis. Hic & ordo tractandi fuit. Accepto quæstionum libello missi regis interrogaverunt iudices. Hi responderunt, se causas & instrumenta partes in omnes agitare, nullos ibi; præter hoc cœnobium, dominos aut possessores occurrere. Quod sapientum responsum coram civibus invaluit. Ergo missi regis interrogaverunt omnes cives, quinam vellent ex iis huc juramentum suum dare. Tres ex eisdem civibus accesserunt; Azo advocatus, Martinus de Juliana, Donatus Guaragnolo; se paratos ad jurandum dixerunt: alii tacerunt: ex iis

nemo

nemo reclamabat. Ii tres ad sancta Dei evangelia singuli jurabant de valle mercati, de Zairo, de terris in ambitu, domibusque; sicut erant, a *silice*, vel a *flumifello*, vel a *mercato* monasterium usque; sunt omnia Sanctæ Julling. Missi regis interrogaverunt iterum judices. Hi responderunt ex lege; cives injuria repetere.

VI. Tum dixerunt ad cives; *venite vos omnes cives; & refutate in manu domni abbatis istam vallem cum illo Zairo*. Cives igitur omnes ad tribunal accessere, quantique potuerunt tangere *fustem*, refutaverunt in manu *Jobannis abbatis & Oudelrici pontificis*. Ea de nostro monumento fuerunt. Ad ea Cavacius hoc modo: *libet describere ex tabulis vetustum morem, quo prætenjis renunciabatur*; ait: *virgam ab judice extensam adversarii tangentes profitebantur renunciare, nec aliud quicquam repetere*. Præstiterunt id Patavini cives quamplures. Arcanam vetustatem Cavacius habuit aliter a vero. Nam ritus in hunc modum fuit, atque ita scriptum Patavinum vult. Accesserant cives: ii festucam virgamque sumpserunt: apprehenderunt eam simul omnes ii, quotquot attingere præ longitudine totam potuerunt, eamque dederunt abbati Joanni, episcopo Oudelrico: sic a petitione sua populus ac civitas recessit. Ex eo genere judicium legimus habitum *civitate Corneliense*; nongentesimo nonagesimo octavo, Muratorii decima dissertatione. Missi regis eorumque judices in *generali placito* fuerunt: aliqua Sanctæ Ma-

rix bona cœnobii, quod appellatur in *Palatiolo* falsis quaesitoribus impetebantur: eo denique conventum est. Ibi, *præsentibus omnibus adprebenderunt* Gerardus, & Racco, atque Guido, germani, filii quondam Guidoni, *virgam in manibus illorum, & miserunt in manum Ursus presbiter & monachus adque prepositus monasterii sancte Marie quod vocatur in Palatiolo, & in manum meam predicto Dominicus qui vocatur Teucio, tabellio, avvocato ejusdem monasterii; & dixerunt, ecce refutamus vobis medietatem fundi qui vocatur Armenzaria cum terris, & vineis &c.* Nostrium Patavinum videtur in hac parte vel in aliis talibus ut exscriptum de Cornelienſe.

VII. Valli mercati renunciaverunt in hanc formam Patavini cives; id enim primum caput inquisitionum fuerat. Alterum, quod erat, de Rodoloniſ aqua putabimus eosdem cives eadem tacti ſignificatione dimiſiſſe. Certus eſt hic unus agens pro ceteris Ugo de Ypolito. Charta præſens eum, poſt primos Patavini communis actores tres, alium designabat in hoc alio pacto. Simul eadem credimus eſſe de tertio petitionum capite; mobilibus, immobilibus omnibus omnis ordinis ac generis honeſtamentis, opibusque. Cives ac populus ob ea nunquam facere contra Juſtinam promiſerunt; eandemque ceſſionem, vel quod aſebant reſutationem ſimili propoſito notarunt. Hæc omnia civitatis acta coegerunt in unum legati Regis; ut in pla-

cito

cito Cornelienſe, firmarunt adverſus eos, qui poſt translataſ virgam, poſſeſſionis indicium, vellent aliquid aliud, aut renovarent eaſdem querelas in eaſdem res ac poſſeſſiones.

VIII. Ait ſcriptum Patavinum; qui contra fecerit agnoſcat ſe compoſiturum duo millia mancoſeos aureos. Ait ſcriptum Cornelienſe; *qui feceris, ſciat ſe compoſiturum Bizanteos aureos*. Ita quaerimus; an ſcripti Patavini mancoſeos, aut mancoſos aut manuſcos aureos interpretemur ex Cornelienſe Biſantios aureos; aut aliarum quoque monetarum quæ ſimilis æſtimationis erant: id enim potius arbitror. Eam mulctam dividere mos erat; *medietatem camera regiæ, medietatem prædiſto monaſterio*.

IX. Virgam, quæ fuit indicium poſſeſſionis, obſervavimus hoc iudicio, ſeu, quod eſt etiam vocatum, ſpectaculo, translataſ civium Patavinorum manibus in manus Joannis abbatis, Oudelrici pontificis. Hoc ad jus monaſterii faciebat, ut maniſeſtius abbati poſſeſſio cederet; ut dominii ſignum, quod hætenus iis duobus, ut dominis, alternabat, inter alterutram denique partem diſcerneret. Huc itaque pars ultima iudicii pertinet. Oudelricus, ut *virgam reſutationis* ex civibus populoque per abbatem ſuiſceperat, abbati dimiſit. Omnis actio, ratio, jus abbatibus in poſterum cœnobioque manſit. Eadem vero mulcta pontifex agere, ſi poſt repudii tabulas iterum affectaverit.

X. Hoc unum sibi deprecatus est; *ut concedas*, ait, *mibi fodere de Zairo aliquantas petras, ut possim persolvere debitum, quod habeo in Venecia.* De Zairo sæpius objectaverat hoc scriptum, semel, iterum, quinques, septies, decies: id & *mignum* dicit *antiquitus ædificium* fuisse: nunc erui lapides etiam dicebantur ex eo, magnis debitis alicubi solvendis. Equidem puto, non proponeret Oudelricus aut nunciis regis, aut urbis universæ civibus *hoc-fuim*, quod air debitum, si parvo res exultimaretur. Id præterea Zairum describitur in media valle mercati stetitisse ruinis ingentibus. Ex eaque tempestate post annos etiam quadringentos ita comperio, nostrates homines, ut erat Ongarellus, aspestare suis adhuc oculis aliquos Zaeri muros, qui tum supererant: hoc autem admonet is lib. i. cap. iv. Cavacius habuit præsentia tantum *fundamenta*, vel *vestigia*, quæ in ipso prato vallis conspiciuntur.

XI. Hæc itaque Zairi conditio situsque, simul usus, aut possessio: nam jus, regium potius erat; ex eoque participabant episcopi nostrates. Ii Monachis, ut alia, sic Zairum permiserunt. Anno tamen alio millesimo septuagesimo nono rex iterum firmabat Oudelrico *nominatim quoque Zadrum cum pratis & omnibus adjacentiis suis.* Alia præterea terebantur anno millesimo nonagesimo cæsaris ad Patavinos pontifices; ea maxime: *quicquid ad nostram imperialem potestatem pertinet vel pertinuit tam in muris quam in viis seu aquis*

¶ omni-

Et omnibus quæ dici vel audiri possunt ad terram pertinere, concedimus, inquit: arenam quoque cum satyro, cum famulis Et famulabus ad eandem pertinentibus.

XII. Hic iniecimus & de nomine, de vocabulo, de significatione Zairi; quod verbum maxime barbaricum sonat. Hic & Zairum vidimus, & Zadrum: nam de Satyro mox erit. Observavit & Maphæius, apud Polam urbem dici collem quendam, Zari; quo loco Theatrum fuisse. Hæc autem voces, ut Zarum, Zadrum, Jadrum communes iis ait seculis. Apposuit & chartam, quæ millesimo CCC. tertio memorat ibi duo antiqua palatia Jadrum Et Harenam: quicumque accipit aliquem lapidem de dictis palatiis Jadri Et Harenæ, pro quolibet lapide solvit bizantios centum. Derivat hæc Jadrum, Zadrum, Zarum, de Theatro; corrupta recentium pronuntiatione. Sic alia de Græcis aut Græcobarbaris apud Italicos mutari litteris adfinibus. Hæc in ultima parte Veronæ suæ, capite ultimo vir immortalis elaboratissimum de Theatris aut Amphitheatris opus absolvens. Hæsi, dum viderem Cavacium longe meliores hic interpretationes edere. Nam deducit ex Satyro. De Satiro Zatirum, de Zatiro Zairum factum fuit. Hinc aliud Zadrum pro Zatro, seu Zatiro, Satiroque. Tum Polæ similia nostraribus ædificia similibus iis appellationibus. Eadem pronuntiandi corruptela penes utranque gentem fuit. Rideas de popularibus his nostris, ut hodie sunt: si de Satiris eos

in-

interrogēs, omnia de Zairis enunciabunt. Ego de Cavacii magis interpretatione decerpſi, quam deſcripti. Zairum ex reſcripto Auguſtaliū legimus exiſſiſſe antiquitus adificium maximum. Habemus ex monumentis hujus cænobii Theatrum in campo Martio olim ſteſiſſe; ex quo deſoſſi lapides ad conſtruendum cænobium translati ſint. Viſuntur adhuc veteres parietes ex his conſtructi. Sed O Zairi vocem obnixè quærenti viſum eſt ex vulgari ſermone forſan mendum iſſe. In vetuſto privilegio Cæſar arenam cum Satyro dedit, famulis, O famulubus ad campſinenſibus. Arena, vel amphitheatrum adhuc ſpectatur pone templum Eremitarum. Satyrum locum eſſe, ubi ſcena inſtar ſilveſtris alicujus regionis excitaretur ad poemata Satyrica recitanda, deducimus ex Vitruvio Pollione. Itaque ſi theatrum noſtrum ad Satyricum opus diſtinctum ab Arena dicamus, O pro Satyro Zairum ſcriptum? ut illius ætatis fuit latinas voces depravare.

Magnam laudem Cavacius ex hac interpretatione depopolcerat ſibi præ maximis hujus ætatis antiquariis.

F I N I S.